

AMABARUHA G'OKWOKUBANZA 2019.January

Obutumwa obuherezibwe Susan , kuruga hali MUKAMA, kyamukaaga,okwokubanza,12,2019.

Ebigambo mbinu hanu ,baana BANGE:RUHANGA wanyu ayekambire .Inywe mwekambire? Nimwikaza amaiso ganyu hali NYOWE?Buli busobozi bwange obumbaheriize. Mbasabire murole. Muikale haihi NANYOWE. Kakusinga muraaba mutakurora habwange, buli timuli haihi NANYOWE. Abo abatakurora tibali haihi na RUHANGA wabo, rundi buli BAROLE! Abo abakumanya omu nkoragana eyokurubata hamu bamanyire kiki ekibakurora , nakubaire nkisukuire omu kigambo KYANGE kandi nkitekere aha mitima yabo kuraba omu MWOYO ARUKWERA WANGE. Yakubatahize omunda kandi bakubaire bamanyire esaaha eyibalimu kuikaramu hati. Abo abalimu kurora habwange bamanyire ngu esaaha eri haihi eyokugaruka KWANGE kandi nekihika kingi barora oburorwaho BWANGE hamu nomulingo bukuisanamu nensi enyakubetoroire. Kinu obukuraaba nikibaizira nkeyyokuhuniiriza halinywe,kandi obu nimweyeta ne'ibara LYANGE, obu mubihabihirwe abandi, abakweyeta ne'ibara LYANGE,nobuhakuba naabo abakwetwara ngu nibarubatira haihi NANYOWE baine entekereza ngu tuli haihi ngana kandi kunu obu nibahakana omugaso gwokurora hamu nokuikara betekaniize obuire bwona habwokugaruka KWANGE omumwanya kutwara omugole-ogu wenyini owetabaza ye enyakuijire amafuta.Tekaniza etabaza yawe. Otagwibwamu okasangwa otaine mafuta aha kuija KWANGE. Toija kuba nosobora okutunga amafuta kuruga hali bandi boona aha kasumi kokuija KWANGE. Obuire buliba buhoireyo muno kandi noruigi rulikingwaho kandi tirulikingurwaho. Leka OMWOYO WANGE akutambuze. Hayo hali MUKAMA wawe, ayakufweriire aha musaraba hamu nahabwokujunwa KWAVE. Muije omu kumanya omu nkoragana eya haihi muno nkengonzi Zawe EZIKUBANZA, ugu wenyini ayakumanyire otakazairwe. Enu niyo esaaha. Hanyumaho ya hati obuire buija kuba buhoireyo. Baingi hati bafwera omu kibi. Wetekanize engeri ekigwererezi ekyamaani kirimu kuija kumaraho ensi kuraba omu basajja ababi hamu nemyoyo eyemizimu. Okunihira kwanyu kwonka okwokuhumura hati NINYOWE. Okurwanisa okundi kwona okwokulengaho kwenda kutunga okuhumura kuraba omu pulani zabasajja kuija kukurugiiramu ebigwererezi. Timbiihabiiha. Ebigambo BYANGE bihikire kandi nibyesigwa. Muije mumanye nka NYENKYA YANYU EYEKWANGASANA. Matayo 25:1 (Orufumu orwabaisiki ikumi abatwaire etabaza zabu)

Obutumwa obutungirwe Susan,kuruga hali MUKAMA,kyakana,okwokubanza , 17,2019.

Baana, BANGE, Okuzungazunga omu saaha enu eyekiirima kiri kintu ekyobuzibu muno. Ekanisa YANGE eyekyaburwamu erimu kuiruka negya kuli nakuli hagati YANGE hamu n'ensi. Kinu tikisobora kuba-tinkuija kuikiriza okwehayo okwebichweka-okwekamba okwebichweka-engonzi ezebichweka. Omulingo engeri amakanisa agabuzire gazubazuba nigagaruka enyuma hamu nomumaiso hagati YANGE hamu nomunyanzigwa WANGE,gunsindika enyuma. Balimu kuseera okwikirizibwa kuruga omu bantu hamu nokuruga omwa RUHANGA wabo hamu nokusemeza abantu tikirigeza okuleeta okuniha omu ntekereza yabantu hamu nengonzi ezihikire. Baana BANGE-mulekeraaho-mulekeraaho okuhereza engonzi zanyu ogwo owakubendeza okuhwerekerra kwanyu-owakuseruliriza orufu rwanyu buli rutambu rwona. Kiro kinu osobora kwehurra oine obulinzi bwamaani omu kurubata kwawe n'ensi eyenyakubuzire-baitu bwangu hansi mbere orubasire haija kugwayo obworaaba otaine ekigere kyawe kibyairwe kurungi aha mwandara ogugumire-NINYOWE MWANDARA.!!Lekeraho okuhambya omuirima! Omunyanzigwa WANGE ayeisanirizamu nka malaika womusana-baitu byona byokubiihabiiha-hansi yomusanagwe ogwakukuhereza haliyo okujunda hamu nomuhanda ogwokubura. Rubata oruge hali okweisaniriza kwona okwekibi-nobuhakuba ebyo byona ebintu ebinyakuija nkomusana. Mube abarukurora muno-musabe amaiso gokurolesa hamu nagokuchwamu kurungi ekintu obukiraba kiri kibi. Byona ebikuisana nkebiri kurungi tibiri birungi. Muikale muli haihi YANGE, omu kigambo KYANGE buli kiro hamu nomunkoragana na RUHANGA wanyu. Tusobora tuta kuikara tuli haihi ngana? Mumale obuire buingi muli NANYOWE buli kiro; ekiro kyona. Mweyahukanizeho nebintu ebyensi ebitakuija kubaletara okusemererwa okwebiro n'ebiro. Muhingisanizemu ensi n'okuba haihi na RUHANGA

oweihali. Leka mbetoroze nengonzi ZANGE. Leka mbahunirize nobusinge BWANGE hamu nokubahumuza. Leka nyombeke ekisiika kyobulinzi nkibetoroze hamu nobulinzi hali ensi eyekiirima kandi enyakuguire. Enu niyo esaaha eyokuba haihi na RUHANGA wawe. Otalindaho! Okulindaho muno kusobora kuba ne bikurugiramu ebifu. Leka nyijuze obwomezi bwanyu nomuhimbo hamu NENGONZI ZANGE ezikusingayo.

1 Abasesalonika 2:12 Nukwo mugendege nokukisemeriire Ruhanga, arukubeeta okutaha omu bukamabwe wenka nekitinisa.

Obutumwa obutungirwe Susan kuruga hali MUKAMA ,Kyamukaaga,okwokubanza,19,2019:

Buli buire bwokutunga ebigambo bindi: Muhulirize kurungi Baana BANGE. Obuire bulimu kubairukaho. Nimutekereza ngu muine obwomeezi oburaira muno okuseera RUHANGA wanyu hamu nokuseera ensi. Timuine ekimuine hali binu. Obuire bwanyu bulimu kuhwayo. Okwikya kwanyu omu bwomezi bunu kutaito muno. Mutageza okurora ahali ensi enyakubuzire kandi eyerimu kufwa. Ensi enu ebuzire kandi tekunseera. Okufwa nikyo ekintu ekindi ekyekomere mu. Obwohambya ensi enu eyerimu kujunda,oba okomeremu orufu. NINYOWE endugirro yonka EYOBWOMEZI-nkwasi ekyobwomezi bwona. Obwomezi tibusobora kusangwa kuraba omuli ondi wena, nobukiraaba ngu omunyanzigwa WANGE ayehinduramu kuba nka malaika owomusana, Ali mufere kandi nakwebembera kukutwara omu rufu rwonka hamu nokuhwerekerra. Mukomemu OBWOMEZI. Ebiro byanyu bibazirwe kandi muine obuire butaito muno okukora enchwamu eyekusingayo kuba yomugaso omu bwomezi bwawe bwona obwokubaho. Kakusinga okomamu omunyanzigwa WANGE, okumirra kwawe kuija kuba okuhwerekerra hamu nokubonabona okwebiro nebiro. Nyikaire ninyetegerezebwa hali ebikurugiramu ebyabo abanyakukomamu Kundwanisa omu kitabu KYANGE. Tihakuija kubaho ebyekwaso ebikukirizibwa obwabantu balyemerra omumaiso GANGE. Byoona birambikirwe omu bigambo BYANGE. Boona basobora kunkomamu nibarwanisa Omunyanzigwa WANGE owanyakwegezesamu omu kukora ekibi. Murakomamuki? Murakomamu kurungi namagezi rundi murarora enaku eyebiro nebiro mutali nogwo owanyakugaba obwomezi? Mutunge ebigambo BYANGE nukwo mwomererundi mwange amananu GANGE kandi mufwe. Haroho enchwamu ibiri zonka, kuba na RUHANGA rundi kumurwanisa. Komamu kiro kinu nooha oworahereza. Nyenkya osobora kuba okererirwe muno okukora enchwamu enu yoona- enchwamu yomugaso muno. Obwomeezi bwomuhendo. Otaga kuhungura kuli obwomezi obundimu kukuhereza. Hungura akokuzanisa kaawe hali NYOWE Kandi niko kaija kuba kokuteeba kaawe akakusembayo. NINYOWE MBALIZE.

2 Abakolinso 11:14 Kandi tigali mahano; baitu na setani ayefora maraika womusana.

Obutumwa obuherezibwe Susan Kuruga hali MUKAMA, Kyakasatu, okwokubanza ,23,2019.

Mbinu ebigambo BYANGE: Baana, ndimu kubesengereza okuserra omuhanda gwanyu okuija omu mananu GANGE, EKITABU KYANGE, OMWOYO WANGE. Mutakererwa. Obuire obwanyu kukomamu bulimu kubairukaho. Abantu balimu kufwa buli kiro omu bibi byabo batainiire kimu omuhanda ogwokutorokamu omu malirra yabo eyebiro nebiro. Bakwatiirweyo ebiro n'ebiro, nibabonesebwa hamu nokufubirwa. Enu teri niyo ndugirro eyekurugiramu eyinaheriire obwomezi BWANGE, ngu nukwo abaana BANGE banyehakane kandi bamale obwomezi obutahwaho batali NANYOWE, OMUHANGI wabo. Muikirize ekisembo KYANGE, Okujunwa KWANGE kwabusa. Inywe muheyo buhayo byona hali obwebembezi BWANGE, obulinzi hamu nomuhanda oguhikire ogwobugabe. Ensi mutego ogworufu. Nezooka nkeyekutangirra baitu kasta omara okusikirizibwa okatahamu, eija kukwebembera ne kutwara omu kuhwerekerra. Omunyanzigwa WANGE tayahuliriza banyankomo- okwegombakwe kwona kuli kubahwerekerereza kimu kubamaraho. Baingi balimu kukomamu orufu hamu nokufwerwa okwebiro byona, baingi muno nokukira abakukomamu obwomeezi. Bataito muno baija

aha muhanda ogufunda. Bataito abakomamu amananu hamu nobwomeezi obutahwaho. Okurabura KWANGE nikwetegerezibwa,ebigambo BYANGE nibisanaisana tibikuhinduka. Boona baija kumpereza embalirra yobwomeezi bwabo obwomunsi enu. Buli omu wena alihereza embalirra RUHANGA we. Olichwerwa ota? Oine okuswekwa kwomusaahi GWANGE hamu nokujunwa rundi otaine okuswekwa kwomusaahi GWANGE kandi gukusingire omusango gwobwemi hali RUHANGA ARUKWERA? Baingi balyambuka nibagya omu bwomeezi obukuija ;okugenda omu kuhwerekerra okutahwaho rundi omu bwomeezi obutahwaho omu kubaho KWANGE. Kinu kija kubaho. Buli kiro kandi buli saaha abantu nibakwatirwa omu kuhwerekerra kwabo kandi bamalirra nibarora ebibi muno kusingayo-nibyo obwomezi obwokumara oli aheeru ya RUHANGA ARUKWERA habwobuire bwoona. Wetekanize, Otakwatibwa otetekaniize. Tunga obuire oije omu kumanya RUHANGA wawe. Munseere aha maju gatezibwe, omu kigambo KYANGE hamu nahabwokutangatangana NANYOWE buli kiro. Kinkwenda okubafwerwa...enu niyo ensonga habwaki nimbaraliza kandi nahabwaki nintuma abatumwa BANGE Okubaimukya hali nyenky eyekiirima nobuhakuba aharuigi. Kwata omukono GWANGE Kandi oheyo ebyawe byoona hali NYOWE kandi ngya kukuleeta nkurabye omu muirima. Wegarukemu ekibi kyawe, ganyira boona, naaba omumaizi gekigambo KYANGE hamu oije omukumanya RUHANGA wawe. Tindigeza okuleka abo abanyakukwatira hali NYOWE. Ndi MUHANDA , Amananu, hamu nobwomezi.

Matayo 11:28 Muije namberendi inyweni abajwahire nabalemirwe, nanyowe ndabahumuza.

Gumu,tulisubura ,tulisagisa ensagi:baitu timurukumanya ekiribaho ijo. Obwomezi bwanyu kiki?baitu muli ekiho ekinyakurora akacu kake nikihwaho.

Isaya 31:1 ZIRIBABONA abo abasirimukira Misiri okukonyerwa,nibesigamira imbarasi;nibesiga egali baitu ziri nyingi,nabahambarasi baitu banyina amani maingi;baitu tibarukurora ha Arukwera wa Isaleri,kunu tibarukuse'ra MUKAMA!

Ekyebiragi 18:10-12 Hatalizoka naiwe omuntu wena arukurabya omu mu'ro omwanawe omwojo nobwakuba omuisiki,nobwakuba omuntu atera engisa,nobwakuba omuntu aragura ebiriija,nobwakuba omurogo,nobwakuba owamasano 11.nobwakuba omufumo, nobwakuba arukubandwa omuzimu,nobwakuba embandwa mali,nobwakuba akaguza abafire.12.Baitu omuntu wena anyakukora ebigambo ebi nikyo kinugwa hali MUKAMA,Kandi habwebinugwa ebi MUKAMA RUHANGA wawe ababingira aheru omu maiso gawe.

1 Abakorinso 2:13-14 Kandi nibyo tugamba,hatali omu bigambo amagezi gabantu ebigegeza,baitu omwebi Omwoyo ebyayegesa :obutuinganinganiza ebyomwoyo ebyomwoyo nebyomwoyo.14. Baitu omuntu owokuzarwa kwonka taikiriza ebyomwoyo ogwa Ruhanga: baitu biba byobutami haluwe:kandi tasobora okubimanya, baitu nibyetegerezebwa Obwomwoyo.

Hoseya 4:6 Abantu bange bahwerekeriire habwokuburwa okumanya:baitu iwe oyangire okumanya,nikyo NYOWE ndyangira iwe:kunu toliba nyakatagara namberendi:baitu okebwa ebiragi bya Ruhanga wawe,nanyowe ndyebwa abana bawe.

Matayo 25:4 Baitu abamagezi bakatwara amagita omu nsale zabu hamu netabaza zabu.

Obutumwa obuherezibwe Susan kuruga hali MUKAMA ,kyasande, okwakabiri,3,2019.

Susan, ebigambo binu hanu ebyokuhereza abantu. Ndimu kuija baana BANGE. Mperiize okumanyisa,nyikaire ninyetegerezibwa. Ebigambo BYANGE ebyokurabura biikaire omu kitabu KYANGE kyona kandi bibazibweho omu myaka yenyuma yona. Okurabura hamu nobunabi bwona buikaire nibuizira hamu aha mbiro. Hali abo abatalimu kurora, batungire akagisa kaingi muno ekikumara okuhaburwa hamu nokugarukamu hali binu ebigambo bingi. Ebigambo binu biherezibwe ira kuraba omu kitabu KYANGE, kuraba omu batumwa BANGE abaingi, kuraba omuburorwaho omumwanya,kuraba omu bunabi omubwijiire. Abaana hamu nabantu bakuru boona hamu babalize obutumwa. Haroho noburorwaho nokuba kuraba omu bisoro, kwoleka ngu obuire bulimu kuhwayo. Omuntu weena obwaraba afuire amaiso hali obutumwa bunu, ensonga eri habwokuba nibagonza ensi enu hamu nabyona ebyekukiikira. Bakomeremu okuita amatu gaabu kandi bayanga okusisimuka kutunga amazima . Okurabura kuingi muno ekikumara kandi kuingi muno. Habwaki mumpindulira eriiso erifuire,baana BANGE?

Habwaki nimuhindura amaiso ganyu hamu nomutima kugunyahaho? Omutima gufuga omwoyo, kandi gukomamu orugendo ogurukwenda okugenderamu, oba gurungi oba gubi. Ndimu kuizira abo abemitima yabo enyakuli hali NYOWE , abakwegomba obunywani BWANGE ekiro kyona kandi abakwenda okuhondera omu Kugonza KWANGE. Mukomemu NYOWE. Mubiikize hansi okugonza kwanyu kandi mweheyo hali okugonza kwa RUHANGA kuraba omu kihongwa ekyamaani ekya YESU KRISTO aha musaraba hamu nokuijuzibwa MWOYO ARUKWERA kuraba omu kwegarukamu hamu nomukweijukya ebibi byenyuma. Tosobora okufuga omubiri otaine okwehayo kunu okuijiire. Omutima gwawe tigukuija kuba guhikiriire otaine okwehayo kunu kandi nentekereza terigeza kuba nketekereza ya KRISTO kakusinga oba otaine okwehayo kunu okwokugonza kwobuntu hali Okugonza kwa RUHANGA ISITWE. Baingi baija kusigwa enyuma kandi bataito bonka nibo baija kusangwa bahikire okutoroka. Iwe orasangwa ota? Ndi RUHANGA Owakugonza kandi anyakuijiire Amananu.

Luka 21:36 Baitu inywe murolege bwona, musabege, musobole okukira ebi byona ebirihiki'ra nokweme'ra omu maiso Gomwana womuntu.

Obutumwa obuheresibwe Susan, kuruga hali MUKAMA , kyamukaaga , okwakabiri, 9, 2019.

Nkinu hanu ekigambo ekya kiro kinu. Baana mutahemu munda haihi NANYOWE , muhulirize nobwegendereza:haroho enyanja yokuburanganizibwa omunsi yona. Ensi eri hansi yokubihwabihwa okwamaani muno. Bataito muno baseera amaiso GANGE, okuija omu Kugonza KWANGE, okuhayo byona mubuijwire okuijuzibwa nomusana GWANGE, OMWOYO ARUKWERA WANGE. Bataito muno bonka nibo bakwenda NYOWE nyeena. Baingi muno nibo bakwendaho kataito hali NYOWE baitu hatali NYOWE nyeena. Bamu muno abaingi hali abo abanyakugamba ngu bampondera, tibakwenda NYOWE nyeena. Nibenda engonzi, baitu hatali okwetegereza ekiniga KYANGE kandi nengeri ndi muramuzi owanyakuhikiriire. Nibenda obusinge hamu nokukurakurana baitu tibakwenda okunseruura abandi. Batura okuba bali BANGE baitu tibakwenda okuhurra ngu ndimu Ninyija bwangu.

Nibenda okwegesa KWANGE hali iguru baitu hagaya hakyokumanya gehena kandi banga nibahakaniza ngu thaliyo na gehena.Nibenda okweyeta ne'ibara LYANGE baitu bakolessa ibara Lyange habwabusa. Nibenda okurorwa abantu omu makanisa baitu tibageza okuija okundora omu kaikaro akensita okumanya omunkoragana. Batura okuba abahondezi abanyakwekambiire kimu baitu tibamanyire kandi tibaine namafuta agetabaza zabu kurora ngu zijuire. Hali abaana BANU, kuba

abetekaniize, batekwa okwegarukamu hahwemitima yabo enyakufukire kandi bakanseera omu kigambo KYANGE. Batekwa kusaba okuijuzibwa kimu na MWOYO WANGE Nukwo asobole okubebembera kurungi omu buhikire kuraba omu bigambo BYANGE Hamu nokuimukya emitima yabo hali amananu.

Kinu kitekwa kuba kiti kandi kuhikiza kimu aha kuimukibwa kwa MWOYO ARUKWERA WANGE, nubwo obu engonzi zabo zija kufuka kandi nokuikiriza kwabo kuija kwoma. Baingi muno baija okusigwa enyuma abaine enyikiriza ngu bamanyire . Buliba buire bwenaku muno hali abo abagonza ensi, kukira NYOWE RUHANGA wabo. Omunyanzigwa WANGE taija kuba naganyira kandi takuija kubaha businge rundi engonzi. Hati bunu nubwo obuire obwokuija noyera omu kigambo KYANGE. Leka ebigambo omumpapura bibogye mwere kuraba omu mananu GANGE. Muije musome ebigambo BYANGE, byona kandi hatali ebigambo ebikusemeza baitu amananu GANGE goona.Omuntu ondi wena asobora kweyeta Mukurisitayo baitu bataito bonka nibo betwa kandi bakomwamu. Onu nuwe RUHANGA wanyu owanyakugonza omwoyo Gwawe.

Matayo 22:14 Baitu baingi abetwa,kandi abakomwamu bake.

Obutumwa obuherezibwe Susan kuruga hali MUKAMA, kyasande,okwakabiri,17,2019.

Ebigambo ekya kiro kinu, nkinu :Buli buire obwokutekaniza,okuba anyakwetekaniize hamu nokuikara oyetekaniize. Biingi muno ebirimu kuhamya okwetekaniza Kwanyu. Etabaza yawe eraaba ejiure amafuta rundi eraaba yamafuta agebichweka?Oraaba olimu kurora habwange rundi oraaba norora ensi? Oraaba norora enyuma nka mukazi wa Ruta rundi oraaba nompondera okugya omu kuba kurungi?Oraaba oli omu Kugonza KWANGE rundi omu Kugonza kwawe okukuvugwa setani? Oraaba aha muhanda ogugazi ogukugya omu gehena, rundi oraaba norubatira aha muhanda ogufunda ogwabataito basanga? Oraaba oyekambiire NYOWE rundi oraaba oyekambiire omunyanzigwa WANGE aha kaire kokuhika KWANGE? Kiki ekyokunyumirwa? Ebintu byensi enu eyekibi rundi ebintu byobukama BWANGE? Omutima gwawe gumanyiriireki?

Omanyire RUHANGA wawe rundi ndaba ningya kubagamba ngu mundugeho Inywe hamu naabo bona abakora ebyokwema? Otekwa okuchwamu nooha oworahereza. Notiina oha? Ohereza omunyanzigwa WANGE okuramya omu mutima gwawe rundi otiina RUHANGA wawe? Oli aha muhanda ogwokwetegereza rundi obuliire aha muhanda ogwabo abanyakuli omu kubiihwabihwa okwamaani? Mutekwa okuchwamu. Oranteereza amaju omu kuswara okwamaani obwolintunurra mumaiso oli musiisi ataganyiirwe ? Obuire ekanisa bulimu kugihwaho. Kanisa ki eyobamu? Ekanisa eya koya koya eyebuzire rundi omugole WANGE Owakuija kuba NANYOWE obuire bwona.Nimbagonza kandi nkabafwera nukwo musobole okumara obwomeezi obutahwaho muli NANYOWE,baitu mutekwa kukora enchwamu omu bwomeezi bunu oba muraaba mimwetaaga mbe nainywe habwobuire bwona rundi okumara obwomeezi obutahwaho otali na RUHANGA wawe kandi OMUHANGI.

Dora nomutima gwawe kandi okomemu kiro kinu nooha oworahereza. Kanu niko kasobora kuba akasumi akakusembayo akoine okukora enchwamu eyekuija kuba nendugiiro ezebiro ebitahwaho. Baingi muno bagenzire mumaiso bakusookayo kandi basiisa obuire obwomuhendo muno obwokuchwamu ahabiikurugiramu byabo eyebiro nebiro okuba na RUHANGA wabo. Nahabwekyo hati bachwiremu okuba aheeru yokugonza KWANGE okwebiro n'ebiro. Kakusinga oraaba otungire obutumwa bunu,buli bwawe. Niiwe wenyini nayenzire ohurre ebigambo BYANGE Engeri obutumwa bwange bwona buine ekigendererwa kandi nkomamu nooha arasoma buli butumwa. Ija onsange hati ntakaharukire nekanisa YANGE nkabasiga enyuma.

Enu teri niyo enchwamu eyinkubagondeza, baitu muine obusobozi obwokwechweramu. Mutatwara obutumwa bunu nkekitaine makuru, bwanyu kandi nikwo kimu nekitabu ekinabahangiire okubaletera okwetegereza RUHANGA okukusingaho . Mumale obuire omumpapura zakyo kandi oije omu kumanya nkanyakusemeriire engonzi zawe. Obuire obusigaireyo bwahukainehe habwa buli omu. Abamu baija

kugenda nekanisa YANGE Obundagiizira kandi nabandi basobora kugenda karaho-buli omu aine akaire akamutekanirizibwe okuntunurra oba kuraba omu kufa oba kuraba omu kuihwamu kwekanisa YANGE. Mutwale ebigambo binu nkebikuru engeri nkimanyisize muno ekyokujunwa kwanyu. Onu nuwe MUKAMA wanyu kandi OMUJUNI wanyu.

Matayo 7:21 Omuntu wena anyakungambira ati Mukama Wange, Mukama Wange, tali ugu alitaha omu bukama obwomu iguru:baitu anyakukora Isenyowe ali omu iguru ebyagonza.

Obutumwa obuherezibwe Susan kuruga hali MUKAMA ,Kyasande, okwakabiri ,24,2019.

Muhara WANGE, ebigambo binu byokuhereza abantu, abantu BANGE, obuire bulimu kusembera haihi okurora habwokuija KWANGE-mutekwa kuba mulimu kurora nahati. Obumuraba mutalimu kurora buli timuhikiriire mumaiso ga RUHANGA wanyu. Abakurora bonka nibo mananukwo betekaniriize kiki kyonyini ekikuija kuhonderaho. Ensi erimu kufwoka yekiirima kandi nokubera kimu eyenyakugweriirwe muno. Obworaba otakusobora kurora engeri ensi enu egweriirwe kandi omulingo ebuzire, iwe naiwe ogweriirwe kandi obuzire. Nimbaza kinu habwokuba nimbagonza kandi nimbenda mujumbutukeyo omuturo kandi mutunurre amananu. Ekiirima kirimu kurubata omunsonda ina zoona ezenzi. Ekibi kirimu kukuhambya obworaba otakusobora okurora obuire obwolimu kwikaramu.

Omunyanzigwa akwasire omutima gwawe obworaaba otakusobora okurora ngu byona birimu kufwoka bibi, kandi ngu nensi erimu yoona kwanga RUHANGA wayo , OMUHANGI. Kirakutwaliraki iwe okugaruka omu sensi zawe hamu nokusisimuka kumanya amazima? Ekibi ekyamulingoki ekimukwetaaga okurora? Bwingiki obwebigwererezi ebimukwetaaga kurora? Okuhwerekereza okukwinganaha hamu nekiniga ekinyakuli omunsi kiki kyonyini ekimukwenda kurora kubanza obu mutakahindikire RUHANGA wanyu obuire butakahweriireyo kimu? Baingi muno tibakuija kuhinduka kandi nabaingi baija kusigwa enyuma aha kaire ako akandahiramu ekanisa YANGE okugita omukuba kurungi. Ndimu kuija kandi nya kukora omulingo ekitabu KYANGE kigambire kyarambika kurungi kandi nobuhakuba nahati ebigambo BYANGE birimu kuhikirra bwangu muno kandi abo abakurora bamanyire kiki ekimbaza.

Abo abanyakuine amaiso gokurora bamanyire esaaha eyibalimu kwikaramu hamu nobuire obubalimu kuikaramu hamu nobuire obunyakubali mumaiso. Obworaba otakusobora kurora ngu ensi erimu kuhondera ekisinziro kyomunyanzigwa WANGE, okukora okugonza kwe, hamu nokusiga nokugesa empeera yekibi hati obu timuine akabazi kamaizo akakwetagisa okwetegereza kiki ekirimu kugenda omumaiso haihi nainywe. Engonzi zanyu ezimuiniire ensi enu zisisire amagezi ganyu agokwetegereza obuire bunu engeri buhoireyo. Ekanisa eya koya koya esanyaraliire omungonzi zayo ezeiniire ensi. Eri kanisa eya Mukazi wa Ruta, eyenyakulimu kurora enyuma hali ensi eyenyakubuzire eyekuhereza orufu rwonka hamu nokuhwerekera habwomukono gw'omunyanzigwa WANGE.

Eija kugwa hansi habwekiniga KYANGE kandi ekwatirwe omu nchwamu ezigumire muno hagati yomunyanzigwa hamu nokuhereza obwomezi bwabo okurora nibajunwa. Nobukiraaba ngu eri mbi hati, ensi enu teine kyeri hati kwingana engeri eriba obweriba eri hansi yokufugwa kwomuhakaniza wa KRISTO hamu na nabiwe owebisuba. Okubiihwabihwa kuija kumaraho abantu kandi baija kuirukira omu mikono yomunyanzigwa habwokufa kwabo;okubonerezebwa okwebiro nebiro hamu nokwahukana na RUHANGA hamu nabyoona ebinyakuli birungi. Nimbeseengereza okuija hali NYOWE muli aha maju ganyu. Mwegarukemu ebibi byanyu ebyenyuma. Muikirize okujunwa kuraba omu kitembo KYANGE aha musaraba ogukambu. Hayo ebyawe byona otwaliraniizemu nanyenkya yawe eyetamanyirwe.

Ija otunge etabaza eyejiire amafuta, okuijuzibwa kwa MWOYO ARUKWERA hamu nokuba omu Kugonza kwa RUHANGA, okuhingisanizibwemu nokuba omu Kugonza Kwawe, okusigamiire aha kusiisa. Yega okuganyira abanyanzigwa bawe hamu nokusoma ekitabu KYANGE buli kiro. Ija omu kumanya kuraba omu kuikara haihi NANYOWE ekiro kyona. Ninyegomba okuikara haihi Nainywe ekiro kwanyu kyona. Kinu nikyo kyalu kigendererwa KYANGE ekinabahangiire- okuba hamu nainywe omu nkoragana

eye haihi ngana hatali okubaleka okuikara muli inywenka omunsi enu. Bataito muno nibo bahayo ensi habwenkoragana yabo eyibaine NANYOWE eyinaferiire. Tindukwetaaga omuntu nomu okubura, baitu mperiize buli omu wena obugabe obwokwechweramu. Enchwamu eri hati kandi enchwamu enu tekuija kuba hanu kumara obuire buraira, kandi bwanyu obuire buija kuhwayo muno hali abo abaingi abanyakulinda. Otaliinda muno obuire bwingi. Bunu nubwo obuire obwokuija okasemezibwa okaihwa oburofu obunyakukwetroire . Ija okutibwe amaiso gawe hamu nomutima gwawe . Mananukwo esaaha ekereriirwe. Orachwamuki? Orakomamu ki ? Onu nuwe

MUKAMA , OWAKUGUMISIRIZA MUNO.

Matayo 24:42 Nukwo murolege,baitu timumanyire ekiro okukiri Mukama Wanyu ekyaliiziramu.

Matayo 24:43 Baitu kinu mukimanye ngu kuba nyineka yamanyire ekisisimuka okukiri omusuma ekyaraiziramu, akurozire takusigire enju ye okulimwa.

Matayo 25:1 Omu biro ebi, obukama obwomu iguru bulisisanizibwa nkabaisiki ikumi, abatwaire etabaza zabu, nibagenda okutangi'ra omuswezi.

Obutumwa obuherezibwe Susan kuruga hali MUKAMA, kyasande , okwakasatu , 3,2019.

Ebigambo BYANGE mbinu kiro kinu. Ensi erimu kurubata netaha omu kutaba nokunihira etaine RUHANGA wayo. Ensi enu erimu kulengaho okwesoboraaho yonka etaine okugonza Kwokulorerra KWANGE. Kinu kireterezibwe okutaba nokunihira. Orufu rwonka hamu nokuhwerekerra kulindiriire abo abatekereza ngu nibasobora batali NANYOWE. Baine enyikiriza ngu basobora okumara obujunanizibwa bwabo hamu nebyokutuntura byabo byona kuraba omu miringo endi yona batali na RUHANGA. Muli muntu wena ataire amaiso he gona hali ebigendererwa byaye hatali ebigendererwa bya RUHANGA wabo kuhikya Rundiki kakusinga bakomamu okunsera NYOWE kuraba omu kwegarukamu , okwehayo, hamu nokwehayo hali Okugonza KWANGE Okuhikiriire.

Tihaliyo okunihira kwona hali abo abatakomamu NYOWE nibakomamu ensi enyakulimu kufwa, ensi eyenyakuhamba nehondera Omunyanzigwa WANGE owanyakusigamire aha kuhwerekerra kwabo. Taine haralekeraho kurora nahwerekereza abo abanyakumuhondera. Tainiire mutima muntu wena kandi obu nabo abanyakukora okugonza Kwe baine nambere bakizolera engeri bakomeremu omuhanda ogubi. Kijja kubamanyisibwa aha kasumi kamu obuire bwona.

Nohurra nogonza okutunurra kinu hati kandi obu okaikiriza ngu olimu kuiruka nogya omu rufu hamu nokuhwerekerra otali NANYOWE, OMUHANGI wawe? Oija okunyikiriziramu nkomuhangi wawe kandi MUKAMA wawe , buli omu aija kuikiriza.

Abakukira obuingi baija kukikora ahakaire nambere baliba bakereriirwe muno okuhinduka okugarukayo bakatunga okwetekaniza hamu nokuganyirwa okundeeta. Abo abanyakunyikiriza NYOWE Hati kandi bakatunga okuihwaho ebibi kuraba omu musaahi GWANGE-okujunwa okuguzirwe kandi bakagumizamu aha muhanda ogufunda bali omunkoragana eyahaihi muno NANYOWE baija okwehara okuhwerekerra okwebiro byona, omurro gwa gehena, hamu nokuhwerekerra.

Byona nibyetagisa kuchwamu. Buli kiro haroho enchwamu ezokukora, kiro kinu kisobora kuba kiro kyawe ekyokumalirra kukora enchwamu yawe eyebiro nebiro okuhambya noserra omuhanda oguhikiriire kandi ogufunda. Orakomamuki? Okumanywa NYOWE obwolyemerra mumaiso GANGE, oba okugambirwa nti orugeho iwe mumaiso GANGE habwebiro nebiro? Komamu Okuba NOMUHANGI wawe kandi hatali okuba nowanyakubonereza. Obwomezi bugufu muno, bugufu muno kukira nengeri okukirora. Ija omanywe NKOMUJUNI WAWWE nugwo Omuhanda gworuigi rwawe orwokurabamu kumanya habwobuire bwona. Onu nuwe MUKAMA RUHANGA wawe owakukwamirra okuhinduka okurugayo omunsi obuire butakahoireyo muno.

Engeso ezabakwenda 4:12. Kandi busaho omu ondi okujunwa, baitu busaho ibara lindi hansi yiguru eryabahairwe abantu erituhikiriire okutujuna.

Obutumwa obuherezibwe Susan, kuruga hali MUKAMA, kyakasatu , okwakasatu, 13,2019.

Muhara WANGE, nyetekaniize okukuhereza ekigambo ekihyaka. Kinu kyokuhereza abaana, abagonzebwa BANGE; Mutekwa okuchwamu nooha owumurahereza. Nimwegomba okuba na RUHANGA wanyu habwebiro ebitahwaho? Esaaha enu neyetagisa okukora enchwamu. Haroho okugarukirra okwamaani muno omu kuhikirra, obusinge, hamu namananu omunsi enu enyakubuzire. Abantu babuzirweho omuhanda gwabo. Bataito muno bonka nibo bali aha muhanda gwange ogufunda nibarubata nibaija omu mananu hamu nomumuhanda ogwebiro n'ebiro. Orasangwa ohikire okutoroka? Orateeka ensi enu enyuma yawe oseere RUHANGA wawe?

Nsemeriire okuhebwa engonzi zawe hamu nokwekamba kwawe. Nkahereza ebyange byona okubasumurra mutaba omu kuhwerekerra okwebiro ebitahwaho. Habwaki mutakunyesiga NYOWE nimuchwamu okukomamu omunyanzigwa WANGE mukiikaro KYANGE? Bukakafu bwakikaki obumukwetaaga obwokwekamba KWANGE habwanyu kuba kurungi ebiro nebiro? Hataroho ENGONZI ZANGE, hamu nokuijuzibwa kwa MWOYO WANGE, muija kusigara muhoirwemu ekyo ekimulimu kuyayanira kandi

nekimulimu kuseera omunsi eyenyakubuzire. Ensi enu tesobora okuijuza omwoyo ogukuyayana. Eri nkeyombeko ekitunulire situriti, kandi naabo abakuiruka nomukama omukambu tibaligeza okuba nobusinge kandi baija okuhwerekerra basigale batainirre kimu okunihira Kwona okwokukira.

Gehena kiri kiikaro ekyokubonerezebwa okutahwaho , ekwesoroora, hamu nokwahukana na RUHANGA Hamu nebyange byona ebinkikirra; engonzi, obwinganiza, obusinge, hamu nokuhikirra. Mugaruke omu sensi zanyu baana BANGE, kandi munyete nimunyamirra. Ngya kuhurra okucura kwanyu kandi nyikirize okwehayo kwanyu hali okujunwa KWANGE. Mutekwa kuyayanira kinu kandi muhurra nimwenda okuba omu Kugonza KWANGE okuhikiriire. Tihaliyo omuhanda gundi gwona.

NYOWE nyenka ninyowe nsobora okubaleeta omu kuhikirizibwa kuraba omu musaahi ogwasesirwe ahamusaraba. Kiri habwokunyikiriza hamu nomuhendo ogunasasuire nobwomeezi BWANGE kurora ngu nimusobora okutaaha omu kubaho KWANGE habwobuire bwona. Okutunga OMWOYO WANGE hamu nokuija omu Kugonza kwa ISIITWE, otekwa kuikiriza ngu noyetaaga omujuni kandi ngu NINYOWE OMUJUNI. Mutekwa okwegarukamu ekibi kyanyu mukyali aheeru yokugonza kwa RUHANGA kandi musabe okuganyirwa.

Obunatire orutambu mumaiso okusasura obwomeezi bwawe obwekibi, nakora omuhanda gwanyu kurugamu omu mbeera yomukyeno ogwali gubatairweho aha kuzarwa kwanyu. Boona basisire kandi basubwa ekitinisa kya MUKAMA RUHANGA. Otageza okuikiriza ngu osobora okwemerra omumaiso GANGE otaswekerwe omusaahi GWANGE. Toija kuganyirwa kandi busaho kwesengereza kwona okwabuli mulingo gwona okuliba nikusobora okukujuna. Mutaligeza okuntunurra muli ngaronsa.

Muije omu kumanya nkomunywani wanyu omukama kandi ISIINYWE owebiro ebitahwaho. Tinkuija kukerererwa ebiro nebiro. Okweraganiza KWANGE Kuhikire kandi nebigambo BYANGE nibyesigibwa. Oruigi ruija kukungulirwaho abo abanyakwetekaniize. Orasobora okutahamu? Kunu nikwo okwesengereza kwa RUHANGA akugonza, ayafweriire abaana abakugonzakwe Mananukwo.

Abarumi 10:13 Baitu omuntu wena alikunga ibara Lya Mukama alijunwa.

Obutumwa obuherezibwe Susan kuruga hali MUKAMA, kyasande, okwakasatu, 17, 2019.

Ebigambo bya kiro kinu. Baana baingi barora oburorwaho bwobuire, abandi bafweriire kimu amaiso, kandi tibainiire kimu kusikirizibwa kwona omuli ekyo ekiri haihi okubaho. Nyikaire ninyetegerezibwa omu kuhereza ebyo ebiine kubaho ebimuine kurooraho

hamu nemiringo eyimuine kukolesa kwetekaniza. Abakusinga obuingi bekambiire omunyanzigwa WANGE hamu nokusikirizakwe. Ebiikusikiriza biija omu miringo yenyahukana nomubukooto bwenyahukana. Omunyanzigwa tafwayo oba akubiihabihire ata, kasta oba nomuhondera buhondera kyonka, kugenda omumuhanda ogwokuhwerekerra. Huwe aroho habwokuhwerekerezebwa kwawe hamu naabo abakwetoroire.

Taine banywani kandi ali munyanzigwa webihangwa BWANGE nkokukikusoboka. Busaho nomu owali kurungi owanyakuli aheeru yomukono GWANGE ogwobulinzi. Hataroho okujunwa KWANGE okwaguzirwe nomusaahi GWANGE hamu nokuswekwa kwomusaahi GWANGE, busaho kuba kurungi. Omunyanzigwa aija okuita, okuiba hamu nokuhwerekereza kandi ayesigamiire aha kwenda kutwara baingi muno omu gehena nkokukikusoboka. Gehena kiri kiikaro ekinyakuliyokwo. Kiri kifubiro ekikusemberayo kimu hali abo abanyakwanga Amananu GANGE, Kandi bakarwanisa emihanda YANGE

eyoburukwera, okuhikirra, hamu nabyoona ebinyemererra. Tindukugondeza omuntu wena okubura. Tikuli kugonza KWANGE kurora omuntu wena nayeyahukaniza hali NYOWE habwebiro nebiro, baitu nkozi omuhanda ogwokutorokeramu kandi obu bataito abakomamu omuhanda GWANGE, ogwokujunwa kuraba omu kuikiriza ekihongwa KYANGE kuraba omu kufwa hamu na pulani YANGE eyokucungurwa kuruga omu kibi.

Mumpondere haihi muno obumuraaba nimwenda okujunwa. Mutekwa okuija kutahamu haihi kitalyekyo nimuija okugwa kuruga aha muhanda ogufunda nimugwa aha gugazi ogwokuhwerekerra. Baingi muno barwanisize kandi bamaliira nibahambya abagonzebwa abandi. Ndimu kucura buli kiro habwa baana BANGE abazahire okugaruka omuka hali NYOWE. Habwentaama ZANGE ezabuzire okunseera. Ninyenda aba koya koya BANGE Okuija hali NYOWE, okutunga akabazi kamaizo akasente zitakusobora okugura, okurora obuire obubalimu kuikaramu, hamu nokujumbutuka obuire butakahoireyo. Ekigwererezi kisobora kuteera aha kasumi kona, hali omuntu wena. Habwaki oyeteka ahabutengenene, obwokugya omu gehena habwebiro nebiro, habwokuzina kwakacu kake nensi enu eyekibi?

Ego gunu nugwo omuhanda ogwabaingi kandi abataito bonka nibo baimukize ebijwaro byabo okurora ngu ndi mumaiso gabu nimbesengereza okuruga omu kibi hamu nokutaaha omu kiikaro ekyensita hamu nokumanya RUHANGA wabo obuire butakahoireyo. Muhendoki ogwomwoyo ogwebiro nebiro? Tiguine muhendo habwokuba nkahayo byona habwokujunwa kwabaana BANGE Okubatangira butagya Omu kubonerezebwa okutahwaho. Busaho muhendo gwasente gwona ogusobora kugya omukiikaro kyomulimo ogunamalirize aha musaraba habwokujunwa kwomwoyo ogunyakubuzire.

Kunu abaana BANGE basekereza nibajerega ekisembo KYANGE Kandi nibarubata okuruga aha ruigi rwange orwobugabe. Okufwerwa kwabo kuija kuba kwingi muno aha saaha eyibarantunurra. Orabonabona enaku yokufwerwa kunu rundi oratunga ekryo ekitaine muhendo? Okujunwa KWAVE okwebiro nebiro? Chwamu. Ndimu kuizira abange. Oraaba omu halibo?

Ezekyeri 18:23 Nyowe nyina okusemererwa omu kufa kwomubi?:Agambire Mukama RUHANGA? Tindukugonza agarukire omu mihandaye Abe omwomezi?

1 Timoseo 2:3-4 Kinu kirungi nikisemera omu maiso Gomujuni waitu Ruhanga; 4 arukugonza abantu bona okujunwa,nokuhika omu kumanyira kimu amazima.

2 Petero 3:8-9 Baitu mutalyebwa kigambo kinu ekimu, abarukugonzebwa, ngu ekiro kimu hali Mukama kiri nkemyaka rukumi, Nemyaka rukumi eri nkekiro kimu. 9. Mukama tarukuikara obwomuragogwe nkabandi okubatekereza okuikara;baitu nagumidiriza habwanyu ;atarukugonza omuntu wena okubura, baitu bona bahike omu kwegarukamu.

Obutumwa obuherezibwe Susan kuruga hali MUKAMA, kyasande, okwakasatu ,24,2019.

Baana BANGE,Abagonzebwa BANGE:Nimbahandikira esaaha enu habwokuba ensi erimu kuijura omuirima. Abasaija Balimu kukwatirira orufu hamu nomunyanzigwa WANGE nibaseera ebigarukwamu omu mpuku ezomuirima nambere hali omuhito gwonka. Habwaki abantu nibaserra honka nambere barabulira? Habwaki nibarubata nibaruga hali omuhi WOBWOMEZI? Ensi teine okunihira,eijuire omururu,teine kyeine, emirimo eyekibi, hamu nokuba kifurukwa. Ensi nezooka neyegombesa, baitu hakumalirra kwa byona eija kumalirra omu bigwererezi hamu nokuhwerekerra:Busamu endugirro yona eyokunihira hali ensi enu eyenyakubuzire eyenyakwanga OMUHANGI wayo.

Ekibonerezo ekitahwaho kirindiriire abo abatankomamu. Tinkugondeza omuntu wena okufa. Mperiize omuntu obuire buingi hamu nokurabura kwingi okwetekaniriza ekryo ekinyakuli omumaiso. Nyikaire ndi mwesigwa muno omu kurabura KWANGE,nikolesa abantu baingi okuhereza obutumwa, okuraba omu Kitabu KYANGE hamu nokuraba omu batumwa BANGE. Busaho nomu owasobora kugamba ngu atamanye ngu RUHANGA abaho.

Ebihangwa BYANGE bibazaho Amaani agakusingaho hamu NOMUHANGI. Abo abaserra amananu, bazoora amananu. Tinyanga abo abanyakuija hali NYOWE nibenda ebigarukwamu. Nyefwora anyakumanyirwe, nsukurura amananu abo abanyakwenda okumanya. Buli omu wena alimanya emiringo eyinakoleseze okumuhikaho kandi balimanya emiringo eyibakoleseze okugarukamu,oba habwekirungi rundi habwekibi.

Boona balyemerra omumaiso GANGE kandi bahereze embalirra yobwomeezi bwabo. Wetekanirize akasumi ako akatuija okutangatanganiramu. Tekaniza hati okuba omukubaho KWANGE habwokuba tomanyire esaaha eyinkugenda okukweteramu okuruga omunsi, oba okuba NANYOWE kumara ebiro ebitahwaho rundi okunagwa kuli habwebiro ebitahwaho omu kiirima ekyaheru.

Tinkuija okuhambiriza enchwamu enu hali iwe, ngya okukuraliza buraliza. Oine obugabe okukomamu noha oworahereza, oba omunyanzigwa WANGE, rundi NYOWE OMUHANGI wawe. Haroho enchwamu ibiri zonka. Kukomamu NYOWE oba okundwanisa. Kakusinga onuga okwesengereza KWANGE hamu nokweta KWANGE Buli mumazire okukomamu okundwanisa. Obuire tibuli bunywani bwanyu. Mutageza okweisaniriza nkarundisi muine emyaka nyingi muno rundi ebiro bingi muno omumaiso . Hayo ebyawe byona hali NYOWE, ikiriza okuraliza KWANGE okuba NANYOWE Habwebiro ebitahwaho, kutandika nobwomezi bwawe hati. Nkafwa okufa okuzibu muno aha musaraba okusasulira abantu.

Nyowe nyenka NINYOWE yali nasobora, nka RUHANGA okusasulira ebihangwa ebinyakuijire ekibi. Nimwetagisa kwija buija hali NYOWE aha maju agatezibwe kandi mukaikiriza ngu nimwetaaga OMUJUNI. Ndi OMUJUNI ogwo owumukwetaaga. Muije mweheyo hali okugonza KWANGE okuhikiriire kandi musige okugonza kwanyu kwonyini enyuma. Muije muijuzibwe na MWOYO ARUKWERA WANGE owakugya okuija omu bwomeezi bwanyu okubasumurra kuruga hali buli kibi kyona. Musome ekitabw KYANGE ekyamananu kandi munabibwe amaizi gekigambo. Tataroho okwegarukamu okuhikire tihasobora kubaho okuganyirwa, nahabwekyo muije hali NYOWE nomutima ogwokwegarukamu , muine enaku kandi muswaire habwokwanga RUHANGA wanyu nimwendamu ekibi. Ngya okusiimuraho ekibi kyawe ekyali kyahuirwe nkweze kandi habwokuikiriza ekisembo KYANGE ekyokujunwa nubwo kinu kisobora okumalirizibwa. Okujunwa kwanyu baitu ekitoitoho kusingaho obwomeezi bwawe bwona. Otalinda okuzooro omuhanda gwawe ogukukutwara omuka, omu ngonzi zawe EZIKUBANZA.

Ndimu ndindirire hati, Baitu okugaruka KWANGE Kuli haihi muno habwekanisa YANGE eyekunyorobera. Mutekanize ebijwaro byanyu omu burukwera. Leka mboleke omulingo murakora. Nsobora kubanguhizaho kandi nkabaletera obusinge hamu nokubahumuza okumutasobora okutunga omumulingo ogundi gwona. Onu nuwe MUKAMA wanyu kandi OMUHANGI, RUHANGA oweiguru haiguru. Amina kandi Amina.

Abarumi 6:23 Baitu empera yekibi kufa; baitu ekisembo kyembabazi ekya Ruhanga bwomezi obutahwaho omu Kristo Yesu Mukama waitu.

Obutumwa obuherezibwe Susan kuruga hali MUKAMA , kyasande, okwakasatu 31, 2019.

Obutumwa mbunu hanu obwa kiro kinu. Baana BANGE ndi RUHANGA owokuganja hamu nowagaara buhyaka. Nkubaho laini hagati yekirungi hamu nekibi. Ngumisiriza baitu era nokufubira nfubira. Busaho nsita yona omu busonda bwekiirima eyenyakundabaho. Manyire byona nobukyakuba ekinyonyi obukiba kiguire hansi. Ebimukora muli enyuma yenyigi ezikingirwe biija okuletwa omurwate aheeru kakusinga oraaba otakaizire hali NYOWE okusemezibwa, okuganyirwa, hamu nokujunwa amaani gomusaahi GWANGE hamu neibara LYANGE. Okufa KWANGE aha musaraba ogwokwebundaaza kukaleeta bingi muno okukiraho noburumi hamu nokubonabona habwange, gukaba muhanda ogwanyu kurabamu kutunga okunihira , okujunwa hamu nobugabe kuruga omunkomo eyetaine hokutorokera. Omunyanzigwa WANGE akaba abahangiireho embeera eyobutaba nokunihira kandi yatekaho ekikoligo omuntu nomutego ogutaine hokusumurulirwa. Nsumuruiroho omutego habwabo abakwenda okurubatira aheeru yenkomo eyebiro nebiro eyokubonerezebwa hamu nobwomezi obutahwaho.

Kinu kiri kisémba ekyabusa ekikusobora kutungwa omuntu wena owanyakukomamu okuija hali NYOWE atiize amaju,kandi akaikiriza mali ngu nayetaaga OMUJUNI,okwegarukamu obwomezi obwekibi,naikara aheeru yokugonza okuhikiire OKWA RUHANGA. Okujunwa KWANGE nikukira zaabu hamu nebyomuhendo byoona ebinyakuli omunsi yona. Sente tizisobora okugurayo obwomeezi bwomwoyo gwomuntu nomu kuruga omu ngaro zomunyanzigwa WANGE. Omu kooti zomuiguru, boona balibarwa abatahikire okutoroka gehena hamu nekifubiro hali abo abatakwegarukamu hamu nabanyakujemera ekigambo KYANGE,amananu GANGE hamu nemihanda YANGE.

Obwemi nikyo kimu noburogo kandi naabo abanyakukora binu tibalitaaha omu iguru LYANGE erihikiire nambere abanyakukine emitima eyebundaire baliremera, abanyakukine okweijukya mananukwo hali ebibi ebibakozire enyuma hali RUHANGA ARUKWERA. Timuli kurungi baana, obumukuba muli aheeru yokugonza KWANGE hamu nokuijuzibwa kwa MWOYO ARUKWERA omu bwomeezi bwanyu. Timuli omu kiikaro ekirungi obumukuba mutali na byona ebinkukikirra hamu nebinkwenda. Nobukiraba nimuikiriza ngu nimumanya NYOWE, okwehayo okwebichweka tikukuija kukuletera obugabe kandi oija okunagwa hara kuruga omu kubaho KWANGE habwebiro ebitahwaho.

Habwaki oyeteeka aha butengenene obwokwahukana na byoona ebirungi hamu nokugonza habwebiro ebitahwaho habwekyo ekyobuire obutaito muno. Esaara ntoito muno , obuire buija kukutorokaho kandi oija kwesanga obuliire omu kiikaro ekyebiro nebiro ekyokufubirwa obworaaba otakuija kuzoora omuhanda ogufunda ogwa bataito bazoora. NINYOWE OMUHANDA OGWO. NINYOWE owanyakuli Omuhanda gwonyini ogukutwara omu bugabe. Muije mumanye kuraba omu kujunwa hamu nenkoragana.

Ninyetaaga okuba haihi ngana nainywe omu bwomeezi bunu habwokuba haihi ngana omu bwomeezi obukuija.

Obwemi tibuligeza okuba omu bukama BWANGE obusemiire kandi naabo abanyakundwanisa bakakora ebyokwema tibaligeza okurora oburungi bwebyo byona ebimpangiire nakolera abo abangonza omu bwomezi bunu. Esaaha enu erimu kuhwayo, otageza okukwatirwa omu kuhwerekerezebwa okwabwangu rundi omumikono yomuhakaniza wa Kristo hamu na sitani. Chwamu. Muhanda ki ogworakomamu? Ogumu ogunyakuli gufunda rundi ogumu ogunyakuli gugazi?

NINYOWE MUHANDA, AMAZIMA N'OBWOMEESI. Busaho nomu anyakuija hali ISIITWE Buli arabire omuli NYOWE.

Yohana 14:6 Yesu yamugambira ati Ninyowe muhanda namananu nobwomezi busaho aija hali Isenyowe rundi araba omuli Nyowe.

Obutumwa obuherezibwe Susan kuruga hali MUKAMA, Kyasande, okwakana , 7, 2019.

Baana, onu nuwe RUHANGA wanyu, nyetekaniize okuija kutabarra ekisembo KYANGE ekyobugaiga, ekanisa YANGE eyekugonza. Akwasire omutima GWANGE kandi namaiso GANGE ngataire haluwe. Ego aija kukora ensobi, ego arwanisa omu kurubata NANYOWE buli kiro, baitu anseera kusinga engeri aseera bindi byona, kandi nomutima gwe nigusemezibwa kukira ogwondi omuntu wena. Ndubata nawe buli kiro kandi muletera obusinge, engonzi, hamu nokuhumura omu mbeera zoona ezobuire hamu nomuihunga Iya buli mulingo. Asemiire muno kandi nengonzize kuruga hali NYOWE tiziine nsaro. Ngya kumuhereza engonzi ezitahwaho habwebiro n'ebiro. Ngya kumusembeza haihi NANYOWE buli kiro kandi muteeke aha mabega GANGE ,nimufwaho mubuli kyetaago kye kyona. Ensi esobora kuba yomuirima nambere ali baitu omusana GWANGE nigumara.

Asobora kubonabona namahwa omu mubiri gwe, baitu engonzi ZANGE zisobora kusweka oburumi bwona hamu nokuhutazibwa. Tinkuija kumuleka kandi ngya kubeeraho kimu obwarayeta hali NYOWE. Engonzi nka zinu tizisobora kusangwa handi hoona omu mulingo gundi gwona. Tindigeza kumuletereza kwehurra nkanyakulekerwe nobuhakuba kurubata kumulekaho. Tindimuhindulira mugongo kandi nsobora kumwemereza okubaho habwe nomusaaha ze ezekiirima muno kusingayo, omu kulengwa hamu nomukugezesibwa. Ndi Isiitwe wa isebantu boona, kandi busayo ondi wena owanyakuli nka NYOWE. Engonzi ZANGE tizisobora kwetegerezibwa kandi nizisweka buli omu na buli kimu. Noha asobora kumanya rundi kunyetegerereza kimu mubuijwire omu mihanda YANGE yoona?

Abaana BANGE baliba nibanyegaho ebiro n'ebiro. Nyine ebihuniriza bingi muno ebyekitiinisa omumaiso habwabo abanyakumazire obuire bwabo omu bwomeezi bunu nibanseera. Ndi ANYAKUHEREZA EMPEERA abo abanyakungonza kandi bakanseera kandi bakankomamu. Ntekanirize ekiikaro abo abangonza ekikuhinguraho ekyo ekyomutima gwawe gusobora kuba nigutekererezamu. Amaiso tigakarozire nobuhakuba amatu tigakahulire ebintu ebintekaniriize abo abangonza.

Oranyegaitaho habwokuba Nanyowe ebiro ebitahwaho? Oranseera NYOWE hati okumanya hamu Nokulekaho ensi hamu nabyoona ebyekukikiira? Oija kweijukya omulingo okusisamu obuire omunsi enu hali omunyanzigwa WANGE. Pulanize ezakuiniire ziri kukuita, kukuiba hamu nokukuhwerekereza. Habwaki

oyongerera kumusisira ho obuire bwawe nokora emirimo ye emibi? Ija omu kumanya ogu ayakuhangire kandi owakukugonza kukira abandi boona.

Kunu kuli Kugonza KWANGE hali iwe , okurolerebwa, okugonzebwa, hamu nokutekwa omukiikaro kyobylinzi kulindwa butakwatwaho omunyanzigwa WANGE hamu na pulani ze zoona. Iruka noiya hali NYOWE kandi obe omu kurolererwa KWANGE okwebiro byona hamu nomukulindwa. Obuire bwawe obwokumara NANYOWE busobora kutandika hati. Hurra oli wobusinge, ija hali NYOWE, Kuraba omu kwehayo okuijire, okwegarukamu, okuganyira, kandi oijuzibwe na MWOYO WANGE kandi ngya kukwoleka omuhanda ogutahwaho. Busaho buire bwokusisa. Baingi baija kulinda muno kandi okurubata kwabo. Otaba omu halibo. Onu nuwe MUKAMA wawe, OMUJUNI wabantu.

Ekyebiragiro 6:5 Kandi ogonzega MUKAMA RUHANGA wawe, nomutima gwawe gwona, nobwomezi bwawe bwona, namaani gawe gona.

Obutumwa obuherezibwe Susan kuruga hali MUKAMA, kyasande, okwakana, 14, 2019.

Ebigambo BYANGE, mbinu hanu. Baana, muigamire munda, musembere haihi. Esaaha erimu kuiragura kandi hati bunu buli buire obwokutahamu kija Haihi na MUKAMA wawe. Ensi eijire enobi hamu nabanobere RUHANGA. Buli hokuhindikira hona amananu GANGE nigangibwa kandi nekibi nikikirizibwa. Ekiirima nikyeyongerera kukanya buli kiro ekikurabaho. Orahindikira nkaha hatali Hali NYOWE? Orasanga nkaha amananu? Oralindirwa nkaha kutangirwa ihunga eririmo kija, eihunga eryekibi erinyakulimu kukura omunsi? Busayo handi hona ahokusanga obulinzi obuhikire kwehara pulani ezibi eza setani owagonza kuita, hamu nokuhwerekereza byona ebinkukikirra hamu nebihangwa BYANGE.

Tali nuwe owokuhindikira nobukiraaba abantu baikiriza ebyahukaineho. Bakomeremu omuhanda ogukija kubatwara omu gehena kandi kasta baba bamazire okuhikayo tibasobora okucungurwa. Gehena tikiri kiikaro kyomuhimbo hamu nokuhumuzibwa. Kiikaro ekiijire omuirima ogwebiro nebiro, kitaine engonzi ZANGE, omuhimbo hamu nobusinge. Busaho nomu ahumulira omu gehena. Omu kubaho KWANGE kwonka nuho okuhumura kusobora kusangwa. Tibukahoreyo obuire obwokurugayo kuruga omu bwomezi obwekibi. Wegarukiremu RUHANGA wawe, ija hali NYOWE nomutima ogwenaku habwobwomezi obwekibi-nenchwamu ezikozirwe kurwanisa NYOWE.

Hayo obwomezi bwawe hali okugonza KWANGE , Kandi onseere habwebigarukwamu byawe byona. Ija hali NYOWE kuraba omu saara, kuraba omu buire obumazirwe NANYOWE, hamu nomukuraba omu mpapura zekitabu KYANGE. Saba okuhebwa etabaza eyenyakuijire amafuta hamu nokuijuzibwa MWOYO ARUKWERA WANGE. Saba okwetegereza ekigambo KYANGE hamu nokwebemberwa omu bwomezi bwawe. Leka nkwebembere mukugya omu muhanda ogufunda hamu nokukwebembera buli kiro aha muhanda gunu.

Saba okwebemberwa omumulingo gwokusobora okuraba mubwomezi bunu hamu nokurwanisa ekibi hamu nekibi ekinyakukwetroire. Ningonza okukwebembera okukutwara omu burukwera hamu namananu gona, amananu GANGE agahikiriire. Enchwamu zanyu zebiro nebiro, kandi obu osobora kuba oine kiro kinu kyonka okukomamu. Nyenkya obuire busobora kuba buhoireyo muno engeri baingi muno buli kiro besanga bemeriire mumaiso gomuhangi wabo okuhereza embalirra yobwomezi bwabo. Wetekanize.

Akasumi kanu kasobora kukuhikaho obuire bwona kandi abo bonka abanyakumanyire kuraba omu nkoragana nibo baija kusangwa bahikire okutoroka. Leka nkukwate ha mukono nkutwale kandi nkwebembere nkutwale omu kuba kurungi. Obusinge busobora okusangwa omu biikaro ebikusingayo omuirima omu bwomezi bunu kakusinga oba oyetorirwe OMWOYO WANGE. Leka obutumwa bunu bube obwokuhumuza omu saaha enu

eyomuirima. Tunga omuhimbo hamu nobusinge kuraba omu kitabu KYANGE, hamu nokuraba omu buire obumazirwe NANYOWE. Ndimu kweta. Oragarukamu? Onu nuwe RUHANGA owobukama obutahwaho.

Abarumi 1:24-25 Nikyo RUHANGA yabaherireyo hali ebyensoni mali omu kwegomba okwemitima okusisa ekitinisa kyemibiri yabu bonka na bonka. 25.baitu bakahingisa amazima ga Ruhanga omu bisuba,kandi bakaramya nibahereza ebyahangirwe okukira omuhangi, arukusimwa ebiro byona. Amina.

Obutumwa obuherezibwe Susan, kuruga hali MUKAMA, kyasande, okwakana, 21,2019.

Mbinu hanu ebigambo BYANGE. Onu ni RUHANGA wanyu owalimu kubaza: Nimbenda inywe baana okuhuliriza engeri obu ndiyo ninkora ebigambo omu kanwa KANGE, habwo mugisa hamu nengenderwaho.

Tindi mubihi webisuba rundi ngu omuntu arabiiha. Ndi RUHANGA OWAKUSINGAYO AMAANI kandi ekigambo KYANGE ekimbainiire nkinu. "Ndimu kuizira ekanisa YANGE," Eyinafweriire kandi eyingonza kukira nobwomeezi bwonyini. Einiire NYOWE nyenka amaiso, kandi eseera emihanda YANGE ,hamu nendora YANGE. Busamu kutahyatahya omu mutima gwe. Amanyire omuhanda kandi mwebembera omumuhanda ogwo buli kiro. Omuhanda gunu ogwaroho gufunda, aguhondera atakujwaha kandi nobwesigwa. Okunyoroberakwe kuli haiguru muno kandi aija kuba WANGE habwebiro ebitahwaho. Ngya kumuteeka aha rubaju RWANGE , Kandi ndubate nawe omunsi eyekuija. Asinguire ensi, kandi tahinduka okurora enyuma nka mukazi wa Ruta.

Taseera ekibi kandi takwata ebintu ebitasemire, ebyoburofu. Omunwa gwe guhikiriire kandi nebigambo bye bibazibwa nobwegendereza. Takolesa kubi ibara LYANGE, kandi aseera amananu GANGE, haiguru yebindi byona. Aine omutima gwengonzi kandi agonza abanyanzigwa be , aganyira kandi asabira abanyakubuzire. Tindigeza kumuleka rundi nokumusiga enyuma. Amanyire omuliisa we kandi aija hali NYOWE obunyeta ibara lye. Aine okubaganizamu kandi tahambya enyegesa ezebisuba.Amananu gasangwa omuli NYOWE nyenka kandi nomugole WANGE agonza amananu GANGE kandi taligeza okuhondera ondi wena.

Empeera YANGE habwekanisa enu yamaani muno; okutoroka byona ebinyakulimu kuija omunsi enu. Aija kulindwa kandi atekeweho obulinzi kandi busaho kintu kyona mumulingo gwona kija kumukoraho akabi. Aikara narora habwanyowe kandi aikaza etabaza ye eijuire. Tairuka kuhambya abapangisa. Liri iraka LYANGE eryaseera. Hati baana, mutajwaha omu kurora kwanyu. Muikaze amaiso GANYU hali NYOWE, muikale muli aha kwetekaniza. Omunyanzigwa WANGE huwe aikara buli kaire naseera owaralya, baitu abo abanyakusigara bali besigwa nubo baija kujunwa kandi basigaleho batakozirweho kabi, baija kusangwa bahikire okutoroka.

Ekiirima kirimu kuseseka omunsi kukira obundi bwona, baitu ekanisa YANGE, neyaka muno kandi eyemerire omu kiirima ekyamaani muno ekikwasire. Eija kurorwa NYOWE obundagyetayo. Tinkuija kugigurukya amaiso nkabanyakuli koya koya abanyakuine etabaza ezikwaka mpora. Muije hati okutunga amafuta kuruga hali NYOWE obuire butakahweriireyo kimu. Kasta ndamara okwetayo ekanisa YANGE, kija kuba kikererezi muno okuijuza etabaza yawe engeri oruigi ruija kukingwaho kandi naabo abanyakuine amafuta gatoito baija kusigwa aheeru okurora omunyanzigwa WANGE rundi okuhwerekerra okukusingayo obubi okukuija kuija bwangu bwangu. Ebigambo binu bihikire. Mutunge obuire bwokusoma ekitabu KYANGE.

Muije hali NYOWE habwokutunga engenderwaho kandi NANYOWE ngya kuba mwesigwa omu kukwebembera omu mananu goona. Obuire bugufu muno kandi nahabandi abaingi muno, butaito kusingaho abandi, engeri buli kiro abantu baleka ensi enu kuraba omu kufwa.Betekaniize? Oyetekaniize? Biikiza hansi okweraliiira kwobwomeezi bunu kandi ohimbe ekitabu KYANGE. Soma hali RUHANGA wawe hamu nemihanda YANGE Obuire butakahoireyo muno. Onu nuwe RUHANGA owa NYENKYA EYAMAANI hamu na nyenkya kara empyaka.

Okubara 23:19 Ruhanga tali muntu abihe ebisuba;kunu tali mwana womuntu,ayeyijukye;Akagamba talikikora?Rundi akabaza talihikiriza?

Abaheburaniya 13:9 Mutahabisibwa ebyokwegesa ebyemiringo nyingi ebihyaka:baitu kirungi omutima okugumibwa nembabazi:kunu okutagumibwa nengeso ezokulya ezitaragasire abo abazigendiiremu

.
Yohana 10:11-15 Ninyowe mulisa omurungi:omulisa omurungi ahayo obwomezibwe habwentama.
12.Anyakulisiza empera ,atali mulisa,entama,entama zitali ze wenka, obwarora enyamaiswa nija, asiga entama nairuka, kandi enyamaiswa ezisahura ezitabaniza. 13.Airuka baitu wempera , kandi entama taziroho.
14.Ninyowe mulisa omurungi;kandi nimanya ezange ,nezange nizimanya NYOWE, 15.nka Isenyowe okwarukumanya NYOWE , nanyowe okundukumanya Isenyowe;nanyowe mpayo obwomezi bwange habwentama.

Obutumwa obuherezibwe Susan kuruga hali MUKAMA , kyasande,okwakana, 28,2019.

Baana, muhulirize ebigambo BYANGE.

Mburanganiize abo abanyakunyanga kuraba omu kubihwanihwa okwamaani muno. Kinu kigambo ekikuru muno. Ngya kuhayo abantu hali ebibi byabo kakusinga banga okwetwa KWANGE. Baingi muno hati bali hansi yekisuba ekyamaani muno kandi nibarubatira omu kibi ekikuzookera kimu hamu nokwanga amananu GANGE-nobuyakuba ekanisa eya koya koya eyegezesamu omu kujuma RUHANGA ARUKWERA habwokukomamu obutumwa obunyakulyalyata amatu gaabu hamu nokusemeza enda zabu baitu obutakurumiriza emitima yabu. Bakomamu ekibi hamu nokugonza ensi.

Amananu GANGE n

nikyo ekintu ekikusembayo ekibakwenda kuhurra. Nibegomba okuirukira mumuhanda ogundi ogwahukainehe nekyo ekimbaheriize omu kigambo KYANGE kandi bahinduire namakuru gakyu kuraba omu kusoborra kwabo bonka habwokuba begomba okusisa hamu nokukwata ebintu byensi omukiikaro kyokuhikirra na RUHANGA wabo. Oyemerra nkaha? Noyenda okuhikirra na RUHANGA wawe rundi noyenda okuiruka nensi hamu nomukama wayo setani? Muine orugendo rumu rwonka orumusemeriire kurubatiramu kandi timusobora okuba neibiri. Muine kukomamu NYOWE rundi omunyanzigwa WANGE Baitu timusobora okuguruka orugo. Abo abanyakuli haiguru harugo baija kwesanga ngu orugo ruija kubateeka omu gehena. Timusobora okukwatangana omungaro na setani hamu na RUHANGA hamurundi gumu. Kulengaho kubweyabweya NYOWE hamu na setani hamurundi gumu tikirigeza okukora.

Tosobora okufulinga RUHANGA wawe kandi nomunyanzigwa nayenda olengeho habwokuba takufwayo nakamu habwawe kuba kurungi kandi nakwenda ohwerekerezibwe. Obuire bwanyu obwokukomamu RUHANGA Wanyu bulimu kuhwayo. Baingi muno baija kukomamu omuhanda ogugazi kandi bange emihanda YANGE eyoburukwera hamu namananu habwokutunga okuhwerekerra okwebiro nebiro nibaikiriza ngu okurubataho kataito nekibi kuli kwetekera kimu habunkenke wena. Kinu kyobuzibu muno kandi norubaale orwokurubataraho rucheke muno obworaba oine enyikiriza ngu kinu kyamagezi. Guli mulingo ogwabasiru okulengaho okuteka habutengenene okujunwa kwawe okutahwaho habwokwenda kuzinaho na setani katoito. Mumpindulire obwomeezi bwanyu mubumpereze nokwehayo okuijire,ikiriza okujunwa KWANGE kandi oije otunge okuijuzibwa kwa MWOYO WANGE owakuija huwe wenka kukwebembera omu mananu goona.

Habwaki osiisa edakiika endi yoona noikara otali na RUHANGA wawe kunu osobora kuba oyemetiire aheeru yobwomeezi obutahwaho akaire koona,omu mbeera yawe eyokugwa otaine na kuswekwa kwomusaahi GWANGE. Otaikiriza ebirengo byensi okukuteka omu buzibu bwebiro nebiro. Nyenkya kisobora kuba kiro

kyawe ekyokusembayo omunsi kandi kakusinga oraaba oyangire okujunwa KWANGE, okufwerwa kwanyu kuija kuba kwebiro n'ebiro. Ningamba kinu okubarabura habwokuba engonzi ZANGE hali inywe zamaani. Omusiru wenka nuwe agamba ngu tihaliyo RUHANGA. Nseera hati baitu nyenkya obuire busobora kuba buhoireyo muno nyenkya. Ndabura habwokuba ngonza. Onu nuwe RUHANGA wawe, owebiro n'ebiro, ebiro byona.

Abarumi 1:24 Nikyo Ruhanga yabaherireyo hali ebyensoni mali omu kwegomba okwemitima yabu, okusisa ekitinisa kyemibiri yabo bonka na bonka.

Zabuli 81:12 Nikyo nabalekire okukuratira okugumangana kwomutima gwabu, bagende omu magezi gabu bonka.

Abarumi 1:28 Kandi nkokubatarayenzire okuba na RUHANGA omu magezi gabu, Ruhanga akabahayo hali omutima ogubihire, okukora ebi ebitarukusemera.

Abefeso 4:19 Baitu abo bakalekayo okusalirwa bayehayo bonka hali obusihani, okukora byona ebitasemire omu kwegomba.

Obutumwa obuherezibwe Susan kuruga hali MUKAMA, Kyakataano, okwakataano, 10, 2019.

Nkinu hanu ekigambo ekyokuha abaana.

Baana BANGE, Nyine obutumwa obwamaani muno. Esaaha erimu kuhwayo-mutekwa kutekaniza obumuraaba nimwenda kuba abanyakwetekanirize okuija KWANGE. Abo boona abakwetaaga okuba omu kubaho KWANGE okutahwaho batekwa okwogya ebijwaro byabo. Habwa kinu kubaho mutekwa okwegomba okuba omu Kugonza KWANGE kandi mutekwa kwegarukamu ekibi Kyanyu ekyenyuma kandi muikirize omusaahi GWANGE-okusasurwa okwaguzirwe okwakolirwe ebibi byanyu aha musaraba ogwokubonesebwa. Nkasasulira ebibi byanyu ebyenyuma nobukyakuba ekibi ekimulimu kweziringuliramu kiro kinu. Tindukugondeza muntu wena okuhwerekera atali omu kubaho KWANGE okutahwaho. Habwaki okomamu kurwanisa OMUHANGI wawe kunu osobora kuba nobwomeezi obwakupulaningiirwe ogu wenyini ayakuhangire.

Abakukira muno obuingi tibankomwmu nibakomamu kuhambya ebihangwa BYANGE. Kinu kiija kukuletereza okufwerwa okutahwaho, okufubirwa hamu nokubonerezebwa okutalihwaho. Ninyenda mukimanye ngu butakomamu NYOWE nimukomamu kundwanisa hamu nokwahukana NANYOWE habwebiro nebiro, Kiri kibi muno muno kusingayo kukira engeri mukukitekerezamu kuba kiri. Abakukira obuingi tibatwara enchwamu enu kuba nkuru muno. Nkikirra ebyo byona ebirungi, ebiterekeriire, n'ebihikiriire. Habwokwanga amananu GANGE, Ebirarugiramu biija kuba byamaani. Busaho kutoroka ekibonerezo ekyahukaine ho nokuba hamu NANYOWE omu iguru.

Abaana banu abanyakwanga RUHANGA wabo baija kubonerezebwa omu murro n'okubura ebiro byona. Gehena mbi muno kukira engeri okugitekererezamu kuba eri, habwokuba kiri kiikaro ekitainiire kimu okunihira. Habwaki noyirikiriza iwe wenka okurubatira aha kasongezo kokufwerwa okutahwaho?, Obworaaba otakahaireyo ebyawe byona hali NYOWE, buli obu olimu kurubatira haihi nekigwererezi. Habwaki noikara oti obwomeezi obwobutengenene, kunu nosobora okwomeera obwomeezi obwokuhumuzibwa hamu nobulinzi omanyire ngu RUHANGA ainiire obwomezi bwawe pulani ekusingayo oburungi? Busayo pulani enungi muno

hali iwe kukira pulani YANGE. Ija otunge okukizibwa kwomutima .Ndimu kukusaba okubibikiza hansi byona. Biikiza hansi ensi hamu nemihanda yayo yona enyebisuba.

Leka ekigambo KYANGE kikunaabye kandi kikuleete omu businge BWANGE.Obusinge bwonka obunyakubaho buroho kuraba omuli NYOWE,OKUJUNWA KWANGE, pulani YANGE hali obwomeezi bwawe, okwezibwa KWANGE habwobwomezi bwawe, obukuija kukuhereza obusinge, obutasobora kukugerezibwa ondi wena.Kinu nikyo ekisembo KYANGE,obusinge, omuhimbo,hamu nokujunwa. Ija otunge ekyo ekyotasobora kwehereza rundi ekyotasobora kutunga mumulingo gundi gwona. Onu nuwe MUKAMA wanyu akubaza. Leka engonzi ZANGE zikwogyeye kiro kinu. Esaaha nehindukahinduka , ija otunge okujunwa. RUHANGA w'obusinge, RUHANGA wengonzi.

Abarumi 6:13 Kunu mutahayo ebichweka byanyu hali ekibi okuba ebinyakukoza obutahiki'ra,baitu mweheyo inywenka hali Ruhanga, mwomi're okuruga omu bafu kandi nebichweka byanyu hali Ruhanga nkebinyakukoza okuhiki'ra.

Abarumi 6:16 Timumanyire ngu ugu oumwehaye inywenka nkabairu okumuhu'ra,muli bairube oumurukuhu'ra;rundi ekibi hali okufa,rundi okuhu'ra hali okuhiki'ra.

Abarumi 12:1 Nikyo mbesemgererize,bene baitu,habwebyokuganyira ebya Ruhanga, muheyo emibiri yanyu nkeyonzira ekyomire,ekirukwera,ekisemerire Ruhanga, nukwo kuhereza kwanyu okwamagezi.

Obutumwa obuherezibwe Susan kuruga hali MUKAMA, kyasande, okwakataano,12,2019.

Baana, obutumwa bunu bwanyu:Ndindiriire ekanisa YANGE okwetekaniza omu burukwera, okwetekaniriza okutoroka kiki ekirimu kuizira ensi. Hataroho oburukwera, busaho nomu aliikara omu kubaho KWANGE. Oburukwera bwahuliirwe abo abanyakukomamu NYOWE, hamu nokurwanisa ensi, eyenyakuli munyanzigwa hali NYOWE:abo abanyakwegarukamu obwomeezi bwekibi, ekibakozire hali RUHANGA ARUKWERA, kandi bakaikiriza omuhendo ogusasuirwe aha musaraba okuterekereza ekyo ekyabuzire hamu nokugaara ebihangwa BYANGE omu kwemerra mubuhikiriire na RUHANGA wayo. Hayo hali OKUGONZA kwa RUHANGA, saba okujuzibwa N'OMWOYO WA RUHANGA hamu nokunteeka haiguru yebindi byona, omumutima GWAVE, engeri ntakuija kuhagana na bwaruhanga obundi habwokutunga engonzi zawe. Haija kubaho ekiro ekinditwaliramu ekanisa YANGE, eyenyakuteekanize ebijwaro byayo,kuraba omu ruigi rwokutoroka kandi noruigi ruija kukungwaho enyumaye.

Abandi boona baija kusigwa okutunga ebifubiro byomunyanzigwa WANGE, hamu n'ekiniga KYANGE. Esaaha erimu kutahamu. Nimurora omwoyo wokuhakaniza Kristo engeri alimu kuimuka? Kinu tikiguiroho bugwaho nka butandwa, enu niyo nyenkya yensi eyenyakubuzire, eyenyakuhinduire omugongo gwayo kugutunuliza OMUHANGI wayo , mukiikaro kyakinu neseera ekibi,hamu nobwemi hamu noburogo. Biikiza obwomeezi bwawe aha bigere BYANGE kandi leka mbutwale nkuhereze okunihira,nkuteeke aha muhanda ogufunda , kandi nsemeze omutima GWAVE. NYOWE nyenka ninsobora okukucungura kuruga omu kibi.

Busayo mulingo gundi gwona ogwokutoroka okuhwerekerra,ebigwererezi, hamu nemihito,eyerimu kuizira ensi. Okomamu ota ?Okusigara enyuma okurora ebibi kusingayo rundi okuija na RUHANGA wawe,okumanya obusinge obutahwaho, hamu nokurubata oterekeire mumaiso GANGE? Tinsobora kuikiriza ekibi omu bukama BWANGE obwokuhilirra. Mutekwa kutekaniza ebijwaro byanyu hati. Enu niyo esaaha eyokuija haihi muno NANYOWE hamu nokusingura okusikwa kwensi hamu nekibi kyayo omu bwomezi bwanyu. NYOWE nyenka NINYOWE anyakuine amaani okuhindura omutima oguiraguire, ogubuzire,kandi oguijire ekibi.

Leka mbasumurre kuruga omu kutuntura kwensi eyenyakuijire enaku habwokubaha obusinge, obukuhinguraho okwetegereza kwona. Obusinge obuhikire tibusobora kutungwa omu mulingo gundi gwona. Ndindiriire enchwamu yanyu,baitu nyenkya obuire busobora kuba buhoireyo muno engeri busaho nomu anyakumanyire enamba yebiro bye. Onu nuwe RUHANGA wanyu owakubagonza kandi owatakugondeza muntu nomu okubura.

1 Timoteo 2:3-4 Kinu kirungi nikisemera omu maiso gomujuni waitu Ruhanga; 4 Arukugonza abantu bona okujunwa nokuhika omu kumanyira kimu amazima.

2 Petero 3:9 Mukama tarukuikara obwomuragogwe nkabandi okubatekereza okuikara;baitu nagumisiriza habwanyu atarukugonza omuntu wena okubura,baitu bona bahike omu kwegarukamu.

Ezekyeri 33:11 Obagambire oti nkokundi omwomezi,agambire Mukama RUHANGA, tinyina okusemererwa okufa kwomubi;baitu omubi aruge omu muhandagwe abe mwomezi:muhinduke muhinduke muruge omu mihanda yanyu emibi ;baitu nimwegomberaki okufa inywe enju ya Isaleri?

Obutumwa obuherezibwe Susan kuruga hali MUKAMA ,:Kyasande,okwakataano,19,2019

Handiika hansi ebigambo binu:baana, ndi RUHANGA webigarukwamu byona-obwomezi busobora kwisana nkobukubuzabuza,obukumaramu amani, okurwanisa,baitu ninsobora okuhereza ebigarukwamu hali ebikaguzo byanyu ebikusingayo okuguma,omu bwomezi bwanyu. Biri haihi muno oburaira bwomukono, kandi haihi muno nkomutima gwawe engeri gukuli haihi, kakusinga ohayo ebyawe byona hali NYOWE,kandi okaleka nkakuyamba okwetegereza ekigambo KYANGE.

Mbaherize ekitabu ekyokubayamba ekinyakuine ebigarukwamu byona ebyobwomezi bunu,hamu na byona ebimukwetaaga okwetegereza okuija omu Businge BWANGE, hamu nomukuba kurungi KWANGE.

Nobuyakuba ensi enyakubetoroire tesobora okubatinisiriza kakusinga murubatira haihi muno YANGE. Obusinge bunu busobora kutungwa, baitu mutekwa kubiikiza obwomezi bwanyu aha bigere BYANGE, mukaikiriza ngu nimwetagisa OMUJUNI,weheyo hali OKUGONZA KWA RUHANGA,noyatura noyehakana okugonza KWAVE , wegarukemu obwomezi bwekibi, ganyira abo abanyakukuli haihi,kandi oyatule nokwekamba KWAVE hali RUHANGA wawe, RUHANGA OMWANA,OMWOYO ARUKWERA, HAMU NA RUHANGA ISITWE. Mulimu kuikara omunsi eyenyakuli omu buire bwomwoyo obukufuka . Emiti esobora kuba nekura,ebimuli nibikura, baitu emitima yabasaija nefuka, kandi neyeyongera okufuka buli kiro.Mutunge hokuhumura hansi yamapapa GANGE hamu nobutagasi aha rubaju Rwange.

Nsobora kukuletera omuhimbo omunsi eyenyakuijire oburumi, okugonza omunsi eyenyakuijire enobi,hamu nokuganyira omunsi eyetakuganyira. Nyine hokuhumura kwehara ekibuguma kyomunyanzigwa kandi ngya kukuletera omusana omu biro ebikusingayo muno ekiirima. Biikiza hansi enaku yawe , emihito yawe, ekugumirirwa kwawe hamu nokunyigirizibwa kwawe. Nyine omulingo ogukusingayo oburungi ogwosobora kwomeeramu omunsi enu eyenyakubuzire.Manyire omuhanda,nyine omuhanda ogukuija kukwebembera

nigukutwara omu kuniha hanyuma yabyona. Habwaki norwanisa hansi yobulemeezi bwebizibu byawe hamu nokutalibana,kandi kunu ninsobora kuyamba okuhimba emigugu yawe?

Ija oyomeere obwomezi bwawe oli NANYOWE ,kandi leka nkusumurre kuruga okutuntura kwensi eyetakuganyira . Nkwetekaniriize iwe okumanya kusingaho hamu nokumanya nkogu ayabandiize kimu okukugonza. Leka nkwoleke omuhanda ogukugya omu mananu goona, obusinge BWANGE, hamu nokuhumura KWANGE. Busaho kindi kyona ekirigeza okuigusa okuyayana kwomutima gwawe oihireho NYOWE. Tinkuija kurwanagana nomuntu ebiro nebiro. Ija hati bunu oruigi rwange engeri rukyabakingulirweho. Onu Nuwe

RUHANGA wanyu OWENGONZI zoona,AMANANU Goona,OBUSINGE BWOONA.

Zabuli 29:11 MUKAMA alibaha amani abantube.MUKAMA aliha abantube omugisa ogwobusinge.

Isaya 40:8 Obunyansi nubuhotoka,orwakyo nuruhwaho,:baitu ekigambo kya RUHANGA waitu kirigumaho ebiro nebiro.

Abarumi 10:9 Baitu obworaba oyatuire omu kanwa kawe ngu Yesu nuwe Mukama,kandi oraba oikirize omu mutima gwawe ngu Ruhanga akamuhumbura omu bafu,alijunwa:

Obutumwa obuherezibwe Susan kuruga hali MUKAMA, kyasande, okwakataano, 26,2019.

Isomo LYANGE ndinu erya kiro kinu: Mananukwo obuire bulimu kusembera haihi habwange Okwetayo ekanisa hamu nokusindika ensi omu mikono yomunyanzigwa WANGE. Ensi erimu kunyanga aha madaara goona, kuruga buli ango yona. Bataito muno nibo bakwenda okunsera omu kuhikirra kwona hamu namananu goona- amananu kuruga omu kigambo KYANGE. Ensi eine ebigiswekere hamaiso kandi namatu gayo gaijuire ebikokwa. Ekanisa eyenyakubuzire nerabyamu amaiso MWOYO ARUKWERA WANGE, hamu namaani ge agokwolekakwe okwamananu . Kakusinga ekanisa eyenyakubuzire yahurraga ebigambo BYANGE,kandi ekaseera OMWOYO WANGE, habwokwenda okwetegereza yakumanyire esaaha eyerimu kuikaramu hamu nokulekaho okuhamba omukira gwayo nehambya obutumwa obwebisuba,enyikiriza ezebisuba, hamu nenyegesa ezobutwa.

Enyigi ezikutwara omu gehena zikinguliirwe kimu omunda omumakanisa agebisuba aganyakuroho kiro kinu. Gehena erindiire abo boona abanyakuli aha makanisa amaingi aganyakwanga kuteka MWOYO ARUKWERA WANGE ahagati yokuramya kwabo,okwebemberwa omu rugendo rwe okugya omu kwetekaniriza ekyo ekinyakulimu kuija hanyuma. Ekanisa YANGE neyetaagisa okwemera eyetekaniize,eikale nerora omulingo ekibi kiri nambere buli hokuhindikira. Obufu bwamaiso obwomwoyo bulimu kuhabya baingi muno. Banga okuseera amananu, okuhayo byona, okuherezayo ebibakwasire hali ensi eyenyakubuzire, kandi eyenyakulimu kufa. Manyire omuhanda ogukuturukya, NYOWE nyenka Nyine ebigarukwamu byona NYOWE nyenka ninye akusobora okwebembera hansi hamuhanda ogufunda.

Haroho emihanda nyingi muno eyekuisana nkeyehikire, baitu gumu gwonka nugwo omuhanda oguhikire. Osobora okuba aha muhanda gunu kakusinga oba ogondeze:hinduka oruge omu kibi kyawe,wegarukemu ekibi kyawe, irukira NYOWE iwe weena, nohereza byona hali NYOWE, ebyokweta byawe. Ngya okubikiriza kandi nkugarre aha muhanda ogutaine buzibu. Busaho muhanda gundi gwona ogukugya omu kuba kurungi. Otaleka kintu kyona hakalebolebo,ija hali NYOWE hati otakabaire okusiikirizibwa rundi okwohebwa okundugaho okugenda.

Ndi owakugonza kandi owamaani kandi ngya okukuleeta nkuihe omu byobairemu kara na kara nkuteeke aha muhanda oguhikire. Ngya kukuhereza okuhumura kuruga omu bwomezi obwekibi, hamu nokuhwerekerezibwa okwawe kiinomu. NYOWE Nyenka NINYOWE asobora okuhikiriza okweraganiza kunu. Otakererwa, Garuka omuka omungonzi zawe ezasookere.

Onu nuwe MUKAMA wengonzi zoona hamu namananu.

Genda aha mukutu gwa Facebook: ogukugamba ngu : Nooha owa KRISTO Akugarukira kutwara?

Obutumwa obuherezibwe Susan kuruga hali MUKAMA , kyasande , okwamukaaga, 2,2019.

Ekigambo nkinu ekya kiro kinu. Baana, ensi erimu kwejumika, habwokuba ekomeremu ekibi-ekomeremu omuhanda gwekibi-omuhanda ogugazi ogwa baingi barubahiraho. Ekibi kirya abantu banu, engaro zabu zuraguire, kandi nibagonza nekibi kyabo. Okwezibwa kwobwomezi kiri kintu ekya kara muno hati. Abakusingayo muno kuba bataine ensobi tibaine iraka lyona omu bantu. Abantu balimu kucura nibenda omusaahi kandi nibegomba okufuga obwomezi bwabo kandi banga okukomamu RUHANGA wabo OMUHANGI wabo.

Obwemi buli hati omu ntebe eyomumaiso nibuvuga engeri abantu balimu nibanguhiriza nibairukira omu ngaro za setani nibakora buli kyakugonza kyona. Gunu guli mulembe oguine iroho lyomusaahi, niguculirra omusaahi : obugabe okuita, obugabe okutwara obwomezi, obugabe bwokukomamu kurwanisa RUHANGA OWAMAANI GOONA! Emalirra eija kuba eta eyaabo abanyakugonza obwemi hamu nobuisi, enobi hamu nokugaya okuhikirra hamu noburukwera?

Eija kuba gehena eyebiro n'ebiro kakusinga batahinduka hati , kandi bakegarukamu ekibi kyabo hamu nokubumbatira omunyanzigwa WANGE. Kinu kisobora kuhwayo kurungi kita habwensi enu kakusinga baikara mumbeera enu? Abataito muno bonka abanyakukomamu okuhayo ebyabo byona hali RUHANGA Wabo Nibo baija kusangwa bahikire okutoroka. Haroho omulingo ogwokutoroka hali ekya ekikujira hali ensi, kiri habwokuhayo obwomezi bwawe aha bigere BYANGE, Okuhayo ebyawe byona, okegarukamu obwomezi bwawe obwekibi, okanteeka NYOWE RUHANGA wawe ahagati yobwomezi bwawe, nompereza obwomezi bwawe nondeka ninkora engeri nkurora kisemerire hamu nokuirukira hansi yokuswekwa kwomusaahi GWANGE. Nkasasulira okujunwa KWAWE , omuhendo muingi muno, nobwomezi bwange bwonyini, omukuhingisanizamu nobwomezi bwabantu abanyakugarurra obwomezi bwabo hali RUHANGA. Abantu baine omulingo gwokutorokamu ekibi ekitekanizibwe habwokuhwerekerra kwabo.

Guli muhanda ogufunda ogwabataito basanga, baitu gukyakinguirweho habwabo abakwenda kuguzoora. Ija hati aha muhanda gunu, ija aha ruigi orukinguire, orutakujira kuikara rukinguirwe ebiro nebiro!!! Hayo ebyawe byona kiro kinu, leka nkwoleke omuhanda ogukugya omu businge bwona hamu nengonzi ezitahwaho. Hati bunu nibwo obuire obuikirizibwe obwokujunwa KWAWE. Nyenkya obuire busobora kuba buhoireyo muno. NDI OKUJUNWA. ONU NUWE MUKAMA wawe. Amina.

Matayo 25:10 Nabo obubakaba bagenzire okugura, omuswezi yaija; nabo abakaba betekanize bahingura nauwe omu bugenyi obwobugole: oruigi rwakingwaho.

Luka 21:36 Baitu inywe murolege bwona; musabege, musobole okukira ebi byona ebirihiki'ra nokweme'ra omu maiso Gomwana womuntu.

Obutumwa obuherezibwe Susan kuruga hali MUKAMA, kyasande, okwamukaaga, 9, 2019.

Nkinu ekigambo kya kiro kinu;Baana, mutajwaha omu kunseera kwanyu. Baingi baizire kandi bayongera barugaho aha muhanda ogukugya omu bwomezi obutahwaho nibamalirra nibabura habwebiro byona. Baingi muno bahabire bagenda omu bagonzebwa abandi kandi bayesanga aheeru yembabazi ZANGE, obu nibahambya ekibi. Omunyanzigwa ali nkentale eyekuseera oweraita, ekamuibaho, kandi ekahwerekereza. Hati bunu tibuli buire bwokubyama. Tibuli buire obwokwekambira ensi, hamu nokunyahaho amaiso gawe.

Omunyanzigwa WANGE alimu kurora narorra haihi muno nobwegendereza abo abanyakulimu kuruga aha muhanda ogufunda alindiriire akasumi akahikire okukwata emitima yabo kugiiha hali NYOWE nukwo abasindike aha muhanda ogugazi. Enu teri saaha yokuguijagira. Baingi muno balimu kurubata baine ebikokwa aha maiso gabo batamanyire kimu emitego yomunyanzigwa eyabategere. Baingi muno balimu kurubatira haiguru hakasongezo balimu kugenda omu matwale gemisega.

Mutageza kulekaho kurora RUHANGA wanyu. Muikalege mwekambiire ekigambo KYANGE, kandi ogumye obukwataine NANYOWE kuraba omu saaha. Eri nsi eyekiirima eyenyakuine ekibi kingi hati buli hokuhindikira. Haroho akagisa kaingi muno akokulemwa . Otageza kuteeka obugumu hamu nokwekakasa kwawe omu maani gawe. NYOWE nyenka ninyowe nsobora kukuikaza oli kurungi. NYOWE nyenka nsobora kukuleta omu kwahurwa okurungi oihireho kuba muni enu embi. Omunyanzigwa WANGE Tayetwalira abanyankomo,okuhwerekera kwawe nikyo kigendererwa kye.

Nayenda iwe ogende omu gehena eyebiro n'ebiro, nambere hatali hokutorokera. Kunu nukwo kusemererwa kwe. Otageza kugwa habwebisuba byaye, hamu nokubihwa kwe. Okumarwamu KWAVE nikyo kigendererwa kye. Ija hali NYOWE nkomwana omuto kandi oikirize nokokwetagisa OMUJUNI. Ngya kukuleeta hansi yokuswekwa KWANGE kandi nkuteeke hansi yeipapa LYANGE. Toine kagisa koonakoine oihireho buli oine Pulani YANGE hali obwomeezi bwawe. Hayo ebyawe byona kandi otahemu munda haihi NANYOWE.

Horakangira kusembera haihi NANYOWE, niho horakangira nokuba kurungi muno. Otageza kuzanazana kintu kyona, ija omanye hati.Otalinzamu okuseera hokubyama kutoroka eihunga eririmu kuija, ndi hamu baitu tihali habwebiro nebiro. Ngya kuihamu ekanisa YANGE eyehikire okugita omu kuba kurungi kandi ntaisulize omunyanzigwa WANGE okutwara obujunanzibwa bwe nkomuhakaniza wa Kristo. Abo abanyakulindirra muno baija kuba benaku muno mananukwo habwenchwamu zabu embi. Muje, mube bagezi, muijuze etabaza zanyu namafuta hati. ndi MUKAMA , OMUNAARA OGWAMAANI . Amina.

1 Petero 5:8 Mwerindege,murolege,omunyanzigwa wanyu setani nkentale erukububura nagenda nase'ra owaralya:

Yohana 10:10 Omusuma taija,rundi okuiba,nokuita, nokuhwerekereza:NYOWE nkaija zibe nobwomezi kandi zibe nabwo obwingi.

Matayo 25:4 Baitu abamagezi bakatwara amagita omu nsale zabu hamu netabaza zabu.

Obutumwa obuherezibwe Susan kuruga hali MUKAMA ,kyasande, okwamukaaga, 16,2019.

Mbunu obutumwa:Baana onu nuwe RUHANGA wanyu. Otageza kujwaha omu kurora habwokugaruka KWANGE. Kiri kyetaago ekikwetagisa okuba anyakwetekaniize. Abarozi era nabo bali abatekaniza. Batekaniza ebijwara byabo nobubaba balimu kurora. Omurozi alimu kurora mumaiso hatali kurora enyuma. Abagarukiriire hibo tibaine kunyumirwa kwona omu kwetekaniriza okujja KWANGE habwokuba nibehurra tibaine

ekibakwetekaniriza kandi enu niyo ensonga habwaki okurora kiri kyomugaso hali NYOWE kandi nikwo kisemeriire kuba haliwe.

Obuire bwekiirima, kandi bulimu kweyongera kufwoka bwekiirima buli kiro-buli kiro ekikuija kisemeriire kukuhereza okunihira okukooto muno hali okugaruka KWANGE, Engeri olimu norora ebigambo BYANGE nibihikirra. Buli mukoro gwona ogwekiirima ogu kubaho gusemeriire kwoleka ngu okugaruka KWANGE kusembiire haihi. Habwaki ekanisa eya koya koya nehambya ebirooto ebichwekere hansi mumihanda eyekiirima kandi neiruka kuruga omu mananu?

Habwokuba ensi ebanywaine kandi nokwegomba kwabo kwona kuli ha kibi. Nibenda okukwata ngana mungaro nomugonzebwa owekiirima nukwo bairuke kuruga omu mananu GANGE bagende nibahuruguma mumuhanda. Bali nkabaana abasisikaire abakugonza kuzanira omu muirima habwokuba nibatwarwa okugonza kwabo, oihireho okugonza kwa RUHANGA.

Okugonza kwabo kusigamiire ha kuhwerekerra kandi kakusinga baba batahinduire orugendo rwabu bwangu, baija kuhwerekerezibwa ekihika kyabo ekyamaani eky ngamba nyenka. Ekanisa YANGE emanyire ngu eri etabaza eyetainemu kantu eyenyakuhimba amafuta agakukira obuingi! Ija ondetere etabaza yawe hati okutunga okuijuzibwa. Tekaniza! Rora! Kora omuhanda habwokuija kwa MUKAMA omumwanya okwetayo ekanisa eyagonza! Abarozi bali abagonza RUHANGA. Amaiso gabu gatekerwe aha mananu kandi bali baseruzi bokuhikirra.

Ekigambo KYANGE nikyo ekitabu kyabu ekikubahabura, OMWOYO WANGE nuwe ABAHABURA. NDI KUJUNWA KWABU hamu NOKUSWEKWA KWABU. Kandi tibakuija okugurukibwa amaiso obundayeta ABANGE okuija haiguru hanu! Etabaza zabu ziija kwaka muno kandi baija kwemerra beyahukaniizemu kuruga hali ekiirima ekikwasire. Garuka hali NYOWE, ija aha maju gatezibwe. Leka nkwoleke amananu goona, leka nyakye nyangasanize eganduura yawe, leka nyijuze etabaza yawe namafuta agokusemererwa. Buli buire obwokurora, okutekaniza hamu nokwangasanira RUHANGA wawe.

2 Timoseo 4:8 Ekisigaireho, ekondo yokuhiki'ra eyahulirwe Nyowe, Mukama waitu eyalimpera ha kiro eki, omucwi wemisango yobulyo: kunu tali nyowe nyenka baitu na bona abagondeze okubonekakwe.

Obutumwa obuherezibwe Susan kuruga hali MUKAMA, kyasande, okwamukaaga, 23, 2019.

Kinu ekigambo kya kiro kinu. Baana BANGE, mutekwa kuigamira munda, kuigamira munda hali RUHANGA wawe. Muije haihi, mumale obuire muli ANYOWE Kandi muije omu kumanya omumulingo ogwenziha ogwahaihi muno. Nsobora kumanywa. Ekigambo KYANGE kigamba ngu manya RUHANGA wawe, yanga ensi kandi oyeyahukanizemu oruge hali ebyo byona ebyekwemererra. Ensi eri munyanzigwa hali NYOWE, temanyire. Baitu ekanisa YANGE emanyire kandi nentaama ZANGE zimanyire iraka LYANGE kandi zimpondera.

Haroho bataito bonka abanyakuija haihi muno okumanya. Kuli okumanya kunu okunyakuleta abaana BANGE omu kuba kurungi, okulindwa okurungi okutakusoborwa okuhebwa abo abanyakuli koya koya. Teri nsi eyetaine buzibu hati. Tikiri kyamagezi okuba hara YANGE hati nohondera abakama abandi, emihanda endi hamu nenyegesa ezebisuba eziguire. Mutekwa kuija kumanya, amananu GANGE, Hamu nengonzi ZANGE, Binu byona bisobora okusangwa omu kitabu KYANGE hamu nokuraba omu kwehayo mubuijire hali OMWOYO WANGE. Muije hali NYOWE, musabe eganduura ezikwera.

Musabe ahokuraba ahataine buzibu, musabe okujunwa habwokuba ndi MWAHUZI wamananu goona. Ensi eseera baruhanga abandi hamu nemihanda eyebisuba. Esweirwe ogwo owekugonza, omunyanzigwa WANGE. Tinsobora okubagana ekitebe KYANGE ekyobukama nondi wena. Kakusinga okomamu ruhanga ondi wena

owokuseera buli nuwe ogu owokuhereza. Tokuija kusangwa ohikire okutoroka ekyo ekirimu kuija bwangu omunsi enu. Wegarukemu habwokukomamu omunyanzigwa WANGE hamu nahabwokumuteeka aha ntebe yomutima gwawe.

Esaaha erimu kuhika kandi nenchwamu zitekwa kukorwa. Baingi tibakuija kukomamu omu buire kandi baija kuikara baigusibwe hali embeera yabo eyomwoyo. Baija kuhereza ruhanga wemitima yabo kandi nemalirra embi niyo erindirra abo abanyakukomamu kundwanisa Esaaha ehoireyo. Nyemerire aha ruigi ninkonkona. Nimbasa okutekaniza emitima yanyu okuntangirra kiro kinu. Nyenkya obuire busobora kuba buhoireyo muno. Kakusinga nyija kiro kinu, muraaba mwetekaniize? Kiki ekyemeriire hagati yawe hamu nokujunwa kwawe? Bintuki rundi bantuki abotekere omumaiso ga RUHANGA Wawe?

Otekwa okuchwamu nooha oworahereza kandi bwangu nengeri obuire bulimu kuhwayo. Nobuhakuba nahati, baingi muno obuire nibubahwaho, buli kiro okukora enchwamu ezikuletereza emalirra yabo eyebiro ebitahwaho, engeri busaho nomu amanyire esaaha eyalyemererramu omumaiso GANGE. Orakomamuki? Oramara nkaha ebiri byawe byona ebyobwomezi obwolwomerra ebiri nebiro? Abakukira obuingi bakomaku okwanga amananu GANGE kandi nahabwekyo baliikara batali ANYOWE habwebiro byoona. Obworaaba noiya ANYOWE Obundayetayo Abange, buli obu ntekwa kukumanya kandi otekwa kuba oyebaganiizemu kuruga hali ensi. Gunu nugwo omuhanda ogufunda ogwabataito muno bazoora. Ija leka nkwoleke engonzi ZANGE, hamu nemihanda YANGE. Ndi owatahwaho. Engonzi ZANGE tizihwaho.

Yohana 10:27 Entama zange zihu'ra iraka Lyange, nanyowe nzimanya, nazo zinkuratira

Obutumwa obuherezibwe Susan kuruga hali MUKAMA , Kyasande, okwamukaaga, 30, 2019.

Kinu nikyo ekigambo ekya kiro kinu. Baana BANGE, byona tibibuzire nobukiraaba ngu nimurora ebiri ebyekiirima biri omumaiso. Obworaaba oli WANGE, buli oli kurungi. Omunyanzigwa tasobora okusika kukutwara oku kibi baitu otekwa kuikara haihi ANYOWE muno. Otaligeza okunterebukaho. Ikara aha maju gawe, ikara omu saara, ikara omu kigambo KYANGE, wegarukemu kandi oganyire buli kwire . Mara obuire bwingi noseembera noiya hali RUHANGA wawe. Nkakuleeta mubwomeezi habwange kwenya nyumirwe. Kiri kikuru muno okumara obuire oli ANYOWE, nolengaho kumanya. Ntungira obuire ekiro kyona. Ego oine ebyokukora bingi, baitu byona eri nchwamu.

Oikiriza ensi okufuga omutima gwawe. Nohereza obuire hali ebyokuhambya ebyensi, kandi togeza noikiriza obuire Obwokuha RUHANGA wawe obworaaba otaine enkoragana ANYOWE. Abo abanyakumanyire bahungu kuli ensi bahambisiriza obuire omu kiro kyabo okumperezaho akanya omu puroguramu zabo. Obuire kiri kintu ekyomuhendo muno. Kiri kyomuhendo muno kandi tikisobora kugurwa. Busaho muntu nomu wena owakusobora kwongeraho nekiro nekimu hali obwomezi bwe kakusinga obuire bwe buba buhoireyo.

Orabaganizamu ota obuire bwawe? Orabasisira aha bintu byensi omu bwomeezi bunu ebitaine omuhendo ogwamani muno ogutahwaho, rundi oraija hali NYOWE ompereze obuire bwawe obwomuhendo? Nkakuhereza obuire obwoine okumara omu bwomezi bunu. Orangarurra obuire bwawe kandi obumale ANYOWE? Abakukira muno obuingi tibakuija okumpereza obuire bwabo kandi basisa ebiri byabo omu bwomezi bunu omu bintu ebitaine mugaso ebibakuhambya ebibamara bakezonzolera bonka hanyuma omukweijukya kwabo engeri bamalire emigisa yabu yona ahabintu ebitalimu magoba nakamu. Ningonza abaana BANGE, baitu obuire bwanyu bulimu kuhwayo. Muije mumanye omu kaikaro akensita. Weyahulire omu nkoragana yawe ANYOWE nambere obuire obumazirwe

ANYOWE buija kuleeta amagoba gaingi muno kandi nekyobugaiga kyawe kiija okwahurwa omumutima gwawe. Obugaiga bwomunsi tibuligeza kuba namuhendo gwona obwolimara okusamba omu bwomeezi obukuija. Eri nkoragana yawe ANYOWE hamu nobuire obwokumara ANYOWE obuliretereza okusimwa

nempeera eyekusingayo obukooto omunsi eyekuija. Hayo ebyawe byona kandi oyegarukemu habwokuhambya busa oli nomunyanzigwa WANGE kandi okomemu okuba OMU KUGONZA KWANGE,okugonza kwa RUHANGA. obuire bulimu kuhwayo. Kiki ekyorayoleka omubwomezi bunu obugufu? Ija omu kumanya hati kandi ngya kukuletera enju yobugaiga eyengonzi hamu nokukunihiza obwomezi bwomumaiso obwomuhendo obwokumara na RUHANGA wawe.

1 Petero 3:12 Baitu amaiso ga Mukama gaikaire ha bahikirire. Namatuge gali ha kusaba kwabu:Baitu obuso bwa Mukama buli hali abo abarukukora kubi.

Okusukururwa 4:11 Osemerire ai Mukama Ruhanga waitu,okuhabwa ekitinisa nokutinwa nobusobozi:baitu niwe wahangire byona,kandi nkokuwagondeze bikabaho ,kandi bikahangwa.

Matayo 13:44 Obukama obwomu iguru nibusisana nkekiitungo ekyaserekerwe omu musiri;omuntu ekiyaboine nakisereka;obwokusemererwakwe yagenda yagura ebyanyinabyo byona,yagura omusiri ugu.

Enfumo 8:21 Mbagwete ebintu abarukungonza ,kandi nyijuze amahu'ro gabu.

Matayo 6:19-21 Mutalyeyahu'ra bintu hansi,enyenje nokumoma nambere bisisa,nabasuma nambere balimira,nibaiba,20.baitu mweyahu'rege ebintu omu iguru,enyenje nobukwakuba okumoma nambere bitasisa,nabasuma nambere batalimira nobukwakuba okuiba;21.baitu ebintu byawe nambere biikara,nomutima gwawe nagwo guliikarayo.

Obutumwa obuherezibwe Susan kuruga hali MUKAMA, Kyasande, okwamusanju,7,2019.

Obutumwa mbunu obwa kiro kinu. Ndi RUHANGA owomubuijwire, baitu abaana BANGE bakomamu okuburwaho.Tibaine habwokuba tibanyesiga NYOWE. Ndi JEHOVAH JIREH,omugabirizi Owamaani. Nperezza obugabirizi hali abo abanyakumanyire kurungi omunkoragana. Entaama ZANGE ezito zimanyire kurungi omulingo mperezza hamu nokurorerra okwembaganiza okumbahereza habwokunteeka omu kiikaro ekyokubanza omu bwomezi bwabo haiguru yomunyanzigwa WANGE hamu nensi eyibaikaramu. Okweralikirra tikuli kwabo habwokuba nkora omuhanda.

Manyire omuhanda kandi mbaleeta kurungi hansi kusirimuka okugya omu bwijuire BWANGE habwabo. Obuijire BWANGE nibwo ensi ebaramu kuba nkeyyobugaiga ekikusingayo obukuru? Nangwa, obugaiga bwange nibusingira hara muno obukuru , nubwo okuhikirra ,Amananu, hamu noburukwera. Nfwora ebigambo BYANGE ebinyakumanyirwe halibo omu KITABU KYANGE, nukwo basobole okukigonza okukisoma. Mbahereza akabazi kamaizo okuseera kandi baine okwetegereza. Tibageza kuburwaho amagezi agokumanya RUHANGA wabo kandi basobora kuraba nomumaizi agagumire muno agensi eyerimu kufwa kandi ensisi.

Baine obugumu omuli RUHANGA wabo habwokuba bemerra aha mwandara owanyakubajuna omusenyi ogukudikira ogunyakubetoroire. Barora ebintu,kandi bahurra ebintu,ebyabandi bakugurukya amaiso habwokuba mbahereza okurora nokwetegereza orutaro orwensi eyetakurorwa,eyomwoyo.Betegere za ekibi hamu nemihanda yomunyanzigwa Wabo nukwo basobole okuteeka okunihira Kwabo kwona hali RUHANGA wabo kandi tibamazirwemu maani Nakamu.

Tibali boonka nkefuuzi,kandi baine omuhimbo omu bujiuire kandi bamanyire ngu ndimu kubatekaniza habwebintu ebirungi muno kusingayo ebikuija. Tibarukurora obuire bwomumaiso obutaine okunihira habwabo oihireho nibarora obwomeezi obwokuikara omu Bukama BWANGE obukuija. Mbahereza ekyo kyonyini ekibakwetaaga kandi nengonzi ZANGE tizikuinganwa nomugonzebwa ondi weena owensi ekubagezesesa. Bamanyire OMULIISA wabo, kandi bampondera kandi mbalinda kuruga hali emisega hamu neihunga. Obusinge bufuga omu mitima yabu, kandi nengonzi zangasana kubetorora boona habwokuba BANGE.

Ija oyomeere obwomeezi obunakutekaniizemu okwomeramu. Lekeraaho okwekwata ensi eyekukugaya kandi eyekukwendeza okuhwerekerra. Byona bibi,baitu ekigambo KYANGE kyebiro nebiro. Ija obaganeho engonzi ezitaligeza okufa. NDi iziba eryamaizi agomiire agataligeza kwoma. Kiro kinu osobora okunywa hali amaizi GANGE agakugera kandi okatunga Ebyange Omubuijire-ezaabu yengonzi ZANGE hamu na pulani yobwomeezi bwawe okukwebembera kukuiha omu irungu kukutwara omu bujiuire obwebiro n'ebiro. Otagenza okusiisa ekiro kindi kyona oli aheeru YOBUKAMA BWA RUHANGA. Ija omu kubaho KWANGE kandi obe kichweka hali abo abataito abanyakusanga OMUHANDA OGUFUNDA. Tinsobora okukulindirra ebiro n'ebiro,nahabwekyo muije hati oruigi rukyakinguireho.

Onu nuwe RUHANGA wanyu, NDI NSORO YAMAIZI AGAKUBOOGA NIGAGERA GATAKULEKA

Matayo 13:44 Obukama obwomu iguru nibusisana nkekiitungo ekyaserekerwe omu musiri;omuntu ekiyaboine nakisereka,obwokusemererwakwe yagenda yagura ebyanyinabyo byona,yagura omusiri ogu.

Matayo 6:19-20 Mutalyeyahu'ra bintu hansi,enyenje nokumoma nambere bisisa,nabasuma nambere balimira,nibaiba.20. Baitu mweyahu'rege ebintu omu iguru,enyenje nobukwakuba okumoma nambere bitasisa,nabasuma nambere batalimira nobukwakuba okuiba.

Okubanza 22:13-14 Iburahimu yaimukya amaisoge narora,kandi dora, enyumaye entama empaya ekwasirwe omu kisaka amahembe gayo:Iburahimu yagenda yatwara empaya,yagihayo okuba ekihongwa ekyokeze omu kiikaro kyomwanawe.14.Iburahimu yaruka ekiikaro eki Yahwe-yire:nkokukigambwa na hati ngu harusoji rwa MUKAMA kiribonwa.

Obutumwa obuherezibwe Mukama Kuruga hali Susan,Kyasande,okwamusanju,14, 2019

Mbunu obutumwa bwa kiro kinu: Baana, byona tibiri kurungi n'ensi. Obworaba noikiriza oti, ngu birungi byona, buli obu oisirwe amaiso kandi obuzire. Obihabibirwe obworaaba otarukurora ngu ensi erimu kweyahukanizamu. Haroho ebigwererezi omunsonda ina zoona ezenzi. Obworayanga okurora,ensonga eri habwokuba oiniire amaiso gawe ensi enu yonka,ekusiikiirize kandi yakusika yakuteeka omu kitimba kyayo ekyokubihwabihwa. Nimugigonza omu mulingo gumu gwonyini nka mukazi wa Ruta engeri yali narora enyuma hali ensi obuyali amazire okuhebwa akahanda akarungi akokutorokeramu.

Otekwa okuiha amaiso gawe hali ensi eyenyakulimu kufwa. Busaho kunihira kwona hali hali enu eyekibi oihireho okunihira KWANGE okumpereza. Ndi RUGI RWONKA ORURUNGI orutaine kabi orukugya omu bwomeezi obutahwaho. Ensi neezoka nkenungi kandi nesikiriza,baitu byona byokweisaniriza bweisaniriza. Ekibi kiserekerwe hansi kandi obu baingi muno balimu kuirukira aha kasongezo nibagya omu kufa kwabo bataniire kimu okunihira okwokukira - gehena eyebiro n'ebiro erindiriire abo abanyakugumizaamu buli kiro kukomamu emihanda y'ensi eyekibi.

Orakwatirwa omunsi eyenyakuijire okubihwabihwa kandi ohondere nomuhanda ogugazi ogukugya omu gehena? Gunu nugwo omuhanda ogwabaingi balimu kurubatiramu hati. Bataito muno nibo bazoire omuhanda

gwabo okugya omu muhanda ogufunda-baingi muno baija okusigwa enyuma kandi nabaingi baija kukwatirwa omu kuhwerekerra okwabwangu nambere hatali okunihira kandi nebikurugiraamu bitasobora okuhindurwa. Orachwamu okukomamu RUHANGA wawe? Orakomamu pulani YANGE eyokujunwa;okwegarukamu ebibi, okuikiriza ekisembo ekyahamusaraba ekyasasuirwe nomusaahi GWANGE gwonyini;okuikiriza okugonza KWA ISIITWE obu nokuhingisanizamu nokugonza okwawe kwonyini,hamu nenkoragana na RUHANGA wawe Eyekurugiramu Enkoragana yahaihi muno hamu nengonzi ezebiro nebiro?

Ensi eyekuija ejiuire ebikuhuniriza bingi . Orakoraki? Oranseera kandi ojunwe ekiniga ekikuija rundi orayeteeka aha butengenene habwakaire kanu akataito noyekwata ekibi? Enchwamu enu eine ebikurugiraamu ebyebiro nebiro-tekerezamu nobwegendereza. Nkutekiireho omuhanda- orakomamu omuhanda ogwengonzi?Onu nuwe AYAKOZIRE ENGONZI,Engonzi ezikugumisiriza.

1 Yohana 2:15. Mutaligonza ensi,nobubyakuba ebintu ebiri omunsi. Omuntu wena obwagonga ensi,okugonza kwa Isiitwe tikuli omuluwe.

Obutumwa obuherezibwe Susan kuruga hali MUKAMA, kyasande,okwamusanju,21,2019.

Ebaruha nginu eya kiro kinu. Obuire bulimu kuhwayo. Ekibi kitungiire kimu obuikazi bwakyo omu nsi yoona. Kimazireyo ensi yoona kandi kyaijuza nemitima yabantu abatamanyire.Ekibi kirimu kweyongera kukura omu buingi kandi neidaara lyekiirima lyeyongiire. Emitima yabantu nefuka kandi neyeyongera kufuka muno buli kiro. Amaiso gabantu nigairuka nigagya kuli na kuli nigaserra buli kibi kyabuli mulingo gwona hamu nebintu ebitaine mugaso okubiteekaho ebitekerezo byabo.

Baikara nibarora ebiina byekiirima nukwo basirimukeyo kandi baserre setani okubebembera omu kukora ebikorwa ebifuire amaiso. NYOWE NYENKA NINYOWE ndora omunda enyuma yenyigi ezikingirwe hamu nomunda omu mitima yabasaija boona. Baana BANGE tinsobora okuikiriza ekibi kinu okugumizamu ebiro nebiro. Hatekwa kubaho akaire nambere ndateka ekibi hansi yekigere KYANGE kandi nkafubira abantu enkozi zebibi. Esaaha erimu kuhika.

Orasangwa oyemeriire nkaha obundagarukira abange?

Oyemeriire nkaha hati? Obwomeezi bwawe tibukunihizibwe kandi nsobora okukwetayo omunsi akaire kona okwemerra omumaiso GANGE hamu nokuhereza obujunanzibwa bwona obwobwomeezi bwawe. Orandora nkanyakusingirwe omusango osemeriire ekifubiro rundi oraaba ojiuire omuhimbo?Haroho biingi muno hati ebinyakuli aha butengenene. Otageza okukwatirwa omu kuhwerekerra kwawe okwabwangu nkengeri baingi muno bakwatiirweyo enyumaho aho. Komamu RUHANGA wawe kandi oirukire omu kujunwa KWANGE okwasasuirwe aha musaraba ogwokwebundaza obu ninkolesa omubiri gwange gwonyini hamu nomusaahi gwange.

Wegarukemu ekibi ekyokozire enyuma nomutima ogwokweijukya butenda kwongera kukikora hamu nokuba nenaku yobwomezi obwekibi oli omumaiso ga RUHANGA ARUKWERA. Tunga OMWOYO WANGE,omu bujiuire bwe bwona,kandi osabe okuba omu Kugonza kwa ISIITWE. Kiri habwokufa KWANGE kwonka kurora ngu nimusobora okurubatira hansi aha muhanda ogufunda okugya omu bwomeezi obutahwaho. Orakikora? Orakomamu ogwo ogufunda rundi oraikara hali ogwo ogugazi oli naabo boona abakuija kusindikwa omu gehena yebiro nebiro hamu nokubonesebwa? Bunu nubwo obuire obukusingayo muno okuba buzibu muno okukira obuire bundi bwona. Ensi erimu kumirwa ekibi. Leka nkuteeke aha mwandara ogugumire ogwokuba kurungi, omuhanda oguhikire gwonka ogwokutorokeramu. Onu nuwe MUKAMA OWAMANANU GOONA.

1 Samuiri 2:2 Busaho ondi arukwera nka MUKAMA;baitu busaho ondi ,

Matayo 7:13 Mutahe omu irembo erifunzire:baitu irembo ligalihire nomuhanda ogurukugenda omu kuhwereke'ra mukoto,nabo abagutahamu baingi.

Abarumi 14:12 Nukwo itwena tulyetonganira omu omu hali RUHANGA.

Obutumwa obuherezibwe Susan kuruga hali MUKAMA, kyasande, okwamusanju, 28,2019.

Muhara WANGE, obutumwa mbunu obwa kiro kinu. Abaana inywe abanyakujwahire, muikale mutaire amaiso ganyu hali NYOWE. NINYOWE MUCUNGUZI wanyu, nobumwakuba mujwahire. Muije hali NYOWE mutunge okukizibwa, omutima gwokukizibwa. Nsobora okukugaara buhuka ninkuhumuza kuruga hali ensi eyenyakuijire ekibi. Teeka okuikiriza KWAVE omuli NYOWE, Tindigeza okukumaramu amaani. Nobukiraaba ngu ekiirima kyona kikwetoroire,-Omusana GWANGE guikara nigwaka muno.

Omusana GWANGE tiguligeza okuzima. NDI mananu agebiro nebiro. Mumale obuire bwanyu muli NANYOWE RUHANGA wanyu. Musabe kandi muirukire omu mikono YANGE eyenyakwanjuruiwe. Tinyikara ndi hara muno yabo abanyakunseera. Engonzi Zange zembabazi kandi nizihumuza. Ntekwa kuba kaali muno kandi anyakwegendereza muno obuire obumu nobumu baitu kandi nengeso ZANGE nizigonza kandi nizikolerwa nobwegendereza muno abo abanyakuija hali NYOWE kutunga amananu.

Ngaraamu engeso omuntu kuruga omu ngonzi. Obworaaba oli omu kubonerezebwa, buli olimu kufugwa emizimu. Okuhanwa KWANGE nikumara habwokukizibwa KWANYU, okubaleeta kubaiha omunsi eyenyakuijire ekibi. Abazaire abahumuzamu okuhana kwabo baija kusanga abaana abajeemu abaine obwemi omu maju gabu. Ekanisa YANGE eya koya koya efwokere yobwemi kandi yobujeemu habwokuba BANGA okuija hansi yobwebembezi BWANGE okufugwa, okuhaburwa, hamu nokuletwa hansi yokworoba.

Emitima yabo eri hara muno YANGE, kandi baija kusangwa nibaburwaho aha kiro ekyamaani kandi ekizibu muno , ekibaliroamu bakatunurra RUHANGA wabo kakusinga baba batahaireyo ebyabu byona hali NYOWE hati. Ensi enu nezooka nkeyekunyuma hati okugikwataho,kugirozaho,hali eriiso, hamu nokutu baitu bwangu muno sensi zona zijja kukwehindukira kakusinga otahindukira MUKAMA RUHANGA wawe kandi okataisa okukwata KWAVE okwoine hali omuhanda gwomunyanzigwa WANGE. Okuhwerekerra kwawe nukwo alimu kuserra. Lekeraho okuirukira omu ngaroze kandi oirukire hali NYOWE hati.Kora okwehayo okuijire hati . Hati bunu nubwo obuire, Nyenkya obuire busobora kuba bukuhoireho. Ebigambo binu bihikire.

Ndimu kuizira omugole WANGE anyakwehaireyo anyakunseera ahangenderwaho zange hatali haze wenka. Orahinduka kuruga omu mihanda yawe eyokusisa kandi oyegarukemu okwegomba ensi eyekibi eyekuiruka neruga aha mananu GANGE? Mutekwa okuimuka omuturo esaaha yanyu etakahoireyo kandi obu hanyuma yekyo tihakuija kubaho kuhinduka kugaruka enyuma. Ndindiriire abo abakwenda okuija omu Iguru LYANGE kandi abakwesiga omuli RUHANGA wabo wenka habwokulindwa kurungi. Abo abanyakwesiga NYOWE tibaligeza okusikwa omu ngaro ZANGE. Ndi MWANDARA GWONKA ogukwesigibwa okwemeraaho hati.onu nuwe MUKAMA OWAMAANI GOONA.

Abaheburaniya 12:5-13 Kandi mweberwe ekigambo ekitere'ra,ekirukubaza nainywe nkabana ngu Mwana Wange otagaya okubonabonesa kwa Mukama,kunu otagwa ensazi obwakuhana:6 Baitu Mukama owagonza nuwe abonabonesa,kandi atera omwana wena owairiza.7.Obwokubonabonesebwa nimugumisiriza;Ruhanga nabakora nkabana:baitu mwana ki ise owatabonabonesa? 8.Baitu obumutaba nokubonabonesebwa, bona

okubaterana nakwo,muli bitwekano,kunu timuli bana. 9. Kandi tukaba tuyina baisiitwe, abomubiri gwaitu,abatubonabonesaga , twabataho ekitinisa:titulikira muno okuhu'ra ise wemyoyo tube bomezi? 10. Baitu abo abatubonabonesaga ebiro tibiri bingi, nkokubasimire bonka;baitu ugu atubonabonesa obwokugasa,obwokuterana omu kuhiki'rakwe.11.okubonaboneseb wa kwona omu biro bya hati bunu tikurukusisana okuba kwokusemererwa,baitu kwobujune:baitu hanyuma kwana ebyana ebyobusinge hali abo abanyakwegesebwa omukwo,nibyo byokuhiki'ra.12.Nukwo mugo're kono erukulengija namaju agazingamire;13 kandi muhendere ebigere byanyu empenda eziterekerire,anyakusenjura aleke okuhabisibwa,baitu hakire akizibwe

Obutumwa obuherezibwe Susan kuruga hali MUKAMA, kyasande okwamunana,4,2019

Binu nibyo ebigambo ebyokuhereza abantu:Mutahoibwamu okunihira. Muro're haihi muno nobwegendereza engeri emikoro omunsi erimu kubaho hamu mulaini emu namananu GANGE. Hindi muntu ngu ndabiiha. Ningaruka okugaraho buhyaka ekanisa YANGE eyekunyorobera. Esaaha erimu kuhika. Baingi muno tibarukuikiriza,besigire ensi habwokujunwa kwabo. Baija kujuzibwa enaku habwokukomamu ensi ngu nukwo batunge ebigarukwamu. Ensi eri munyanzigwa hali NYOWE kandi teine kyenihize kyona hali omuntu wena. Ensi eri ruigi orukugya omu gehena kandi nabantu abakukira obuingi baija kukomamu omuhanda ugu, omuhanda ogugazi ogukugya omu kuhwerekerra . Nkwasure ebisumuruzo ebikugya omu bwomezi obutahwaho. Omusaahi GWANGE ogwasesirwe gukasasulira okutahamu okwabantu ababuzire okugaruka omu nkoragana na RUHANGA.

Enyumaho omuntu akaba abuzire,ataine kunihira kandi aguire. Omulembe gumu kugya hamulembe ogundi, gukaba gukyenerwe kandi habwokubambwa KWANGE kwonka aha musaraba, ogwoburumi hamu nokubonabona omuntu nubwo aguzirwe kandi yatunga akagisa akokwongerera kutaaha omu bukama BWANGE. Omusiisi,azaliirwe omu kibi, atekwa kukomamu NYOWE hamu nekisembo KYANGE ekyokujunwa. Nubwo hanyuma batekwa okwegarukamu ekibi kyabo ekyenyuma, kandi bakaikiriza okwetaaga OMUJUNI. Batekwa okwegomba okutunda okugonza kwabo kwonyini, nibakuhingisanizamu n'okugonza KWA ISIITWE batakozire kinu baliba batakusobora okutaha omu Iguru.

Emirimo yabo yona emirungi eyibakukora teribakolera kirungi kyona,kakusinga emirimo enu baba nibagikora batali omu Kugonza kwa RUHANGA, kandi batahinduire nemihanda yabo okumpondera NYOWE. Manyire omuhanda. Ninyowe omuhanda. Obuire butoito muno. Baingi muno nobuhakuba kiro kinu bafwera omu bibi. Otageza okukwatirwayo notunurra RUHANGA wawe otaine enkoragana yetabaza eyenyakuijire amafuta. Busaho omulingo ogurungi muno ogwokusoboramu omusiisi owanyakubuzire owanyakuroramu emalirra ye ali omu gehena eyebiro n'ebiro. Nimbetaaga mube abanyakwetekaniize.

Nimbetaaga muije hali NYOWE habwokutunga ebigarukwamu byanyu byona hamu nokutunga eganduura ezirukwera. Otaleka setani okukubiihabiiha, obuire bulimu kuhwayo kurora ngu abantu nibetekaniriza obuire obukusingayo obubi omubyafwayo byabantu. Mukole enchwamu yanyu hati. Mukomemu namagezi,mukomemu obwomezi, mukomemu OMUJUNI owabantu boona. Ibara LYANGE NINYOWE YESU.

Matayo 7:13-14 Mutate omu irembo erifunzire:baitu irembo ligalihire nomuhanda ogurukugenda omu kuhwereke'ra mukoto,nabo abagutahamu baingi. 14. Baitu irembo lifunzire nomuhanda ogutaha omu bwomezi muke, nabo abaguzora bake.

Matayo 7:21.

Obutumwa obuherezibwe Susan kuruga hali MUKAMA, kyasande,okwamunana ,11,2019.

Hati nkinu hamu ekigambo kya Kiro kinu. Baana esaaha arimu kuhika eyokugaruka KWANGE. Timusobora kurora omuirima niguija omunsi? Tigumazire ira kukwata emitima yabantu omunsi yona? Abantu bakwasire baimukya buli kintu kyona ekikuletereza ekibi ekinyakumanyirwe abantu. Batekaniize okurumba kwabo hali RUHANGA wabo kuraba omu bwemi. Nibahakaniza nibakora obwemi hali ekigambo KYANGE, amananu GANGE, Ibara LYANGE hamu nabantu BANGE abakomerwemu. Baijuike okugaya RUHANGA wabo , OMUHANGI wabo ayakozire obwomeezi bwabo bwonyini. Esaaha eyomusaija owekibi erimu kuiruka nehwayo.

Ngya kukikiriza habwa kaire katoito. Kinu nikizooka nkobuire oburaira muno halinywe,baitu kali kasumi busumi olengesanzemu nebiro ebitahwaho. Habwobuire obugufu, setani afuga ensi, nabahondezi we abaguike, hamu nabasaija ababuzire. Baitu bwangu ninyija kuleta binu byona ahakumalira kandi nteeke obukama Bwange omu kutambura. Ninyija okubaganizamu embuzi okuruga omuntaama kandi ngya kuteeka abantu ababi hansi yebigere BYANGE. Omunyanzigwa WANGE akuhagana NANYOWE nauwe aija kutunga empeera ye eyehikire.

Kuhikya kinu mbere kiramara kukorwa ,mukyaine obuire bugufu muno okuija hali NYOWE mukakora ebigendererwa byanyu hali NYOWE ebimanyirwe. Nimukomamu NYOWE hamu nebyo byona ebinkukikirira:oburukwera hamu nokuhikirira? Rundi orachwerwa omusango oli omusiisi owataganyirwe, owobwemi,kandi anyakuhunguirwe kuli habwebiro nebiro? Buli kiro ensi eija kwoleka ekiirima ekingi kukiraho hamu nobwemi obukukiraho hali NYOWE. Okugarukamu Kwawe kuija kuba kuta? Orarora otafwireyo? Oranuga? Rundi orahindikira NYOWE kandi oleke aho ekibi Kyawe,oyegarukemu habwokuba aheeru yokugonza KWANGE?

Oraikiriza ekisembo KYANGE ekyokujunwa ekyasasuirwe mubuijuike habwawe? Orairukira omu mikono Yange eyeyanjuruike nukwo osangwe ohikire okutoroka ekyo kyonyini ekirimu kuija bwangu muno hali ensi? Tinsobora okukuhambiriza okutunga byona ebinyine okuhereza;Obwomeezi omu Bukama BWANGE;obulinzi hali ensi enu eyekibi. Tinsobora okukuhambiriza okukomamu ENGONZI ezitaligeza okuhwayo hamu nobusinge obunyakurabaho okwetegereza kwona. Otekwa okuchwamu ngu nonyetaaga NYOWE RUHANGA wawe kukira engeri okugonzamu ensi enu embi. Ija oyege engonzi ezihikire, NINYOWE ENGONZI.

Abefeso 6:12 Nukwo ekibi kitalemera omu mubiri gwanyu ogwokuzarwa, okuhondera okwegomba kwagwo.

Matayo 25:33 Nentama alizita ha mukonogwe ogwobulyo, baitu emburabuzi hamukono ogwemoso.

I Yohana 4:8 Atarukugonza tamanyire RUHANGA: baitu Ruhanga nukwo Kugonza.

Obutumwa obuherezibwe Susan kuruga hali MUKAMA, kyasande, okwamunana 18,2019.

Mbinu hanu ebigambo ebya kiro kinu:Esaaha ekererirwe, Baana BANGE. Ekiirima kingi muno kirimu kuijuza ensi. Bataito bataito muno nibo balimu kumpondera. Ensi eijuzibwe ekiirima , ekiirima ekyomwoyo. Emitima yabantu hali RUHANGA nabantu efukire . Ensi erimu kuhamya ekiirima hamu na byona ebyekukiikira. Omunyanzigwa WANGE alimu kuijuza entekereza ya buli omu wena owakusobora okufuga nukwo akole okugonza kwaye. Obworaba oteheriireyo kimu hali NYOWE omubwijuike,noyegarukamu ekibi ekyenyuma, nokuganyira abo boona abakunyigiriize bakukora kubi hamu nokusaba okuijuzibwa na MWOYO WANGE,kitalyekyo oli kikwato ekitainemu kantu, ekinyakuroho habwomunyanzigwa okutahamu kandi akakolesa.

Akolesa buli omu weena anyakumukinguliraho kutahamu. Okutahamu kuhika aha mwoyo kuherezibwa kuraba omu kukora ekibi, kuraba omu kuhambya ensi, kuraba omu kwanga emihanda ya RUHANGA, kuraba omu kunuga ekigambo KYANGE.

Setani afuga nkokwakwenda abo abantu abatarukumanya NYOWE. Nsobora kumanywa nta? Nsobora kumanywa kuraba omu buire obwokumara oli NANYOWE omu kaikaro akensita, kuraba omu kusera enkoragana NANYOWE habwokubagana obwomeezi bwawe NANYOWE ekiro kyona. Era nahabwokuhayo obwomeezi bwawe omu ngaro ZANGE NYOWE nonyesiga, nubwo nsobora kumanywa. Okusoma ebigambo BYANGE omu kitabu KYANGE, hamu nokusera obwebembezi BWANGE habwokwetegereza nagwo guli mulingo ogundi ogwokumanya RUHANGA wawe.

Obwonserurra abandi okabandetera NYOWE, Kandi okaseera okukora okugonza KWANGE, obuire bwona buli oba olimu kumanya RUHANGA wawe. Oihireho okumanya kunu, buli oba oyahukaine ho hali NYOWE otali Nanyowe kandi otaine bulinzi hali omunyanzigwa WANGE. Kwatirirra hali RUHANGA wawe, kwatirira hali omukono GWANGE. Buli buli buire bwokugezesa kandi teri saha eyokwahukanaho kuba hara N'OMWOYO WANGE, AMANANU GANGE, OKUGONZA KWANGE. Irukira Hali NYOWE kandi oyesereke. Akabi kali buli hokakuhindikira. Omunyanzigwa setani alimu kurororora noha owaralya. Otageza okusiisa akasumi nakamu otali na RUHANGA wawe. Ndabura abantu habwokuba ngonza. Busaho nomu agonza nkanyowe. Onu nuwe MUKAMA wanyu kandi OMUJUNI Wanyu.

Matayo 7:21-23 Omuntu wena anyakungambira ati; Mukama wange, Mukama wange, tali ugu alitaha omu bukama obwomu iguru; baitu ugu anyakukora Isenyowe ali Omu iguru ebyagonza. 22 Baingi balingambira ha kiro kiri ngu Mukama waitu Mukama waitu, tutagambire omu ibara Lyawe? tutakole byamahano bingi omu ibara Lyawe? 23. Nyowe ndibagarukamu ningamba nti Tinkabamanyaga inywe; murugeho nambere ndi, inywenabakora ebyokwema.

Obutumwa obuherezibwe Susan kuruga hali MUKAMA, kyabalaza okwamunana, 26, 2019.

Nkinu ekigambo: Baana obuire tibuli aha rubaju rwanyu. Mutekwa kwetekaniriza ekintu kyona ekisobora okubaizira. Baingi muno balimu kugenda omu gehena bataine nokurabura kwona. Kinu nikisobokera kimu kakusinga oba otarukumanya. Osobora okwesanga iwe wenka olimu kuhungurwa omu gehena kakusinga oba otemeriire kurungi omu kuhikirra na RUHANGA wawe. Habwaki oyeteka wenka oti aha butengenene habwebirarugiramu? Habwaki oteka omwoyo gwawe aha butengenene nkobu obwamani muno? Obuire bulimu kuhwayo habwabo abarukwetaga Okujunwa KWANGE hamu nenkoragana NANYOWE. Ensi nezooka nkeyetaine buzibu-baitu byona tibiri kurungi.

Iruka bwangu, otakererera habwokuba embeera yobutetekaniza niyo esobora kuba embera yokusembayo eyoraaba olimu kakusinga mba nyizire kandi nkakusanga otajwaire egandurra eyehikire. Kakusinga eganduura yawe eraaba eine ebitonyezi, hamu nebitarabamba, tokuija kuba oyetekanirize okufwa okwabwangubwangu okutanihizibwe rundi aha kasumi ako obundagaruka okwetamu ABANGE. Muije mukole okwegarukamu okwokwetonda habwebibi byawe byona ebyenyuma kandi okalize kimu okwetaaga kumanya, NYOWE kuraba omu kunseera ekiro kyona busaho muhanda gundi gwona. Mumpereze byona; omutima, omwoyo, ebitekerezo kandi nomukumalirra kwa byona nga kukwebembera nkutwale omu kuba kurungi.... Onu nuwe MUKAMA RUHANGA wawe owanyakuine engonzi ezitahwaho habwabe. Amina kandi amina.

Yeremiya 31:3 Mukama akambonekera omu biro byaira nagamba ati Ego, nkugondeze nokugonza okutalihwaho: nikyo nakucundire nembabazi.

Obutumwa obuherezibwe Susan kuruga hali MUKAMA , KYASANDE, Okwamwenda,1,2019.

Hati leka nkuhereze ebigambo:Baana; omunyanzigwa nayenda kubatwara kubaikaza. Nayenda okukwata kusiba omutima gwawe habintu ebikuhakaniza nokurwanisa RUHANGA wawe. Ekigendererwa kye kiri okukuibaho omutima gwawe hamu nebyokwegomba kwawe kwona habwabyona ebinkwemererra:oburukwera,okuhiki'rra, okuhikirra hamu n'engonzi. Omunyanzigwa nayenda okubiiha abahondezi be omu kuikiriza ngu emihanda ye niyo nungi okusingayo kandi ngu emihanda ya RUHANGA teine makuru kandi yobusiru. Pulani ye eri yokubateeka aha muhanda ogugazi, okugalihire hamu nahabwainywe okugwa omu gehena eyebiro n'ebiro. Okwegombakwe kuli okuiba,okuita hamu nokuhwerekereza.

Okusembera muno haihi na RUHANGA wawe kuraba omu kwehayo , okwegarukamu okusera emihanda YANGE, okusoma ebigambo BYANGE hamu nokubiikiza hansi okugonza kwawe habwokwenda kuba omu Kugonza kwa ISIITWE habwokuiikiriza omuhendo ogwasasuirwe habwomusaraba ogwa YESU Nigwo omubazi gwonka okukutamba obufu bwamaiso obwensi hamu nokubihwabihwa kwa setani. NYOWE NYENKA, RUHANGA wawe, ninyowe nsobora okukusika kukufwora wobugabe kuruga ha kwohebwa kwomunyanzigwa kurora nokwariwa omu kibi hamu nokuhwerekereza kwakyo.

Muntuki owatasisire? Noha owasobora okugamba ngu tasisire? Boona basubirwe ekitinisa kya MUKAMA kandi bairuka bonka batali na RUHANGA wabo. Kiri habwokuiikiriza iwe wenka ngu obwomeezi bwawe bujiure ekibi kandi ngu nomutima gwawe gwairaguzibwa kandi nokuikiriza ngu noyetagisa OMUJUNI huwe wenka owakusobora okukusumurraho enjegere zawe nubwo osobora okutaisulizibwa kuruga omu mutego ogutegerwe omunyanzigwa wawe. Nyizire okusumurra abasibe kubafwora bobugabe hamu nokubahereza OBWOMEZI OBUTAHWAHO.

Tiharoho OMUHANDA GUNDI GWONA. NINYOWE MUHANDA. Mubiikize hansi ebigendererwa byanyu ebyokusisa mubiteke aha bigere BYANGE. Muteeke obwomezi bwanyu omu mikono YANGE kandi teeka omwoyo gwawe omu kurorerwa KWANGE. Busayo ENGONZI zindi zona oihireho EZANGE Ezisobora okubajuna okubatwara omu businge obutahwaho omunsi enu hamu nensi endi eyerukuija. Ntekereho omuhanda. Ija orubaire omu MANANU GANGE.

Luka 4:18 Omwoyo gwa MUKAMA guli hali NYOWE, Baitu akansesaho amagita okutebeza abasege ebigambo ebirungi,Akantuma okutebeza okulekerwa hali abanyankomo nokuigura amaiso gabafu bamaiso,okulekera abasasanguirwe.

Abarumi 3:23. Baitu bona bakasisa kunu tibahikire ha kitinisa kya Ruhanga.

Obutumwa obuherezibwe Susan Kuruga hali MUKAMA , Kyasande, okwamwenda ,8,2019.

Mbunu obutumwa obwa kiro, kinu: Baana onu nuwe RUHANGA wanyu akubaza;mutagurukyagurukya. Ensi erimu kwehinduliza. Ekiirima kirimu kurumba ensi. Mbalize kinu kumara emyaka nyingi muno hati kandi hati mulimu kurora kiki ekinasoboroireho mubuijire omu kitabu KYANGE-ensi eyenyakuhabire-eyenyakuli omungonzi nomunyanzigwa WANGE,etaire amaiso gayo hali ekibi. Omusaija wekibi nafuga omu nsi. Nyikaire ninyetegerezibwa omu butumwa BWANGE,ngu ensi erirora obuure bwomuhito nakaimukirro akamaani muno,enaku hamu nokuhwerekerra.Abantu bakuhondiire ekibi kandi banga okuhikirra hamu noburungi bwa RUHANGA. Bunu buli buire obwemutima yekiirima hamu nekiniga kyomunyanzigwa WANGE Owarukwenda okuletaho akavuyo omunsi. Okwegomba kwe kuli kwenda kutwara baingi muno nokukikusoboka hansi hamu

nokubebembera kubaiha omu mananu kubatwara omu bisuba hamu nomumihanda eyokuhwerekerra. Bunu tibuli nibwo obuire obwokuikarra ahangaro zawe, otekwa okuija hali NYOWE habwokutunga okujunwa Kwawe,okutunga okuganyirwa habwokutunga omutima ogwezibwe,okukizibwa hamu namananu.Otekwa kuija hati okuijuza etabaza yawe namafuta. Naga kuli ebyokuhamba bya bindi byona .

BUSAHO KINTU kyona ekinyakuli kyomugaso muno kuingana OKUHIKIRRA na RUHANGA wawe. Tikiri kirungi nakamu okuba aheeru yokugonza KWANGE rundi okutaba nekigambo KYANGE. Kyobuzibu muno okutekereza ngu osobora okugenda wenka kunu omuirima gulimu kutahamu omunsonda ina zoonza ezensi. Tosemeriire nakamu kuba nenyikiriza ngu torukwetagisa etabaza eyenyakuijire amafuta. Otaine etabaza eyenyakuijire , tokuija kuikirizibwa okutaaha omu bukama BWANGE oburungi." Nsobora kuijuza nta etabaza YANGE"? Nohabuza? Ija hali NYOWE Nengaro nsa oyetekaniize okutunga byona ebinyine okuhereza. Biikiza hansi ensi hamu nemihanda yayo yoonza. Kingura omutima gwawe,leka mbe wawe byona mu byona. Ninyenda enkoragana eyekukira enkoragana eya haiguru. Tihabobora kubaho enkoragana eya haihi muno kakusinga oteeka ebindi byona mumaiso GANGE.

Osobora ota malikwo kugeza okamanya obworaba otanyiniire obuire? Haroho emigisa eyokuha abo abanyakuija Munda haihi NANYOWE. Ija otunge byona ebimbainiire. Engonzi ZANGE ziija kuigusa omwoyo ogwenjara hamu nomutima ogweiroho. Leka mboleke ensonga habwaki mwahangirwe. Mukahangirwa habwokunyumirwa KWANGE OKURUNGI hamu nokuba omuhimbo ogwatekerweho mumaiso GANGE,obunabafwiriire. Hati bunu niyo esaaha eyokumanya RUHANGA wawe. Otalinda. Okulinda muno kusobora okubaletereza okulemererwa hamu nokugwa ebiri nebiro. Bunu buire obuzibu muno, nimwetagisibwa okubutwara nkekikuru muno. Mukomemu omuhanda GWANGE omurungi ogutaine buzibu , omuhanda ogufunda. Ngya kugenda nkuhimbiriire hona hona kakusinga orayehayo hali NYOWE. Leka ebigambo binu bibembere nibibatwara omu kuba kurungi. Mukomemu RUHANGA wanyu , baitu mwanguhe, obuire tibuine owubulinzire nomu. Engonzi ZANGE ziija kubemereza, leka nyijuze etabaza yawe. Ndi RUHANGA Owebintu ebingi muno mubuijire.

Matayo 25:1-10 Omu biro ebi, obukama obwomu iguru bulisisanizibwa nka baisiki ikumi,abatwaire etabaza zabu,nibagenda okutangi'ra omuswezi. 2. Baitu abatahi babu abatano bakaba bali badomadoma ,nabatano bakaba bali bamagezi. 3. Baitu abadomadoma obubatwaire etabaza zabu, batatwale namagita. 4. Baitu abamagezi bakatwara amagita omu nsale zabu hamu netabaza zabu. 5.Kandi omuswezi obuyaikaireyo bona bakahungira, nibaguijagira. 6. Baitu ekiro omu itumbi,haroho obwogo ngu Dora omuswezi naija, muturuke okumutangi'ra. 7. Abaisiki bona nubwo baimukire,basemeza etabaza zabu.8Abadomadoma bagambira abamagezi ngu mutuhe ha magita ganyu;baitu etabaza zaitu zazima. 9. Baitu abamagezi bagarukamu, nibagamba ngu rundi tigatumare, itwena nainywe:hakire mugende hali abarukugura mwegu're. 10. Nabo obubakaba bagenzire okugura, omuswezi yaija;nabo abakaba betekanize bahingura nauwe omu bugenyi obwobugole:orugi rwakingwaho.

Obutumwa obuherezibwe Susan kuruga hali MUKAMA Kyasande, okwamwenda, 15,2019.

Kinu nikyo ekigambo ekya kiro kinu. Otatuntura. Oihireho Teeka amaiso gawe hali MUKAMA wawe huwe wenka owakusobora okucungura omwoyo gw'omuntu kuruga omu busibe. NYOWE nyenka ninyowe nkusobora okukutwara omu kuba kurungi kuruga omu nsi enkambu eyekubonereza eyenyakusigamiire aha kuhwerekereza kwawe hamu nokuruga aha munyanzigwa omubi kandi owakuhwerekereza. Oine omunyanzigwa owarukukwendeza orufu , orufu orwebiro n'ebiro. Nagendagenda naserra oha owarasobora okuhwerekereza hamu nokuleta omu kumalirwaho kimu. Amanyire omuhanda ogukugya omu kuhwerekerra kandi aguragirra abantu okugugendamu buli kiro. Emihanda nyingi muno etwara omu muhanda ogugazi okukutwara omu kuhwerekerra okutahwaho. Oragwa omu mitego ye kandi oirukire omu pulani ze? Haroho

omuhanda ogukuturukya.Omuhanda GWANGE nigwo muhanda gwonka ogwokutorokeramu omuhito ogulimu kuija. Omuirima guli harulengo rwahaiguru muno hati, baitu hatali ekintu kyona nkekikuisana ekirimu kuija omunsi yona. Otafwolebwa musiru. Omuntu wena owatakomamu kurubatira aha muhanda ogufunda aija kulibwa kandi amarweho ekibi hamu norufu nirwo ruija kuba emaliira yaye.

Kinu tikiri kigambo ekikambu. Ekigambo ekikambu nikyo ekisuba;ngu tiharoho omuhanda ogugazi ogukutwara omu gehena. Ebigambo ebikusingayo obukambu ebikubonereza nibyo ebyo ebibiha ebisuba hali okubaho kwekibi,omurro gwagehena,hamu nekiirima ekitahwaho;endimi ezikubiiha,hamu neminywa eyekingirwe eyenyakubiiha kandi ekatanga amazima gekigambo KYANGE okurabura ngu gehena eriyo kandi ngu baingi bagigendamu. Nobukiraba ngu hati nikinyuma muno obutahurra hali gehena, ebizibu ebikurugirramu hanyuma byamaani muno hali abo abanyakuine enyikiriza ngu tihaliyo gehena hamu nokufubirwa habwokwanga RUHANGA.Entaama zirimu okuhabisibwa,nizibihwabihwa,kandi nizimibwa amananu habwokuba abebembezi bazo nibegomba muno okufwora ebintu ebikunyuma nukwo binyumire entaama. Okubiihabihwa entaama ZANGE kuraba omu kubihwabihwa hamu nebisuba kiija kuleeta ebifubiro ebyamaani ebikuru hali abo abanyakubaire batekerwemu obwesigwa okuhereza ejiri entaama. Ekibonerezo ekyamaani muno kirinzire abo abanyakwebembera nibahabisa abato .

Ebigambo byabo biri nkobwoki baitu endimi zabo ziri nkenwa ezikubaza ebisuba hamu nokwatura ekibi. Otageza okuikara nambere hatali okurabura hali gehena rundi nambere bakutembya enjiri yokwegarukamu. Busaho muntu nomu owakuija kusangwa asemereire okutwarwa oihireho ogu owanyakunabize eganguura zaye omu musaahi GWANGE Kandi yazisemeza yazeeza eganduura ze nekigambo KYANGE. Omuhanda GWANGE nubwo oburukwera kandi nemihanda endi yoona eija kuleeta okufwa okwomumwoyo mubanze munseere kubanza haiguru yebindi byona kandi muije omu kumanya omu kaikaro akensita , kandi ngya kubahereza amaizi agahikiriire agokunywa hamu norwoya oruhyaka okuikya. Ija bwangu,otageza okuleka obuure bwona okukyrabaho kukutorokaho omungaro zawe obu otali na RUHANGA wawe. Buli Saaha yona eri yomuhendo. NINYOWE MUKAMA OWATAHWAHO.

Abafiripi 4:6 Mutatuntu'ra na kake, baitu omu kusaba kwona nokwesengereza hamu nokusima mumanyisege ebimuse'ra hali Ruhanga.

Abarumi 3:13 Omumiro gwabu kiituro ekyasamire:Nibabiihabihwa nendimi zabu;obusegwe bwencwera buli omunda yeminwa yabu.

Obutumwa obuherezibwe Susan kuruga hali MUKAMA waitu, kyakataano , okwamwenda,20,2019.

Onu nuwe MUKAMA wawe owalimu kubaza. Esaaha niyo enu okutekaniza. Ensi egumizemu okwanga kwikiriza ngu okuija KWANGE kusobora kuba kuli haihi muno. Bagonza ensi hamu nekibi kyabo. Baija kuhunirizibwa muno obu pulani ZANGE zirasukurwa zikahikirra kandi nebigambo BYANGE bikahikirra.Ebigambo BYANGE bya boona abo abarabihurra bakabigejderaho bakahahurwa. Bataito nibo bahurra, bataito baikiriza,bataito muno. Abo abatabiroho nokubibaho batakunyumirwa nakamu nibo nokuba abakwetwara ngu bamanyire. Nibo abebembezi bentaama ZANGE. Balimu kubebembera nibabatwara omu gehena. Amaiso gabu tigali hali NYOWE, baitu gali hantaama . Bali " abakusemeza abantu" hatali " abakusemeza RUHANGA". Bagonza muno okutunga empeera kuruga hali abo abanyakubetoroire , baitu tibafwayo hali empeera ezinyakuhikire ezomu iguru. Empeera zabu ziija kuba zomubwomeezi bunu kandi nokufwerwa kwabo kuliba kwamaani muno. Otageza okwekambira ensi enu eyerimu busa, etainenu kantu. Tunurra RUHANGA Wawe, NYOWE nyenka NINYOWE manyire omuhanda ogwokugenderamu. Mutaine NYOWE, muija kuhwerekerezibwa. Muije musembere haihi mumanye RUHANGA Wanyu, ndi MUHANDA OGWOKUTOROKYA kuruga omwebi byona ebyomuirima. Ebyokugezesa biija kuija, baitu omusana GWANGE guija kukwebembera gukutwale omu kuba kurungi.

Yohana 10:11-15 Ninyowe mulisa omurungi ;omulisa omurungi ahayo obwomezibwe habwentama.12.Anyakulisiza empera,atali mulisa entama zitali ze wenka obwarora enyamaiswa nija ;asiga entama nairuka ;kandi enyamaiswa ezisahura ezitabaniza.13.Airuka baitu wempera ,kandi entama taziroho.14.Ninyowe mulisa omurungi:kandi Nimanya ezange;nezange nizimanya nyowe,nka Isenyowe okwarukumanya nyowe, nanyowe okundukumanya Isenyowe;nanyowe mpayo obwomezi bwange habwentama.

Obutumwa obuherezibwe Susan kuruga hali MUKAMA kyasande okwamwenda 29,2019.

Ego, nyine ekigambo kya kiro kinu: Baana esaaha eri hanu eyokurubata okwamaani muno okwekiirima omunsi. Engeri ensi negumizamu okurubata nendugaho, NYOWE RUHANGA OWAMAANI GOONA nkomulinzi wayo, owamananu hamu nokubumbatira enkora ezidi zoonza "ezamananu" nubwo hati ensi nayo eija kufwoka kyokulya hali ebisuba binu engeri ekiirima kiraba nikigisweka. Mutekwa kusaba okuswekwa nomusaahi GWANGE, ekigambo KYANGE, amananu GANGE Hamu nobutabihwabihwa omu saaha enu eyekererirwe. Okubihwabihwa kuingi muno kulimu kuimuka okubaita amaiso hamu nokubahabya. Abaana BANGE , balimu kuhondera ebigambo ebigwire nkabafu bamaiso ;okuhondera enyegesa ezigwire;enyikiriza ezigwire;amakanisa aga koya koya;abebembezi ababuzire, emisega eyenyakuli omu byoya by'entama;abanabi abebisuba;abamalaika ababi abomusana,emihanda emibi eyekirima eyekuzooka nkeyamananu;Osobora ota okuba kurungi omu buire nkabunu? Mumpondere NYOWE. Muirukire hali NYOWE. Mweheyo hali NYOWE. Musabe okutunga okwahukanizamu obuire bwona.Runu rutaro. Omunyanzigwa ali aheeru okubahwerekereza kandi nomwoyo gwawe gwonyini, nagwo guli aha munzani. Baingi muno balengaho okwekwatiramu kinu bonka. Tikisobora kukorwa. Abo bonka abanyakukwatiriza emyoyo yabo hali Omwandara ogugumire nibo baija kuba kurungi. Ndi MWANDARA OGUGUMIRE. Kakusinga otanseera Bwangu muno,osobora kwesanga watagurwa bwangu ebiyaga byekibi rundi nosanga watwarwa ebingonzi byenyegesa ezibi. Tolimu kurubatira ahaitaka erigumire kuhikya holikaizira hali NYOWE omu kwehayo OKUIJUIRE kandi okaija okatahamu okaba haihi muno ANYOWE obuire bwona. Gunu tiguli muzaano baana BANGE.

Omunyanzigwa nayenda omwoyo gwawe okuguhwerekereza hamu nokukuleeta omu kuhwerekerezibwa okwebiro ebitahwaho.Mutekwa okutunurra hali obuire obumulimu kuikaramu,engeri buli bwomuirima kandi bulimu kweyongera omuirima buli kiro. Amagezi gasobora kusangwa omuli NYOWE nyenka. NINYOWE MUHANDA GWONKA ogwokutoroka-emihanda endi yoonza eija kukuhabya. Ija hati hali NYOWE kandi oseere okumanya omu nkoragana eyamaani muno nkeyokusookera kimu ekyahaiguru muno. Oihireho okuba haihi muno ANYOWE kunu, oli mukuburanganizibwa kandi kyokulya ekyanguhire muno ekyomunyanzigwa WANGE. Ebigambo binu biherezibwe habwengonzi,kandi nokurugira kimu hali OGU OWAKUBAGONZA muno kusingayo.Mubihulirizege,nkezaabu. Muhendoki ogwosobora okuhwereza Omwoyo? Busaho muhendo gwona ogwokujunwa kuruga omu gehena. Kinu kisobora kubarwa kita? Hindukira MUKAMA wawe, obuire butakabaire kuhwerayo kimu. Busaho nomu anyakuine obusobozi habwomeezi bunu. NYOWE nyenka Manyire enamba yebiro ebyobwomeezi bwomuntu. Okurabura KWANGE Kusigamiire aha ngonzi. Leka okurabura kunu kubaimukye kandi kubatwale omu kukora. Onu nuwe MUKAMA wanyu , OWAGONZA.

Matayo 7:25 Nenjura yagwa nemigezi yagera, nekiyaga kyatera nibitera enju egi:(enju)yagwa :nokugwa kwayo kukaba kuli kwingi.

Luka 21:36 Baitu inywe murolege bwona, musabege,musobole okukira ebi byona ebirihiki'ra nokweme'ra omu maiso Gomwana womuntu.

Matayo 7:14. Baitu irembo lifunzire nomuhanda nomuhanda ogutaha omu bwomezi muke ,nabo abaguzora bake.

Obutumwa obuherezibwe Susan kuruga hali MUKAMA,kyasande,okwaikumi ,6,2019.

Leka tutandike. Ensi erimu kubarukabaruka habwa amaani gekibi. Ekibi buli bulemeezi obwingi muno hali abo abakufugwa ekibi. Busaho kukizibwa hali ekibi oihireho okujunwa KWANGE. Busaho nomu atoroka okusisanga kwobusisi ataine okujunwa KWANGE okwaguzirwe nomusaahi GWANGE. Busaho kukizibwa hali omulimo gwomunyanzigwa omu bwomezi bwomuntu wena NYOWE ntarohe. Abo boona abanyakwomera beyahukanizeho kuruga hali NYOWE kandi batakuseera okwesereka omuli NYOWE baija kubonabona habwebiro ebitahwaho. Baingi muno baikiriza ngu baine ebigarukwamu omulibo. Baingi muno batekereza ngu abasaija abandi nibo baine ebigarukwamu byabo. Baingi baikiriza omuli baruhanga abebisuba nibo babebembere. Ebigarukwamu tibisobora okusangwa omu Kugonza kwomuntu, rundi omunsi, rundi kuraba omu munyanzigwa WANGE.

NYOWE nyenka NINYOWE nkwasire ekisumuruzo ekyoruigi orwokutorokeramu kuruga omunsi eyenyakuijire ekibi. Ekisumuruzo kiri okwehayo,oruigi nirwo okujunwa KWANGE, kandi NINYOWE MUHANDA,AMANANU,hamu N'OBWOMEZEI.Nobukiraaba ngu abantu bahambya okutunga ebigarukwamu kuraba omu miringo nyingi,NYOWE NYENKA NINYOWE EKIGARUKWAMU! Hataroho NYOWE Omumaiso gobwomezei bwawe, toine rugendo hokugenda. Oba olimu kugenda omu muhanda ogugazi ogukutwara omu kufwa , okufwa okutahwaho.Habwobuire, okuikara otali NANYOWE hamu nemihanda YANGE nikizooka nkekikunyuma kandi nkekikwegombesa. Ensi enu nezooka nkeyekusikiriza kandi nkeyenyakuijire okunihiza. Omunyanzigwa WANGE aija kukuikiriza okubaganaho hali ekyo ekikusemeza sensi zawe ,ekikuijuza enda, hamu nekikulenga omwoyo. Aija kukuikiriza obeho nakasumi akokunyumirwa akanyakuija habwokurubatira omu kibi. Baitu haija kubaho ekiro ekyokubara habwabo abanyakukwatangana omungaro na setani. Abamu bahika aha kiro kinu bwangu munoho kukira abandi, baitu abo boona abanyakuhambya ekibi baija kukwasamu gehena.

Kandi nekiro obukikuba kiizire ekyokutunurra RUHANGA boona baija kwetagisibwa okuhereza embalirra yobwomezei bwabo.Obwomezi obutainemu kwegarukamu ekibi , okwehayo hali MUKAMA, okuikiriza okujunwa nomutima ogusemezibwe guhikiriire kuraba omu nkoragana eyamaani muno NANYOWE , buija kuba obwomezi oburamuirwe kuba obutahikire nakamu okuba omu kubaho KWANGE Okwomuiguru. Mutekwa okuhinduka kuruga omu nsi enu hamu nemihanda yayo eyekuzooka nkeyekusemeza nukwo otunge ENGONZI ezihihire, ENGONZI ezitakuinganwa ezindi zoon. Orasangwa ohikire okutoroka ?Orataisura okukwata KWAVE hali ekibi kandi

okahindikira RUHANGA wawe Omu bujiure? Otekwa okukomamu. Maliraki eyenyakukulindiriire?

Kakusinga oikaza okusamarra kwawe hali ensi,kumara obuire buingi muno,osobora kwesanga olimu kweijukya habwobuire bwona. Taisura okukwata kwawe hali ensi eyebiihire kandi eyomuirima kandi oseere OMUSANA ogutageza kuzima. Leka ebigambo binu bicumite bitahire kimu omumutima gwawe. RUHANGA wawe alimu kukweta okuija omuka.

Enfumo 14:12 Haroho omuhanda ogusisana omurungi hali omuntu,baitu empero yagwo mihanda yokufwa.

Abarumi 8:6 Baitu okutekereza okwomubiri nukwo kufa,baitu okutekereza okwomwoyo nubwo bwomezi nobusinge.

Abarumi 8:13. Baitu obumuraba nimwomera habwomubiri, mwagenda okufa;baitu obumuraba nimwisa Omwoyo engeso ezomubiri , mulyomera.

Abagaratiya 6:8 Baitu anyakusigira omubiri gwe wenka,aliges a omu mubiri okujunda;baitu anyakusigira Omwoyo ,aliges a omu Mwoyo obwomezi obutahwaho.

Abafiripi 3:19 Empero yabu kuhwereke'ra,Ruhanga wabu niyo enda yabu, nekitinisa kyabu kiri omu nsoni zabu , nibo barukutekereza ebya hansi .

Obutumwa obuherezibwe Susan kuruga hali MUKAMA, kyasande, okwaikumi,13,2019.

Nginu hanu ebaruha eya kiro kinu.Baana BANGE, Nimbenda Muikaze amaiso ganyu hali RUHANGA wanyu. Busaho muhanda gundi gwona.Okunuga RUHANGA aha kaire kanu kyobuzibu muno. Busaho kiikaro kyona ekyobuzibu obwamaani. Ensi erimu kweyahukanizamu nebumbatira ekibi ahandengo zona. Oihireho engonzi ZANGE hamu nokwekamba KWANGE, timukuija kuba nahokusamba ahagumire. Hansi yanyu haitaka mbere muli haija kudooboka obworaba notekereza ngu osobora kwekwatiramu wenka hataroho RUHANGA wawe.NDI MWANDARA OGUGUMURE.

Kakusinga oba otombekere enju yawe aha MUSINGI GWANGE ogwa'mananu,Oija kusangwa nokyaburwamu obwomunyanzigwa araija nakuseera kandi aija kuija.Nayenda okukwata abaana BANGE Bataine kibamanyire kandi abatwale aheeru bataine kibamanyire. Ekgendererwakye kiri okubabiihabih a hamu nokubakwatira omu mutego. Abweyabweya nebyokwenyumiza ebyomubiri hamu nahabwa kaire kataito ebyokwohebwakwe nibisikiriza hali okurora,okuroza,okukwata,hamu nokutu. Nobubakuba abali koya koya ababuzire bahabisibwe omunyanzigwa owanyakukolesa ibara LYANGE okubiihabih a. Taine nkango yona hakikukwataho hara muno nambere arahika okubateeka omu kituuro hamu nokubasindika omu gehena. Oine enyikiriza ngu

oli kurungi kandi noyesiga omu byokuhambya byawe ebyensi okwombekaho obwomezi bwawe obwomumaiso.

Guli musenyi ogukudikira oihireho NYOWE. Muija kugarurwa hansi habwenschwamu zanyu ezibi kakusinga muba mutampindukiire NYOWE, Obuire butakahoireyo muno. Abo boona abanyakunyanga NYOWE habwokutunga ebigarukwamu kuruga omunsi eyekibi hamu nokukwatangana omungaro n'omunyanzigwa WANGE baija kwesanga bakwatirwe omu kifubiro ekitahwaho kakusinga batahindura orugendo bakwali hagati kandi bakagarukira OMUJUNI wabo OMU OWAHIKIRE. NINYOWE OGWO. Ninyetegerezibwa omuli ekyo ekindukwetaaga kurora ngu nofworwa omuhikiriire habwokutaaha omu Bukama BWANGE;wegarukemu ebibi ebimanyirwe nebitamanyirwe;ikiriza ngu noyetaaga OMUJUNI ,kandi NINYOWE OMUJUNI OGWO, ganyira abandi boona,hayo ebyawe byoona hali obwebembezi BWANGE, kandi osabe okuteekaho okugonza KWA RUHANGA ISIITWE omu kiikaro kyokugonza kwawe.

Yatulira enchwamu yawe abantu abandi kandi osome ekigambo KYANGE kandi oije omanye NYOWE ekiro kyona nkomunywani wawe owakuli haihi omwesigwa kandi nka TAATA OWAKUGONZA. Mutaine NYOWE hamu nokwehayo okuijire hali NYOWE timukuija kumanya omuhanda-NDI MUHANDA:ENGONZI EZIHIKIRE, ENGONZI ezitakuisana nkezindi zoona. Kinu nikyo Ekisembo ekimpereza abo boona abanyakutaaha omu kubaho KWANGE. Otageza kweteeka habunkenke bwokugwa omu bwomeezi bunu. Mwimuke , bantu BANGE, Obuire bulimu kuiruka nibuhwayo. Omusaahi ogunasesire aha musaraba nugwo omulingo gwonka oguhikire ogwokusasulira ebibi byanyu hamu nobutahikirra bwanyu omumaiso ga RUHANGA ARUKWERA.

Okujunwa kuroho baitu nyina hokukangira hali okulinda KWANGE habwanyu kuhinduka mukanga ensi eyekibi. Muchwemu. Enchwamu eri yanyu kukora. Onu nuwe RUHANGA owokugumisiriza hamu nokugumisiriza muno.

1 Samuri 2:2 Busaho ondi arukwera nka MUKAMA ;Baitu busaho ondi, rundi iwe wenka. Kunu busaho mwandara ogundi okusisana na Ruhanga waitu.

Yohana 10:10 Omusuma taija, rundi okuiba,nokuita, nokuhwerekereza:NYOWE nkaija zibe nobwomezi,kandi zibe nabwo obuingi.

Luka 16:13 Busaho muiru asobora okuko'ra bakama babiri,baitu alinobaho omu nagonzaho ondi;rundi aligumira homu nagaya ondi.

Obutumwa obuherezibwe Susan kuruga hali MUKAMA , kyasande,okwaikumi , 20, 2019.

Binu nibyo ebigambo bya kiro kinu;Esaaha ekereriirwe,munoho kukira engeri okutekereza. Omusaija omubi alimu kukura mubukooto nomunsaro. Enobi yomuntu hali RUHANGA erimu kweyongera buli saaha. Noberwe hali endengo nyingi:ensi yabakafiiri tekumbaramu magezi nakamu. Ekanisa YANGE eya koya koya nayo ekanoba kandi nerolerra ka ruhanga akanyakuli koya koya akeyekoliire. Ekanisa enu terukwenda RUHANGA owahikire,baitu neyenda ruhanga owakugenda nenyikiriza zabo ezobusiru hamu nokusobora kwabo okwa baibuli.

Bali ekanisa eyenyakutaire amaiso gayo ahamitwalize yabantu hatali hali RUHANGA OMU OWAHIKIRE. Bataito muno bonka nibo babumbatira bakakwata amananu. Banu nibo abanyakunseera habwokutunga AMANANU GOONA kandi nibanyendera kimu nyena kandi baimukya ekigambo KYANGE kurugira kimu omukutandika kuhikya aha kumalirra nkomulimo oguhoire kandi hatali okukomamu bukomamu ebyo ekikusemeza amatu gabu hamu nokuhindura kubi ebigambo okuigusa okuroza kwabo. Nihaija kuija okutengesizibwa hamu nokulengesebwa kwabo abanyakuli koya koya nkokukitakahoga kara obubarasigara Okuikiraniza nomuhakaniza wa Kristo,hanyuma yokuihwamu kwekanisa eyehikire.Ekanisa enu eya koya koya nobukiraaba ngu yamaani muno omubuingi eija kusangwa eri ncheke mumaiso ga setani habwokuba tibainiire kimu OMWOYO WANGE kandi tibainiire kimu amaani gonyini.

Baija kwegu omu mulingo ogugumire ensobi yenkora yabo omu kubumbatira ensi eyekibi omukiikaro kyokuhereza RUHANGA wabo OMUHANGI okwehayo okuijire. Esaaha enu erimu kuhika engeri omusaija omubi alimu kweyongera kandi nekanisa eya koya koya erimu kuhamya buli nyegesa yona eyebisuba eyekusagika okuhamya kwabo okwensi. Nsobora nta okuhereza omugisa ekibi kinu? Tinsobora. Ekanisa enu eyenyakubuzire eija kurozaho ekiniga KYANGE hamu nokuramura KWANGE engeri kikakasibwe. Abo bonka abanyakunseera batiize amaju gabu kandi nibampindukira habwokutunga ebigarukwamu byabu nibo baija kusangwa bahikire okutoroka.

Ija hansi yokuswekwa kwomusaahi GWANGE-ikiriza omuhanda gumu gwonka oguhikire- omuhanda ogufunda ogunkozire. Hungura kuli ekibi kandi oirukire omu kuhikirra . Busaho muhanda gundi gwona ogukugya omu bugabe. Wegarukemu kandi oije omany RUHANGA wawe nomara obuire oli NANYOWE. Wechwaho ebikusikiriza ebikubyalirweho omunyanzigwa WANGE kwenda akuhungule akuihe aha muhanda. Abakukira obuingi tibatoroka kuruga aha muhanda ogugazi.

Otetekerezamu kuba oli mugezi muno okwehara setani otaine NYOWE. Tinsobora kweharwa. Ensi esobora kuzooka nkeyekunyuma habwakaire -byona ebyekibi kikora habwa kaire nukwo hanyuma eija kukwehindukira kandi ekuhwerekereze.Abo bonka abanyakuli nkabaana abato nibo baine amatu agokuhurra amananu. Abazaahire bonka abachwekere nibo betekanirize amananu goona. Okuchweka kurugirramu okujunwa. Okujunwa kurugirramu okwehayo.

Okwehayo kurugirramu enkoragana eyamaani. Enkoragana eyamaani eretereza obwomezi obutahwaho oli omungaro za RUHANGA. Irukira hali NYOWE hati ekigere kyawe nikikyasobora okukuhimba. Mpuliriza obwamatu gawe nigakyasobora okuhurra. Wegarukemu obwakanwa kawe nikakyabaza. Tunurra hali NYOWE engeri amaiso gawe nigakyarora. Onu nuwe MUKAMA wawe owalimu kukweta okuija omuka.

Okusukururwa 3:13-19 Anyakuina okutu ahu're Omwoyo ekyagambira ekanisa. 14.Kandi hali maraika wekanisa eyomu Laodikiya, handika oti :Nibyo agambire ugu Amina,kaiso wokwesiga owamazima,okubanza okwokuhanga kwa Ruhanga, 15. Ati Manyire emirimo yawe, nti tofukire, kunu torukutagata:kuba ofukire,rundi otagasire! 16. Nukwo obwokutagata koya koya, Kunu torukufuka kandi torukutagata ningenda okukutanaka omu kanwa kange. 17.Baitu ogambire ngu ndi muguda, kandi ntungire bingi,kunu tindoho ekindukusega;kandi tomanyire ngu oli munaku, kandi wobujune,kandi wamasege,kandi omufu wamaiso,kandi oli kwonka:18. Ninkuhabura amagezi okugura namberendi zabu enyakusemezibwe omu mu'ro, nukwo obe omuguda,nebyokujwara ebirukwera nukwo ojwale, nensoni zawe zokuba kwonka zireke okurorwa;nomubazi gwokusiga ha maiso gawe,nukwo ohweze.

Obutumwa obuherezibwe Susan, kuruga hali MUKAMA kyasande,okwaikumi , 27,2019.

Ngya hati kutaisulira abantu Ebigambo BYANGE. Baana bogwo OWAHAIGURU MUNO KUKIRAYO. Ndimu kweta abaana BANGE okuija hali NYOWE. Bunu nubwo obuire obwokuija okwetekaniza iwe wenka hamu neganduura zawe,okuzogya kwera omu kigambo KYANGE hamu nahabwomusaahi GWANGE ogutahwaho. Busaho mulingo gundi gwona ogwokwetekaniza oihireho okuikiriza omuhendo ogunasasuire habwokucungurwa kwawe.

Otekwa okuchwamu omu mutima gwawe ngu NINYOWE MULINGO GUMU GWONKA kandi mutaine NYOWE, busaho bwomezi bwomumaiso.NDI KUNIHIRA kwonka hali abantu ababuzire. Ebyokukora ebindi byona nibitwara abantu omu gehena. Ndi butunu butunu omu mananu GANGE hali esaaha eyimulimu kuikaramu. Ngenzire hara muno omunziha okubarambikira omu bujiuire ebintu bingi muno ebyosemeriire kuba norora hati aha kaire kokuija KWANGE okucungura ekanisa YANGE,ekanisa YANGE eyerinziire kandi eyekurora.

Mperiize oburorwaho bwingi muno hamu nebikwoleka nidihi nambere osemerire kuba oli bulindara hamu nomulingo osobora kwetekaniza. Bunu nubwo obuire. Esaaha eyokuba anyakwetekaniize teri hara muno omu buire bwomumaiso engeri abegesa baingi muno abebisuba hamu namakanisa gaikiriza kandi gatembya. Otekwa kukora orukarra rwebintu orwobwomezi bwawe. Nooha owohereza? Buli omu wena aine

omukama owahereza. Ohereza omunyanzigwa WANGE rundi noyegomba okumpereza,OMUHANGI wawe? Otekwa kukomamu.

Abo abatakora enchwamu baba mananukwo bakozire envhwamu. Habwobutakomamu NYOWE, enchwamu eri y'omunyanzigwa WANGE. Otafworwa musiru. Tosobora kuhereza bakama babiri. Ekanisa eya koya koya eyebuzire eine enyikiriza ngu esobora kuhereza abakama babiri ,baitu babuzire kandi balimu nokuhabisa abandi nentekereza yabo eyeguire. Bali bahereza ba setani kakusinga baraba nibaikiriza ngu basobora kuba nenkoragana NANYOWE hamu nensi hamurundi gumu.

Ensi eri munyanzigwa hali NYOWE, hamu nabo abanyakuhamba emihanda yensi kunu nibagamba ngu bamanyire babihahirwe muno kandi babuzire omumwoyo. Rugayo omunsi. Turukamu orugeyo kandi oyeyahukanizemu kuruga hali ebyo byona ebyensi ekukiikira. Osobora ota kuba oyetekaniize okwemerra mumaiso GANGE obworaba okyalimu kuhondera emihanda

Yensi? Omutima gwawe tigusobora okuhamba ABAKAMA babiri. Ndi RUHANGA WEIHALI kandi tinkuija kubagana OMWOYO WANGE nabo abakugira ngu basobora kuba hagati yobukama bubiri. Abaine emitima ebiri tibatekaine omu mihanda yabo yona kandi babaliza omu mbaju ibiri zoona ezeminwa yabo. Abo ABARUKWERA bonka nibo baija kugwetwa obukama , hahwokuba abo abanyakuine endora yemiringo ebiri tibasobora kurora amananu. Bafu bamaiso hali ekigambo KYANGE,kandi N'OMWOYO WANGE tasobora kubasukurra ebintu bya RUHANGA ebyomunziha habwokuba baine ebikokwa kandi tibasobora kurora.

Mutekwa kuhayo ebyanyu byona, mwegarukemu habwokuba babi, kandi museere RUHANGA wanyu,ekiro kyona. Ninyetaaga okuba haihi ngana nainywe omu bwomezi bunu. Ngya kuba haihi muno yabaana BANGE omu iguru, nahabwekyo ndimu kuseera abo abakwegomba okumanya omu bwomezi bunu. Muhandaki ogumurakomamu? Ogufunda ogwenkoragana na RUHANGA rundi omuhanda ogugazi ogukugya omu kuhwerekerra mutali na RUHANGA owamanyire byona -, ENGONZI,hamu namananu. Esaaha yanyu eyokuchwamu esobora kuhwayo kiro kinu. Okulindaho kwehayo hali RUHANGA kisobora kuba nebibu ebikurugirramu ebitahwaho.

Muija kundeka mutaine enchwamu baitu kugagambira bugambira ngu murugeho namberendi kakusinga mutankomamu. Muije mumanye muno muno engeri enu eri saaha enzibu muno kandi bingi muno biri habutengenene habwabo abanyakunyehakana.Himba omusaraba gwawe kandi ompondere.

Yakobo 1:8 Omuntu owemitima ebiri,atarukugumira omu mihandaye yona.

Matayo 7:21-23 Omuntu wena anyakungambira ati Mukama Wange mukama wange ,tali ugu alitaha omu bukama obwomu iguru;baitu ugu anyakukora Isenyowe ali

omu iguru ebyagonza.22.Baingi balingambira ha kiro kiri ngu Mukama waitu, Mukama waitu,tutagambire omu ibara Lyawe?tutabinge mizimu omu ibara lyawe?tutakole byamahano bingi omu ibara lyawe?23. Nyowe ndibagarukamu ningamba nti Tinkabamanyaga inywe: murugeho nambere ndi, inyweni abakora ebyokwema.

Yakobo 1:6 Baitu asabe omu kuikiriza atarukugurukyagurukya ;baitu anyakugurukyagurukya nasisana nkekigonzi ekyenyanja ekinyakutwarwa ihunga nikicundwacundwa.

Obutumwa obuherezibwe Susan kuruga hali MUKAMA , kyasande, okwaikumi nakumu.

Nkinu hanu ekigambo ekyabaana ekya kiro kinu. Baana BANGE, nimbenda mube mutaire amaiso ganyu hali NYOWE. Busaho nomu owanyakuli nkanyowe.NYOWE NYENKA nkahanga ensi nebyo byona ebigitimu. NINYOWE OMUHANGI. Hataroho NYOWE, Obwomezi tibwakubaireho. Okubaho Kwanyu kukaija kuraba omu ngaro ZANGE,omu ntekereza YANGE, omutima GWANGE. Kukomamu kundwanisa kyobuzibu muno. Mulimu kukomamu ebihangwa kukira kukomamu OMUHANGI,.

Mulimu kukomamu ebyahansi kukira ebyahaiguru. Mulimu kukomamu ebitaine mugaso kandi nekibonerezo kyanyu kija kuba kyamaani muno. Abo abanyakukomamu kundwanisa baija kunagwa omu gehena eyebiro nebiro habwokuikiriza ngu haroho obwomezi oburungi kusingaho hamu nomuhanda aheeru yobwomezi obutahwaho noMUHANGI wobwomezi bwona. Busiru bwamulingoki,kunu abakukira obuingi baija kukomamu enyikiriza enu kandi baija kugenda omu muhanda ogugazi ogwokuhwerekerra.

Hati obuire tibukahwerireyo kimu obwokuhindura entekereza yawe obworaba noyenda okuba N'OMUHANGI wawe habwebiro ebitahwaho,ekyo kiri kakusinga oba okomeremu hati. Otagumangana habwokuba esaaha erimu kutahamu eyomunyanzigwa WANGE okulya kumaraho ensi eyenyakumubazaho kubi. Ekigendererwakye kiri okuhwerekereza boona abanyakwemerra omumuhanda gwe okumuhakaniza hamu nemalirra yabyona okuhwerekereza abantu boona. Oine akagisa hati okujunwa kuruga hali ugu, owanyakuija okuita, okuiba, hamu nokuhwerekereza.

Habwaki nogumangana? Oine amagoba goona kakusinga oba oyangire okaruga aha muhanda ogwomunyanzigwa ogwakutekiireho kurubahiraho hamu nokuija aha muhanda ogufunda ogwabataito bazoora. Obuire bugufu. Obuire bwawe busobora kuhwayo nyenkya. Habwaki oteeka habutengenene buli kimu kyona habwokurubahiraho katoito aha muhanda oguroho ebisuba? Habwaki oyeteka iwe wenka omu rukarra rwomurro orwabaingi muno abakubandizeyo abaizire maiso gawe bamazire ira kukora bataine nokunihira kwokugarukaho? Nyinire pulani obwomezi bwawe. Ija hali NYOWE kandi

orole ngu pulani ZANGE Zamaani muno kukira pulani zawe zoonza ezikusingayo kuba zamaani.

Manyire omuhanda ogunyakuli omumaiso, nsobora kukuhereza obusinge omunsi eyenyakuhereza okunihira okwebisuba. Komamu NYOWE, kandi nukwo oyebemberwe OMWOYO WANGE okurubatira omu musana omunsi eyenyakuijire muno omuirima. Nkozire nomuhanda, ninkolesa nomusahi GWANGE gwonyini okuganyira ebibi byawe, ebintu byona ebyokozire oli aheru yokugonza KWANGE. Wagarukemu, ganyira, abandi, hayo ebyawe byona, kandi oikirize Obwomezi BWANGE omunsi hamu nokufwa aha musaraba habwokujunwa kwawe.

NYOWE nyenka nsobora okukuleta omu kitinisa kandi nkakuhereza engonzi omunsi eyetaine ngonzi nakamu. Soma ekigambo KYANGE, kandi oyege omugaso gwokuba omu Kugonza kwa RUHANGA ISIITWE. Ekihongwa KYANGE ekyokufwa kikuikiriza okuba omu Kugonza kwa RUHANGA ISIITWE. Busaho nomu anyakuija hali TAATA, rundi buli arabire omuli NYOWE. Lekeraho okutunurra hali ebihangwa habwokutunga ebigarukwamu kunu NYOWE nyenka NINYOWE nyine ebigarukwamu. Ba'wobugabe osumururwe kuruga hali ensi eyekukwendeza okuhwerekerra hakumalirra.

Ija otekanizibwe engeri ensi enu hati bunu eri hansi yokuchwerwa omusango. Okuchwerwa omusango habwekibi hamu nokurogotana hali RUHANGA. Osobora kwehara emalirra yekiirima, kakusinga okwata aha mukono GWANGE kiro kinu. Ija oikale omu businge na RUHANGA wawe.

Shalom.

Yohana 14:6 Yesu yamugambira ati Ninyowe muhanda, namananu, nobwomezi: busaho aija hali Isenyowe rundi araba omuli NYOWE.

Obutumwa obuherezibwe Susan kuruga hali MUKAMA, Kyasande, okwaikumi nakumu , 10, 2019.

Ebigambo BYANGE mbinu ebyokuha abantu. Baana BANGE, Mulimu kurora engeri ekibi kirimu kuimuka? Abo bonka abanyakuli hara muno YANGE nibo bakomamu okurora kuli ahandi kandi bateka namaani gabu gona hali ensi. Haroho abamu abanyakurora ekibi omunsi bakakimanyirra kiki ekikiri. Okuchwera KWANGE omusango ensi eyenyakuhinduire omugongo gwayo hali RUHANGA wayo, OMUHANGI. Abo abanyakusoma ekitabw KYANGE bamanyire kandi betegereza esaaha eyibalimu kuikaramu hamu nensonga habwaki ebirimu kubaho nibibaho.

Busaho ensita yona eyokumara ahali ensi eyenyakulimu kurugira kimu omumbera. Mperiize abaana BANGE mapu eyokuhondera hali kiki ekyokuroraho engeri ebiro birimu kweyongera kufwoka byekirima hamu nengeri amananu gatakwanguha

kuhikwaho. Tindi RUHANGA owatatekaniza abo abangonza. Buli omu wena owanyakunkomamu kandi akabiikiza obwomezi bwe asobora kwolekwa amananu.OMWOYO WANGE aizira harubaju rwanyu kandi ayambaho abo abakwetaga obuyambi.

Ekigambo KYANGE tikihirwemu , kyaboona abanyakuija okumanya nka MUKAMA kandi NKOMUJUNI kandi abo abanyakugonza emihanda YANGE. Hati muhulirize kurungi muno engeri ekigambo kinu kya buli omu wena owarahurra. Ekiirima kirimu kugwa omunsi yoona. Kirimuhira omuli buli kintu kyona, nobuhakuba ebintu ebyo ebinyakuzooka nkebyange. Tikuli ngu ebintu byona biri nkokubikwisana biri. Mutekwa kuba bulindara. Mutekwa kukora okwehayo okuijire hali MUKAMA wanyu kandi omujuni wanyu,ogwo wenyini ayabafweriire aha musaraba habwebibi byanyu.

Otekwa kuhondera NYOWE nomutima gwawe gwona,ebitekerezo byawe byona,hamu nomwoyo gwawe hataroho kurora bumoso rundi bulyo.Haija kubaho emyoyo eyekubihabiha yona ekwetoroire hati-neyenda okukuiha aha muhanda oguterekerire,omuhanda oguterekeriire. Eija kukulenga kandi ekutizinge nebintu hamu nemihanda yensi. Eija kubanza ezooke nkeyehikire, baitu mubuire butaito muno eija kufwoka yomuirima kandi bwangu ekiirima kija kukwetorora, habwokuba omunyanzigwa , ogwo owakuhagana naiwe aija nka malaika womusana kandi nkomubiihi.Enkoragana Yonka eya haihi NANYOWE niyo eija kukusobozesa okutunga akabazi kamaizo akokwetaga okubaganizamu kwetegereza amananu. Mutekwa kutunga kinu kuruga hali NYOWE,ekiro kyona , habwokuba haihi muno NANYOWE hamu nokuikara omu kigambo KYANGE ekyamananu.

Omusana ogundi gwona oihireho OGWANGE guli gwokubuzabuza hamu nokukwebembera ahansi omumuhanda gwokuhwerekerra. Obworaba hati bunu olimu kurubatira aha muhanda ogugazi ,ija hali NYOWE hati, hayo ebyawe byona hali NYOWE . Ikiriza ngu noyetaaga OMUJUNI,kandi ngu NINYOWE. Ija omu kumanya ekiro kyona hamu nomubuire bwekiro, nkomunywani wawe owa haihi kandi nya kukuhereza amaizi agakwera agokunywa, hamu nokunabizamu amaiso gawe , kandi nya kusukura emitego eyenyakutekerwe omu maiso gawe, kwenda kukugara hansi.

Otayesiga omutima gwawe gwonyini, habwokuba omutima gwomuntu gutaine RUHANGA tigusobora kwesigwa. Boona basubirwe ekitinisa kya RUHANGA, baitu nkaija okuleta obwomezi obutahwaho hamu nokucungura abo abarampindikira, NYOWE, nobuhakuba omu saaha enu eyehoireyo. Ebigambo binu bihikire muno kandi byokubahumuza omu buire obwomuirima- mubihulirize. Mube bulindara kandi murole habwokuija kwa MUKAMA wanyu engeri okuija KWANGE nikusembera Haihi buli kiro. NSIGAIRE NDI RUHANGA OWOBWIRE BWONA. YAHUSHUA HA MASHIACH.

Abefeso 5:25-27 Abasaija mugonzege bakazi banyu, nka Kristo nauwe okuyagondeze ekanisa , kandi yayehayo wenka habwayo;26. Nukwo agyeze,:obuyamazire

okugisemeza nagyogesa amaizi omu kigambo, 27.nukwo agyeretere wenka ekanisa eyekitinisa,etanyina kamogo,nobugwakuba omugonya,nobukyakuba ekintu kyona ekirukusisana kiti, baitu ikalege erukwera etaloho musango

Yohana 3:5 Yesu yagarukamu ati Mali Mali ninkugambira nti Omuntu obwatazarwa amaizi Nomwoyo,tasobora okutaha omu bukama bwa Ruhanga.

Abaheburaniya 10:14 Baitu obwekihongwa ekimu akahikiriza abanyakwezebwa okumara ebiro byona.

Abaheburaniya 13:12 Kandi Yesu nauwe obwokweza abantu nesagamaye wenka,nikyo yabonabonire aheru yomusongo'ra.

Obutumwa obuherezibwe Susan kuruga hali MUKAMA , kyasande, okwaikumi na kumu,17,2019.

Mbinu hanu ebigambo BYANGE. Esaaha erimu kwanguhaho. Musobora kugihurra,musobora kugirora baana BANGE? Ekiirima ekyamani muno kirimu kwetuuma kubetorora. Obumuraba mutakusobora kukirora buli mugwire kuruga aha muhanda oguterekerire kandi hati muli aha muhanda ogugazi. Mutekwa kwikara muli haihi YANGE, hati nukwo nsobole okubahereza akabazi kamaizo okurora omuhanda mumaiso ganyu. Hataroho OMUSANA gwokubaho KWANGE, omubwomezi bwanyu, muija kwetororwa omuirima,kandi haroho obuzibu buli hokakuhindukira.

Tosobora kurwanisa setani omunyanzigwa WANGE okamusingura okamwechwaho otaine NYOWE. Otageza nokulengaho. Ekanisa eya koya koya eyenyakubuzire eine enyikiriza ngu esobora kumurwanisa-huwe akolera omu hagati yabo. Atahire omu buli kintu kyona ekibetabiremu.Hati basobora bata okuba kurungi bataine buzibu hati kunu betoroiwe emisega kandi balinzirwe abapangisa? Baana, okuba kurungi nikusobora kutungwa kakusinga oba OYEHERIREYO KIMU MUBWIJUIRE hali okugonza kwa RUHANGA ISIITWE okukusobora kyonka okusangwa kuraba omu kwikiriza omuhendo ogunagusasulire aha musaraba. Wegarukemu kandi oikirize ngu noyetaaga OMUJUNI.

Oihireho kwikiriza kinu ,tosobora okutaaha omu Kugonza kwa TAATA WANGE,kandi toligeza okuba kurungi otaine kabi. Busayo muhanda gundi gwona. Otageza okubihwabihwa. Ensi neyenda oikirize ngu haroho emihanda nyingi muno eyokurabamu kutaaha omu bukama BWANGE. Ensi eijwire ebisuba hamu nabaingi abanyakwatura kuba bamanyire baitu batamanyire. Osobora ota kumanya owokwesiga kakusinga oba otakozire OKWEHAYO OKWIJUIRE hali RUHANGA wawe? Hataroho okujunwa KWANGE okwaguzirwe nomusahi GWANGE, Hamu nokuikiriza kwanyu ngu NYOWE nyenka nkasasura omuhendo ogukwetagisibwa okusweka obwomezi bwawe obuijuiire

okusisa, hati tosobora kugeza kufworwa omuhikirire mumaiso ga RUHANGA ARUKWERA.

Egandura zanyu ziraguire nkebisasiro nobukiraba notekereza ngu okozire emirimo nyingi enungi. Aheru yenkoragana yawe eyahaihi NANYOWE, hamu nokuhambya kwawe okwa mananu GANGE okwa buli kiro, oburungi bwawe bwona bujanzire kandi oija kusangwa otasemerire okutoroka. Okwehayo okwijuire kwonka hamu nokuhingisa okugonza kwawe habwokuba omu Kugonza kwa RUHANGA ISIITWE kwija kukusobozesa okuba abamu hali abatoito abanyakuli aha muhanda ogufunda. Kora orukarra rwebintu ebinyakuli omumutima gwawe. Omanyire NYOWE? Tuli haihi ngana? Rundi omanyireho bumanya kwonka? Ndakusanga oli ota obwolyemera omu maiso GANGE?

Turaaba tuli nkabanywani abahaihi ngana rundi nkomunyamahanga owa hara muno? Okuba haihi ngana muno kunu nikusigikirra aha nchwamu zanyu. Noserra okumanya kurungi muno nka MUKAMA kandi OMUJUNI wawe rundi okomeremu ensi niyo ekuhumuze? Okuhumuzibwa kwensi kwakacu kake muno. Kakusinga oba noikiriza ngu ensi yonka eija kuba niyo ndugirro yokuhumuzibwa,oija kwesanga wenka omu malirra eyomuhito aha muhanda ogunyakuroho ebisuba hamu nokutambulira nambere ahansi ahatagumire. Oihireho kuba NANYOWE, eitaka eryoyemerireho liija kugwayo. Tekerezaho muno ebintu binu nobwegendereza.

Obuire tibuli kintu ekyokugura ekyosobora okugura hamu nokufuga. Okurabura KWANGE kwijuire engonzi hamu nokwegomba kukurora ocungwirwe kuruga omu butengenene bwekigwererezi ekitahwaho. Mutesigamira aha basaija, rundi hali inywe inywenka , baitu hali RUHANGA wanyu wenka. NYOWE nyenka NINYOWE nsobora nkwesigwa habwa'mananu goona. Busaho mujuni ondi wena. Busayo MWANDARA gundi gwona.

Matayo 7:21-28 Omuntu wena anyakungambira ati Mukama wange mukama wange,tali ogu alitaha omu bukama obwomu iguru; baitu ogu anyakukora Isenyowe ali omu iguru ebyagonza. 22.Baingi balingambira ha kiro kiri ngu Mukama waitu,Mukama waitu,tutagambire omu ibara lyawe?tutabinge mizimu omu ibara lyawe?tutakole byamahano bingi omu ibara lyawe? 23.Nyowe ndibagarukamu ningamba nti Tinkabamanyaga inywe: murugeho namberendi,inywena abakora ebyokwema. 24.Nukwo wena obwahu'ra ebigambo byange binu, nabikora alisisana nomuntu arukwetegereza ayayombekere enjuye ha mwandara;25.nenjura yagwa,nemigezi yagera,nekiyaga kyatera,nibitera enju egi,kandi etagwe, baitu ekombekwa ha mwandara.26.Nomuntu wena obwahu'ra ebigambo byange binu atarukubikora,alisisana nomuntu omudomadoma ayayombekere enjuye ha musenyi:27.nenjura yagwa,nemigezi yagera,nekiyaga kyatera,nibitera enju egi(Lenju)yagwa:nokugwa kwayo kukaba kuli kwingi. 28. Kandi kyahika Yesu obuyamazire ebigambo ebi,ebitebe byahuni'ra muno okwegesakwe.

Obutumwa obuherezibwe Susan kuruga hali MUKAMA, Kyasande , okwaikumi na kumu, 24,2019.

Mbunu hanu obutumwa obwa Kiro kinu. Busayo obuire bwona obwokusisa-ebiro byanu bisobora kuba bibazirwe bitoito muno kukira engeri mukukiroram. Nobuhakuba Nyenkya nayo tebanihizibwe. Habwaki hati nimuikiriza omu mitima yanyu ngu mwija kuba hanu emyaka n'emyaka?Noha ayabagambiire kinu? Habwaki muine obukakafu bwingi muno omu bwire bwomumaiso obumutaine nekimumanyireho? NYOWE nyenka NINYOWE nfuga ebiro ebinyakuli omu maiso. Pulani ZANGE zonka nizo ziija kuhikirirra hamu. Pulani zabantu ziija kuhya zihweho kandi na nyenkya zabo zibuleho habwokuba pulani za RUHANGA zonka nizo zirohokwo Mali.

Habwaki nimwesiga muno namaani pulani zabantu? Pulani ezikozirwe abantu ziija kuchweka kandi ziremwe habwokuba NYOWE nyenka,NINYOWE mukama wobuire obwomumaiso. Obuire tikiri kikwato kyabantu. NYOWE nyenka NINYOWE mukama wobuire obwomumaiso hamu nabyona ebyobuire bwomumaiso bukwatirire. Teeka okwikiriza kwawe kwona omuli RUHANGA wawe hamu nekyo ekinkwija kuletaho. Ebigambo BYANGE bihikire. Mbaherize okwetegereza kwingi muno hali obwire bwomumaiso kunu abakukira obwingi bagaya ebigambo BYANGE kandi bataito muno muno abamanyire nokumanya kiki ekyebigambo BYANGE bigamba.

Mperiize mubwijwire bwingi hali obwire bwomumaiso obulimu kwija hamu nebirarugirramu hali abo abanyakukomamu NYOWE hamu naabo abatankomamu. Ebirarugirramu biija kuba bibi muno,(nkowanyakutandikire ajwaire yamalirra ali busa.)obwire bwomumaiso obwabange abanyekambiire, abanyakweherireyo kimu mubwijwire, obwire obu bwijwire okunihiza hamu nokusemererwa-abo abanyakunyehakana hati baija kwikara batali NANYOWE habwebiro ebitahwaho. Obuire obwoine kukora enchwamu enu bugufu muno. Obwomezi bwawe obwomumaiso tibukunihizibwe . Mukole entekaniza hati okuija omu kumanya nkomunywani wahaihi owawe.

Kakusinga oraaba otaamanyire, hati obu tinkwija kukwikiriza omu maiso ga TAATA hamu nabamaraika be omu bwomezi obukwija. Mananukwo noyenda okwangibwa obwolintangatangana maiso na maiso hamalirra yabyona? Bunu tibukwija kuba nibwo obwire obwokwega ngu okuba nenkoragana NANYOWE nikyo kyali kigendererwa ekikuru muno omu bwomezi bwawe. Mukahangirwa kuba nenkoragana NANYOWE. Okunuga obwomezi bwawe bwona obwomunsi kiija kukuletera okufwerwa nokumarwamu amaani aha kaire kokutunurra RUHANGA wawe. Otalindirra okuzonzora amananu ganu.

Obwire kiri kisembo ekitasobora kugarurwaho oba kutekaho ekintu kindi mukiikaro kyobwire. Mutunurre amananu ganu hati kandi mukole enchwamu. Ndimu kwizira ekanisa eyenyakwetekanize. Abo abatetekanize baija kuba babihirwe muno ekihinguraine kandi baingi muno baija kutangatangana okuhwerekerra okwabwangu bwangu. Okurabura kunu kusindikirwe nengonzi ezamaani muno. Okwegomba KWANGE kuli hali inywe. Boojo mwije hali NYOWE hati, kandi mutunge obwomezi obumwali mubalirwe kwomeera muli omu Kugonza KWANGE. Nimbagonza. Murabiikiza hansi obwomezi bwanyu nukwo muije okumanya ? Ndindiriire baitu tinkwija kulindiriira ebiro ebitahwaho. Esaaha erimu kuhwayo.

Yakobo 4:4 Inywe abakazi abasihani tumanyire ngu okuganjana okwensi nubwo bunyanzigwa na Ruhanga? Nukwo omuntu wena anyakugonza okuba enganjani yensi buli ayefoire omunyanzigwa wa Ruhanga.

1 Abasesalonika 5:3. Obubagamba ngu Mirembe, busaho kabi, nubwo okuhwerekereza okwa bwango kubaizira, nkokurumwa okukuizira anyakuli nenda; kunu tibalikira na kake.

Obutumwa obuherezibwe Susan kuruga hali MUKAMA , kyasande, okwaikumi nebiri, 1, 2019.

Mbunu hantu obutumwa BWANGE obwa kiro kinu: Ensi erimu kwehinduliza. Omuntu wekibi anyangire kandi hati kiro kinu nimurora ebizibu ebikurugiramu habwokwangibwa kunu.

Tihasobora kubaho okugaruka enyuma hati baana, Ensi eija kugumizamu omumbeera yekibi ekikuhuniriza hali ensi eyenobere OMUHANGI wayo. Abaana BANGE, hahindikire bandugaho nibatekereza ngu bamanyire muno kusingaho. Tibarukwetaga RUHANGA wabo, ugu ayatekereho ebintu byona kurora nibirubata. Beikiririzamu hubo bonka ngu bamani muno hali OMUHANGI wabo. Ensi enu eijwire abantu abakutekereza hali buli kintu ekindi kyona hatali NYOWE.

Ebizibu byabo nibabyemalira , batali na RUHANGA wabo. Tiharoho okwetaaga kwona kwokunseera nukwo bakutekereza, kandi hati baija kurora ebikurugiramu ebibi ebyendora yabo eyangamba nyenka. Ensi eija kugumizamu kufwoka yekiirima. Ekibi kiija kweyongera, engeri emihito eija kweyongera hamu nebigwererezi. Emitima yabantu eija kugumizamu kufuka, neyeyongera kufuka buli kiro. Nobubyakuba ebyo byona ebimpabwireho ngu biija kuhikirra , abantu era tibakuija kumpindukira omu biro binu ebibihire ebyomuhito ebinyakuli mumaiso.

Baija kugumizamu kurora munda, baitu hatali aheru hali RUHANGA wabo. Banu bantu abahole abakambu abanyakwijwire emyepanko, hamu nengoto ezigumire. Bakomeremu omuhanda ogwobusisi kukira ogwokuhikirra, obwemi kukira amananu. Okwegomba

kwomubiri kubasingwire kandi baija hamalirra yabyona kuhungurwa omu gehena kakusinga baraba batahindukire bwangu kandi bakegarukamu obusisi bwabo obukuhuniriza.

Tindukugonza abantu okugenda omu gehena, baitu tinsobora okuikiriza ekibi omu bukama BWANGE obwokuhikirra. Nterireho omuhanda abantu ogwokurabamu okuija kugaruka hali NYOWE. Nkafwa okufwa okuzibu muno omu kiikaro kyabo, okusasura ekibonerezo kyekibi hali RUHANGA Woburukwera. Okukanika ekyo ekyali kibuzire: okuihaho omwanya ogwo hamu nokukanika enkoragana eyali esisikaire hagati ya RUHANGA hamu nebihangwa bye; Nkasirimuka hansi kuruga omu bwomezi obutahwaho kandi nahayo obwomezi bwange bwonyini kandi nagaraaho omuhanda ogukugaruka hali RUHANGA.

Hati mutekwa kukomamu, oba nimwetaga okwongera okwegaitaho hali RUHANGA, oba okwikara inywenka mutali nawe habwebiro ebitahwaho. Enu niyo enchwamu eyimutekwa okukora. Butakora enchwamu era nayo eba nchwamu butankomamu. Boona baija kwemerra omumaiso GANGE, bahereze embalirra yobwomezi bwabo. Oraaba oyetekanize okuntunurra? Oraaba omanyirwe NYOWE Nkomunywani owahaihi muno, rundi oranagwa kuli hara nkomukozi wobwemi? Hati bunu mutekwa kuchwamu. Nimutekereza ngu muine emyaka nyingi muno okukora enchwamu enu.

Timunihizibwe kinu kandi kiri kyobusiru okwikiriza omungeri endi. Obuire tibuli kintu kyona ngu murakifuga rundi kiraba kyanyu. Nobuyakuba NYENKYA tebanihizibwe. Muchwemu omutekereza yanyu. Muraija munda haihi kandi mukamanya rundi murayanga okuraliza KWANGE okwokuba abanywani abahaihi muno? Byona bisigikire hanchwamu. Ngya kutekamu ekitinisa buli kimu kyona ekimurakomamu oba kukomamu NYOWE rundi butankomamu.

Matayo 7:21-23. Omuntu wena anyakungambira ati Mukama wange Mukama wange, tali ugu alitaha omu bukama obwomu iguru; baitu ugu anyakukora Isenyowe ali omu iguru ebyagonza. 22. Baingi balingambira ha kiro kiri ngu Mukama waitu, Mukama waitu, tutagambire omu ibara laws? Tutabinge mizimu omu ibara lyawe? Tutakole byamahano bingi omu ibara lyawe? 23. Nyowe ndibagarukamu ningamba nti Tinkabamanyaga inywe: murugeho namberendi, inywena abakora ebyokwema.

Obutumwa obuherezibwe Susan, kuruga hali MUKAMA, kyasande, 8, 2019.

Nkinu hanu ekigambo kya Kiro kinu; Muhulirize kurungi Baana. Ekigambo kya kiro kinu, kiri “enkoragana”. Mutaine kinu, muli mubuzibu bwamani. Mutekwa kwija munda kusembera haihi na RUHANGA. Omunyanzigwa abetorora. Omumiringo nyingi aikara omuli inywe kandi nabafuga. Kinu nikibagumira okukitunga, baitu nobubakuba abo abanyakweyeta ABANGE, nabo batahirwemu emyoyo yemizimu. Eri myoyo yediini

hamu nemyoyo emibi eyekweisaniriza nkabanyadini baitu eri kintu kindi. Emyoyo enu eri yemyepanko kandi ereta okuhwerekerra buli hokakuhindukira.

Eyebembera amakanisa, obuhereza, kandi erubatira nomuli inywe neserra oha owerahwerekereza. Ehereza ekigambo KYANGE ibara libi, kandi ehwerekereza abantu abakwikiriza kiki ekindi. Okuhwerekereza okwingi muno kukorwa omu ibara lyekanisa hamu nabanabi bayo, abegesa, hamu nabebebezi. Osobora kubetegereza ota? Tosobora okubetegereza otaine OMWOYO ARUKWERA WANGE. Mutekwa okwegarukamu, okwehayo hali NYOWE, kandi okanfwora MUKAMA wawe kandi OMUJUNI wawe.

Otekwa okusaba okwijuzibwa na MWOYO ARUKWERA WANGE, hamu nokutunga etabaza eyejuiire AMAFUTA. Mutekwa okubikiza okugonza kwanyu kwonyini hansi, kandi mukehayo hali okugonza kwa RUHANGA ISIITWE, nimwikiriza omuhendo ogwasasuirwe aha musaraba ogukubasobozesa okuhikirra omu maiso ga RUHANGA. Mutekwa kuba nokuterana na RUHANGA okugaruirweho, kuraba omu kuserra okwikara haihi NANYOWE omu kiikaro ekyensita ekiro kyona, hamu nokusoma ekigambo KYANGE nobwebembezi BWANGE nosaba okwetegereza amakuru gakyo agahikire hatali okusoborra kwabantu.

Musabe kutunga okwahukanizamu nukwo mwolekwe obutego bwa setani nobuhakuba omunda omukanisa hamu nomubebebezi bayo. Ekanisa efwokere kisisani hali abantu bayo nukwo kurora nti bagitekere omu maiso GANGE. Hakire bagikwatirira nkakanyana akezabu batakarugireyo kwija okuhambya amananu. Enu niyo ekanisa YANGE eya koya koya. Eyenyakwesibire hali enkora nemitwalize yabantu, eyekubihwabihwa emyoyo emibi kandi eyenyakukwatirwe omu bujunanizibwa bwensi.

Bwangu muno ekikumara banu baija kusigwa enyuma hamu nebyo byona ebibakugonza muno baija kuba bibagobiize kandi nomu ugu ayakubaire abajunire kuruga omu kuhwerekerra okwa bwangu rundi omuhakaniza wa Kristo owalimu kwija owubangire. Otaikiriza emizimu hamu nemyoyo eyekubihabiha okukwebembera kukwiha aha mananu nebyo ebikuisana nkebyediini. Ija omu kumanya RUHANGA wawe omu kiikaro ekyensita kuraba omu nkoragana nukwo osobole kuba noyahukanizamu omu saaha enu eyekumalirra eyokubihwabihwa.

Ebisuba ebyamaani muno nibyo bifugire kandi bataito muno abakwenda amananu mukiikaro kyekyo nibenda ekikulyalyata amatu gabu hamu nekikwijuza enyikiriza zabu. Ijuka omunyanzigwa aija nka malaika womusana. Mutekwa kuba nakabazi kamaiso aka RUHANGA okwetegereza ekibi kyomunyanzigwa. Otagenza kutekereza ngu sobora kukora kinu wenka otali na RUHANGA wawe. Etabaza eyenyakuine amafuta gebichweka eija kukusiga omu kiirima. Serra okuijuza etabaza yawe.

Noyetaaga amafuta ganu kandi hati bunu nibwo obuire obwokuijuza etabaza yawe.
Haroho OMUNTU OMU WENKA OWAHIKIRE OWAKUMULIKA . Muije mumanye.

Marako 7:8 Inywe muleka ekiragiyo kya Ruhanga, nimukwata engeso zabantu.

Abakolosai 2:8 Mwerinde rundi hataba arukubanyaga omu bifirosofo nebyebisuba ebitarumu,okukuratira ebirukwegesebwa abantu,nokukuratira ebyokubanza ebyensi,okutakuratira Kristo.

1 Abakorinso 2:14 Baitu omuntu owokuzarwa kwonka taikiriza ebyomwoyo ogwa Ruhanga; baitu biba byobutami haluwe kandi tasobora okubimanya, baitu nibyetegerezebwa obwomwoyo.

2 Abakorinso 11:14 Kandi tigali mahano;baitu na setani ayefora maraika womusana.

Obutumwa obuherezibwe Susan kuruga hali MUKAMA , kyasande,okwaikumi nebiri,15,2019.

Mbunu hanu obutumwa bwa kiro kinu. Baana BANGE ensi neburwamu omu kuhereza okurorera okumusobora okutunga kuruga hali NYOWE nobukiraaba ngu abaingi abakukira babihabihirwe omu keikiriza omulingo gundi. Baingi muno basirimuka hansi omu misiri nibaseera ebigaali hamu nembarasi okutunga obusagiki bwabo. Kinu kiriikara nikigenda kubi muno engeri ensi teri harubaju RWANGE,eri munyanzigwa hali NYOWE.

Pulani ZANGE zirungiho kusinga ezanyu. Manyire kiki ekirungi muno kusingayo hali inywe. Ntabahange? Tinsobora okuroterra ABANGE? Ninsobora okukora ekikusingaho nekyo. Okuroterra KWANGE kwebiro nebiro hali abo abakukwenda!Kuroho,nobuhakuba hati engeri ekibi kyona kibetoroire,musobora kwikara omu businge kakusinga mwakubaire nimubikiza bubikiza hansi ensi mukaija hali NYOWE.Tindukwetaaga okwehayo okwebichweka .

Tinsobora okubayamba, kakusinga mugumizamu okuserra okuhumuzibwa kuruga hali ensi eyenyakubuzire. Engonzi ZANGE nizimara byoona-nsobora okukuhereza byona ebyokwetaga okurora wabaho omunsi eyebuzire eri omu kibi. Habwaki mwikara mwahukaine hali okunihiza kunu,kunu kuroho hali iwe nobuhakuba hati? Baingi muno bakomeremu ensi habwokuba nezooka nkeyekutangirra,nkeyekwemerezaho,nkeyekwesigwa muno.

Gunu mutego kandi nabo abanyakugwa habwagwo baija kumalirra babuzire habwebiro nebiro bakwatirire hali pulani zabu zonyini,nibaikiriza ngu bamanyire muno kusingaho.Otaba nka mukazi wa Ruta, norora enyuma hali ensi eyekibi eyetainemu kantu. Hati bunu nibwo obwire obwokuchwamu noha oworahereza. Araaba RUHANGA

wawe,OWAMAANI GOONA rundi omunyanzigwa wawe owokuhagana nawe owakwenda okuhwerekerra kwawe?

Gehena eijwire abasiru abayebembirwe abasiru nibaserra ebyobusiru.Otekwa kuba mugezi omu biro binu ebizibu ebyekiirima. Lekeraaho okwemalirra wenka hamu nokwrsigamira aha bantu ababi abanyakwesiga ekibi okubasumurra. Bwangu ensi enu eija kukabira hali abo abanyakukomeremu kurwanisa NYOWE. Oraba oli nkaha kinu obukirabaho?

Oraba oli kurungi omu ngaro ZANGE ezikugonza, rundi oraba obuzire nokweijukya otwairwe enaku eyebiro nebiro? Serra ebigarukwamu kuraba omuli RUHANGA wawe! NYOWE nyenka nsobora okwesigwa ninyemerezaho omuntu. Wegarukemu habwokukomamu kundwanisa,nseera nka MUKAMA wawe kandi NKOMUKAMA ,komamu okurwanisa okugonza kwawe kwonyini habwokugonza kwa RUHANGA ISIITWE, muteeke obukakafu bwanyu omuli MWOYO ARUKWERA kandi musabe okuijuzibwa huwe. Munyirize ebigambo BYANGE,mwechwaho ensi-hati baana,mutesiga emitima yanyu yonyini-mwigamire namaani muno hali NYOWE. Abandi boona baija kubanaga. Onu nuwe MUKAMA wanyu. RUHANGA WOBWIRE BWOMUMAIISO.

Enfumo 3:5-6 Yesiga MUKAMA nomutima gwawe gwona,Oleke okwigamira ha kwetegereza kwawe wenka. 6.Omu mihanda yawe yona omwatulege,Kandi nuwe aliterekereza emihanda yawe.

Okubanza 6:5 Kandi MUKAMA akarora obubi bwomuntu bwingi omu nsi nokulenge'ra kwona okwebitekerezo byomutimagwe kukaba kuli kubi obutosa.

Isaya 31:1 ZIRIBABONA abo abasirimukira Misiri okukonyerwa,nibesigamira imbarasi ;nibesiga egali baitu ziri nyingi,nabahambarasi baitu banyina amani maingi;baitu tibarukurora ha Arukwera wa Isareri,kunu tibarukuse'ra MUKAMA.

2 Samuiri 22:3 Ruhanga womwandara gwange,nuwe ndayesisigaga;Engabo yange,nihembe eryokujunwa Kwange, orukomero rwange orurairhire nekyokwebingamu kyange;omujuni wange,nonjuna hali itima.

Obutumwa obuherezibwe Susan kuruga hali MUKAMA,Kyasande , okwaikumi nebiri ,22,2019.

Mbunu hanu obutumwa BWANGE. Ensi erimu kweyongera ekiirima. Baana , mulimu kurora? Obumuraba mutarukurora kurungi kiki ekirimu kubaho haihi nainywe,buli omuhanda gwanyu gubabuzireho. Ekiirima kirimu kutahamu kandi ekibi kibetoroire. Ensi enu obweraba etakukukwata kubi,buli obu oli kichweka kimu hali ensi enzibu kandi ogwire omu rubaju rwomuhanda. Ensi enu tesobora okweyemerezaho yonka etali

NANYOWE,nobukiraaba ngu netekereza kundi. Ekibi ekirimu kwimuka kiija kurugirramu okuhwerekerra hanyuma yabyona kakusinga esigara etakebeirweho RUHANGA ARUKWERA.

Enchwamu zitekwa kukorwa. Byona bisigikirra hanchwamu. Oba oserre ozoole omuhanda gwawe ogukugya omu muhanda ogufunda ogwabataito basanga rundi oija kubura nkenkozi yobwemi. Busaho kyokukora ekyakasatu. Obuire bwizire obwokukomamu omulingo engeri oija kumaramu ebiro byawe ebitahwaho. Orahwerekerezibwa omunyanzigwa WANGE rundi orasanga okuba kurungi hansi yamapapa G'OMUHANGI WAVE?

Kakusinga okomamu NYOWE, buli obu otekwa kuserra hokuhumurra omu mananu GANGE, omu bigambo BYANGE, kuraba omu KWEHAYO OKWIJWIRE hali NYOWE nka MUKAMA wawe kandi OMUJUNI, OMUKAMA,noyegarukamu obwomeezi bwawe obwekibi,hamu nokwegomba okwija omu Kugonza kwa RUHANGA ISIITWE.

OKWEHAYO OKWIJWIRE, kimanyisa okurubata okaruga hali okwekamba kwawe okwoine hali ensi eyekibi. Nikimanyisa okweyahunizamu mubindi byona, hamu nokurora kurabira omu maiso ga RUHANGA hamu nokubiikiza hansi pulani zawe zonyini. Abantu abakukira obwingi bakomamu okuhondera emihanda yabo yonyini,baitu enchwamu enu eija kutwara omu kuhwerekerra okwingi. Okukomamu emihanda yawe yonyini kiija kukutwara omu gehena hamu nokuba aherru yobukama bwa RUHANGA. Otekwa okuchwamu nooha oworahereza.

Oba OMUGANGI wawe, AYAKUKOZIRE, rundi omunyanzigwa WANGE, ebyahangirwe. Busaho bwire bwona obwokusisa. Baingi muno bafwa buli kiro batakukinihira nakamu okutunurra RUHANGA wabo kandi aho naho nibahereza embalirra yobwomezi bwabo.Kanu karaba kasumi kokumarwaho rundi akokunyumirwa nomuhimbo omwingi? Enu nchwamu yawe. Baingi muno baija kukomamu obwire buhoireyo muno. Tekereza nobwegendereza omulingo oija kukomamu.

Onu nuwe RUHANGA WEBIRO EBITAHWAHO.

Matayo 7:14 Baitu irembo lifunzire nomuhanda ogutaha omu bwomezi muke, nabo abaguzora bake.

Matayo 7:21 Omuntu wena anyakungambira ati Mukama wange Mukama wange, tali ugu alitaha omu bukama obwomu iguru;baitu ugu anyakukora Isenyowe ali omu iguru ebyagonza.

Okusukururwa 3:18 Ninkuhabura amagezi okugura namberendi zabu enyakusemezibwe omu mu'ro,nukwo obe omuguda,nebyokujwara ebirukwera nukwo ojwale,nensoni zawe zokuba kwonka zireke okurorwa:nomubazi gwokusiga ha maiso gawe, nukwo ohweze.

Abarumi 14:12 Nukwo itwena tulyetonganira omu omu hali Ruhanga.

Obutumwa obuherezibwe Susan kuruga hali MUKAMA , kyasande,okwaikumi nebiri,29,2019.

Mbinu hanu ebigambo bya kiro kinu. Omwaka omuhyaka gulimu kwija;baitu baana BANGE , nimutekereza ngu byona biri kurungi ngu habwokuba nti “mwaka muhyaka”?Byona tibiri kurungi.Ensi hamu nabo abagirimu balimu kuhuliriza ebikurugirramu ebyokwanga RUHANGA. Abantu balimu kunyanga buli hokuhindikira. Kinu tikikwija kugendera kurungi hali abo abatahinduka okuruga omu kibi kandi bakampereza okwehayo okwijwire. NYOWE nyenka NINYOWE nsobora okuleeta okujunwa hamu nengonzi ezikwetagibwa abantu.

Engonzi ezikuherezibwa abantu abatakwegarukamu tiziri nizo engonzi eza RUHANGA ARUKWERA ahereza. Ziri ngonzi ezebisuba,ezikwija kutwara omu gehena kyonka habwokuba ziri aheeru YOKUGONZA KWANGE OKURUKWERA. Abo abanyakwikara batehaireyo mubwijwire hali okugonza KWANGE,baija kusangwa nibakyaburwamu obubalintunurra maiso na maiso aha kasumi akabalyemererra omu maiso GANGE okuhereza embalirra yobwomezi bwabo. Abo boona abakwetekererezamu kuba bahikiriire NANYOWE baitu bakaikara bakyayehaireyo hali okuhambya ensi eyerimu kufwa,baija kwega kundi.

Ebigambo byabo hamu nebyekwaso byabo aha kasumi ako tibikwija kubajuna kandi nemalirra yabo eija kuba gehena. Otageza okuba akwekakasa muno omu mihanda yawe yonyini,endora yawe hamu nenyikiriza zawe. Mwege emihanda YANGE, endora, hamu namananu GANGE. Omuhanda GWANGE gwonka,omuhanda ogufunda,nugwo omuhanda ogwokugenderamu. Emihanda endi yoona eija kutwara omu gehena.

Bataito muno abanyakuhika omu muhanda GWANGE ogufunda. Esaaha ngufu muno, okurora nozoora omuhanda gwawe. Nyenkya esobora kukusanga oyemeriire omumaiso GANGE nohereza embalirra yobwomezi bwawe. Oyetekaniize? Oyetekanirize okwija KWANGE okukusobora kubaho aha saaha yona? Ba bulindaara omu kurora habwa MUKAMA wawe. Obusumi bwawe hanu omunsi busobora kutemwayo aha kaire koona. Mutazanazana nokujunwa KWANYU. Abo bonka abanyakumanyire kuraba omu nkoragana nibo baija kusangwa betekaniize. Ija hali NYOWE hati, kandi onzoole kuraba omu kigambo KYANGE,hamu nomubusumi obwokuculera omu kiro kyanyamusana , nsobora kuzoorwa.Yeta hali ibara LYANGE,nserra ekiro kyona.

Tindi hara muno yomuntu wena. Engonzi ZANGE zonka nizo zigumire. Engonzi ZANGE zonka tizihinduka ,tizitengesibwa,zesigibwa. Engonzi ZANGE Tizikugurukyagurukya.Baitu abo bonka abanyakunserra mananukwo omu saaha enu eyekererirwe nibo baija kusangwa basemeriire okutoroka kiki kyonyini ekinyakulimu kwija

hali ensi. Murataisura okukwata kwanyu hali ensi eyekibi eyenyakuli munyanzigwa hali NYOWE? Kiro kinu kisobora kuba nikyo ekiro kyawe ekyokumalirra okukomamu NYOWE. Mpereza okurabura habwokuba ngonza, kandi nokwegomba KWANGE kuli nti buli muntu wena . Onu nuwe RUHANGA wawe,engonzi ezitakanga.

Ezekyeri 33:11 Obagambire oti nkokundi omwomezi agambire Mukama RUHANGA, tinyina okusemererwa okufa kwomubi;baitu omubi aruge omu muhanda gwe abe mwomezi:muhinduke,muruge omu mihanda yanyu emibi;baitu nimwegombera ki okufa, inywe enju ya Isareri?

1 Timoseo 2:4 arukugonza abantu bona okujunwa,nokuhika omu kumanyira kimu amazima.

Ezekyeri 18:32 Baitu tinyina kusemererwa omu kufa kwogu anyakufa, agambire Mukama RUHANGA: nukwo muhinduke, mube abomezi.

Mika 7:18 Noha Ruhanga nkaiwe,arukuganyira okutahiki'ra nahinguraho ha kusisa kwabobugwetwabwe abasigaireho?Takwatwa okubihirwakwe ebiro byona ,baitu asemererwa okuganyira.